

4555

II 4700h

491.99-8

S-45

132

1912

2010

842062

491.99-8

S-45

ՆԻԿՈՂԱՅՈՍ ՏԷՐ-ՂԵՌՆԴԵԱՆ

ՄԱՅՐԵՆԻ ԼԵՂՈՒ

ԵՐԿՐՈՐԴ ՏԱՐԻ

ԵՐԿՐՈՐԴ ԳԻՐՔ

ԸՆԹԵՐՑԱՆՈՒԹԵԱՆ

Մ Ա Ն Ո Ւ Կ Ն Ե Ր Դ Հ Ա Մ Ա Ր

ՔՍԱՆԵԻՀԻՆԳԵՐՈՐԴ ՏԻՊ

491.99-8
S-45

Թ Ի Յ Լ Ի Ս
ԲՏԻՐՈՍԵԱՆՅԻ, ՊՈՒՇԿԻՆՍԿԻ ՓՈՂՈՑ № 3.
1912



28504-43

Յ Ա Ռ Ա Ջ Ա Բ Ա Ն Ի Տ Ե Ղ

«Մայրենի Լեզու»-ի Երկրորդ տարին բաղկացած է երկու ընդարձակ բաժիններից: Առաջին բաժինը ամփոփում է իւր մէջ մանկական աշխարհը իւր բոլոր ճիւղաւորութիւններով՝ տունը, ուսումնարանը, կենդանիները, բոյսերը և այն բոլոր զբաղմունքներն ու գործողութիւնները, որոնք տարուայ ընթացքում շըրջապատում են մանկան: Երկրորդ բաժինը—գիւցազնական կամ առասպելական աշխարհ՝ բովանդակում է մանուկներին մատչելի առակներ և հեքիաթներ... Այդ առակներն ու հեքիաթները առնուած են գլխաւորապէս հայկական աղբիւրներից, որոնց մենք մշակել և ղետեղել ենք մեր գրքի մէջ վերապահութեամբ: Մեր գրագէտների մէջ վերջին ժամանակ սկսել է զարգանալ մի տարօրինակ առաքինութիւն. նրանք արգելում են օգուտ քաղել իրանց երկերից նաև օրէնքի սահմաններում:

Սա է պատճառը, որ մենք մեր գրքին պիտանի նիւթերը գլխաւորապէս քաղել ենք օտար աղբիւրներից, զգալով հանդերձ, որ այդ աղբիւրները անհամեմատ աւելի նպաստակիւն յարմար նիւթեր են տալիս, քան մայրենի գրականութիւնը:

Մեզ եղած բազմաթիւ գիմուններին ուղղագրութեան վերաբերութեամբ առայժմ այսքանը կարող ենք պատասխանել. ներկայումս երեք հոսանք շարունակում են մրցել միմեանց հետ՝ աւանդական ուղղագրութիւնը, որ բոլոր հայերի հին և նոր գրականութեան ուղղագրութիւնն է. հիւնագրութիւնը, որ ձգտում է դուրս մղել գործածութիւնից ու տառը այն զէպքերում, երբ նա սուղ արտասանութիւն ունի, և վ-ագրութիւնը, որ քարոզում է մի հնչիւնին մի գիր սկզբունքը, այսինքն Վ—Յ հնչիւնի համար անխտիր և ամենայն տեղ ընդունում է վ նշանագիրը, իսկ Լ-ին թողնում է իւր պատմական տեղը նոր գրականութեան մէջ, այն է՝ ու և իւ երկբարբառներին կից, որպէս ձայնաւոր տառ:


Անձնապէս ես այն համոզմունքի եմ, որ մենք ըաղաձայն ու չունինք և այդ մասին բաւական մանրամասն բացատրութիւններ տուել եմ Նոր-Դպրոցում (1908 թ. № 3 և 5 և 1909 թ. № 8-9) բայց եթէ մի իրաւասու մարմին ապացուցանի, որ՝ ձայնաւոր ու-ն որոշ զէպքերում կարգացւում է որպէս Վ—Յ, այսինքն որպէս բաղաձայն տառ, ուրեմն և նրան պէտք է փոխարինէ մի ուրիշ

տառ, մի բան որի կարևորութիւնը ես չեմ զգում, ապա այդ ու-ն պիտի փոխարինուի Լ-ով, այսինքն ձայնաւոր ու-ն ձայնաւոր Լ-ով (ածանցման կանոն) իւր պատմական առումը:

Գալով այն խնդրին, որ իւրաքանչիւր նշանագիր պէտք է մի հնչունի արտայայտիչը լինի և, աչքի առաջ ունենալով, որ Լ-ն հնումը Ա—Կ—Ու հնչիւնի նշանագիրն է եղած և այժմ էլ շատ զէպքերում ձայնաւոր է, ես բացարձակ կերպով յարում եմ այն պարոնների առաջարկութեանը, որոնք Լ-ին թողում են իւր սկզբնական պաշտօնի մէջ՝ ու և ի տառերի հետ, իսկ մնացած բոլոր զէպքերում առաջարկում են գործածել վ գիրը:


Ազատ մամուլը, գրականութիւնը, ժամանակի ընթացքում, անշուշտ, կը վճռեն այդ խնդիրը. դպրոցը, մինչև այդ, չպիտի շեղուի իւր ճանապարհից. նա պիտի աւանդէ մանուկներին միմիայն գրականը, անվիճելին, ուրեմն և աւանդական ուղղագրութիւնը, որ միակ գործածականն է ամեն տեղի հայերի համար: Այդ խնդրի մէջ մանուկները դեր չունին, քանի որ նա պարզ չէ նոյն իսկ ուսուցիչների համար: Ամենայն կամայականութիւն դպրոցում դատապարտելի է: Այդ կամայականութեան պտուղները մենք արդէն քաղում ենք. մեր ընթացաւարտ աշակերտներն անգամ ուղիղ գրել չգիտեն:

Ն. Տ.-Ղ.



3

11503-57





ՇՐՋԱՆ ԱՌԱՋԻՆ ՄԱՆԿԱԿԱՆ ԱՇԽԱՐՀ

I. ՏՇՆՔ ԵՒ ՈՒՍՈՒՄՆԵՐԵՆՈՒԹՔ

1. ԻՄ ՈՒՍՈՒՄՆԱՐԱՆ ԳՆԱԼԸ

Սեպտեմբեր ամիսն էր. հայրս ասաց, որ ինձ պէտք է ուսումնարան տանեն: Ես շատ ուրախացայ. վաղուց ուզում էի ուսումնարան գնալ: Հայրս ինձ համար պայուսակ գնեց: Ես նրա մէջ դասաւորեցի հարկաւոր առարկաները: Մենք ճանապարհ ընկանք: Ես ուսումնարան չէի տեսած: Սիրտս թնդում էր: Ութը ժամին մենք հասանք մի դպրոցի շինութեան և բակի դռնից ներս մտանք: Բակում շատ մանուկներ կային. ոմանք խաղում էին արձակ-համարձակ, ոմանք էլ զլխակոր կանգնած էին իրանց ծնողների հետ: Մենք ներս մտանք ուսուցիչների սենեակը: Ես երկիւղի մէջ էի. բոլորը նոր մարդիկ էին. ո՛չ մէկին չէի

ճանաչում: Ուսուցիչների զլխաւորը — տեսուչը
նկատեց իմ շփոթմունքը, մօտ եկաւ, փայփայեց
ինձ: Ես սրտապնդուեցայ: Յետոյ ինձ քննեցին
և ընդունեցին աւագ նախակրթարանը:

Բառեր՝ պայուսակ—քսակ, սումկա, դասաւորեցի—դարսեցի,
տեղաւորեցի. բակը—գաւիթը, հայաթը. ոմանք—միքանխար.
զլխակոր—զլուխը կախ գցած. երկիւղ—վախ. աւագ նախակրթարան—մեծ
պատրաստական դասատուն:

Գրեցէք եւ դասաւորեցէք՝ կող. քող. կար, քար. կաղ, քաղ.
կոյր, քոյր. կամ, Գամ:

Հարցեր.—Ի՞նչ ասաց քեզ հայրդ: (Հայրս ասաց, որ ինձ
պէտք է ուսումնարան տանեն:)—Հայրդ ե՞րբ ասաց այդ բանը:
(Հայրս այդ բանն ասաց սեպտեմբեր ամսին:)—Ի՞նչ արիր...
—Ի՞նչո՞ւ ուրախացար և այլն:

(Հարցերով պէտք է ծանօթացնել մանուկներին մանաւանդ
նկարագրական յօդուածների բովանդակութեան հետ: Բոլոր հարցերի
պատասխանները պէտք է լրիւ լինին—պատասխանը պիտի
ամփոփի իւր մէջ հարցմունքի բոլոր բառերը, յաւելմամբ այն
նիւթի, որի համար տրոււմ է հարցը:)

Գրեցէք, թէ ձեզ ինչպէս են ուսումնարան տարել:

2. ՀԱՆԵԼՈՒԿ

Մի տուն տեսայ սիպտակ փրօած,
Սև-սև հաւեր մէջը թառած.
Չու կ'ածէին շատ զանազան:
Կրխօսէին—մարդ բանական:

3. ԿԱՐԳԱԼ-ԳՐԵԼ

Երբ-որ լեզուս բացուեցաւ,
Ազատ խօսիլ սով'րեցայ,
Բարի մօրս ձեռքի տակ
Գրել-կարդալն ըսկսայ:

Շատ ժամանակ չանցկացած՝
Այլևս գիր կարդալը
Այնպէս դժուար չէր թըւում,
Ինչպէս կ'ասեն ծոյլերը:

Այնուհետև ինձ համար
Հոլ-վէգի, գնդակի չափ
Սիրելի են թուղթ, գրէչ,
Գիրք, քանոն, մատիտ, տետրակ:

Բառեր՝ ազատ—հեշտ, համարձակ. այլևս—էլ. դժուար
չէր թըւում—դժուար չէր համարւում, հեշտ էր երևում.
սով'րեցայ—սովորեցի:

Յիշեցէք եւ գրեցէք ձեր գիտեցած դասական առարկաների
եւ խաղալիքների անունները:

Գրեցէք եւ զանազանեցէք՝ դաս, տաս. դար, տար.
դեղ, տեղ. տայ, դա. տուր, դուր. մեխ, մեղ. ճխ, օղ, ող.
կախ, կաղ. սոխ, սող. ուխտ, ուղտ. ախտ, աղտ:

4. ԱՄԵՆ ԲԱՆ ԻՐԱՆ ՏԵՂԸ

Հայկը ծոյլ տղայ չէր, բայց կարգ ու կանոն
չէր սիրում: Երեկոները, դասերը սովորելուց

յետոյ, նա իւր զրքերն ու տետրակները թողում էր թափթըփած ու ցրիւ տրւած. առաւօտներն էլ, երբ-որ վեր էր կենում, ժամերով որոնում էր իւր շորերը կամ ոտնամանները: Ամենայն օր այս ու այն կողմն էր ընկնում Հայկը և միշտ դասից ուշանում էր:

Բառեր՝ ծոյլ—աշխատել չսիրող. ջանասէր—աշխատել սիրող (ջանք—սէր). ժամ—սհաթ. ժամերով—շարունակ, երկար ժամանակ. որոնում էր—պտուում էր, ման էր գալիս, որ գտնի:

Նկատեցէք հետեւեալ բառերի ուղղագրութիւնը՝ առաւօտ, երեկոյ, կէսօր, կէսգիշեր. ժամ, ժամացոյց. ժամ, ժամաւոր, ժամասէր:

Գրեցէք եւ զանազանեցէք՝ կար, քար. կող, գող, քող. կուտ, գութ. կիր, գիր. կէտ, գետ. կալ, գալ. օձ, օժ. ձեր, ծեր. ձագ, ծակ. ձոր, ծոր. ծեծ, ցեց. ծիծ, ցից:

5. ՏԽՈՒՐ ԵՐԵՆԱՅ

Երբ-որ ծագեցաւ պայծառ արեգակ,
Աքլար, աղաւնի, հաւ ու ծիծեռնակ,
Ձի, ոչխար, գառնուկ, այծ, ուլ, հորթ ու կով
Գրնացիին իրանց գործին ըշտապով.
Միայն ծոյլ տղան չըգնաց դպրոց,
Գիրքը շրպրտեց ու փախաւ փողոց.
Իրիկունն ամենք յետ դարձան ուրախ,
Միայն տղան էր արտում, գլխակախ:

Բառեր՝ արեգակը ծագեցաւ—արեւ դուրս եկաւ, լուսացաւ. արլար—աքաղաղ. աղաւնի—աղունակ. ուլ—այծի ձագը. գառը—ոչխարի ձագը. հորթ—կովի ձագը. ձագ—գոմշի հորթը. դպրոց—ուսումնարան. արտում—տխուր. շտապով—շուտով. գլխակախ—գլուխը կախ գցած:

Յիշեցէք եւ գրեցէք ձեր գիտեցած շորքոտանի կենդանիների անունները:—Նկատեցէք՝ ըշտապել, շրպրտել:

6. ՄԵՐ ՏՈՒՆԸ

Մեր տունը մի ընդարձակ բնակարան է: Նա ութ սենեակ ունի: Ամենամեծ սենեակը դահլիճն է: Դահլիճին կից կայ մի ուրիշ սենեակ, նրանից քիչ փոքր, ուր սովորաբար ընդունում ենք մեզ մօտ եկողներին. դա կոչւում է ընդունարան: Հայրս իրան համար առանձին սենեակ ունի—առանձնարան, որտեղ նա զբաղւում է իւր գործերով: Ճաշին, ընթրիքին և թէյին մենք հաւաքւում ենք սեղանատուն: Գիշերները մենք քնում ենք մի ընդարձակ սենեակում, որ կոչւում է ննջարան: Մանուկներին համար էլ մի ջոկ սենեակ է յատկացրած, որտեղ մենք պատրաստում ենք մեր դասերը: Մանկանոցը շատ մեծ չէ, բայց ամենից պայծառ սենեակն է: Այսպէս՝ բոլոր սենեակներն իրանց նշանակութիւնն ունին: Մ'նում է յիշել նախասենեակը և խոհանոցը, ուր խոհարարը մեզ համար համեղ կերակուր է պատրաստում:

Գրեցէք հետեւեալ բառերի նշանակութիւնը՝ ընդարձակ, դահլիճ, կից, ընդունարան, առանձնարան, զբաղւում է, ընթրիք, սեղանատուն, ննջարան, մանկանոց, յատկացրած է, նախասենեակ, խոհանոց, խոհարար, խոհարարուհի:

Դիտեցէք եւ նկարագրեցէք ձեր կացած բնակարանը: Հարցեր. Ի՞նչպիսի բնակարան է ձեր տունը. քանի սենեակ

ունի նա. որն է ամենամեծ սենեակը. դահլիճին կից ի՞նչ սենեակ կայ. ի՞նչպէս է կոչուում այդ սենեակը. ինչո՞ւ է նա ընդունարան կոչուում և այլն:

Արտագրեցէք հետեւեալ ըստերը եւ, ուր որ հարկաւոր է, ը տառը անլացրէք՝ ըզբաղմունք, զբօսանք, զգեստ, զգալ... զրոյց, զկեռ, զղջալ, զնզան (բանտ), զննել, զտել (մաքրել), շտապ—ըշտապ, շտեմարան (ամբար), շըրջան, շնորք, շքեղ*):

Սկարագրեցէք (տուած հարցերով) ձեր տունը (գրաւոր):
Համեմատեցէք ձեր տունը, այստեղ գրածի հետ (բերանացի):

7. Խ Ր Ճ Ի Թ

Կէս գիշերին պայծառ լուսինն երկնքումը բարձրացաւ,
Մեղմիկ ճաճանչները սփռեց և խրճիթը լոյս առաւ:

Փոքրիկ խուղ էր, դատարկ ցեխից անջքապէս նա շինած,
Մի դուռն ունէր ցած և նեղլիկ և մի երգիկ էլ բացած:

Խրճիթի մէջ, երգիկի տակ, կյոբ հնոց կար շինած,
Նրա շուրջը երեք հոգի գործը ձեռքին նստտած:

Պառաւ կինը ճախարակը վարպետութեամբ պտտում էր,
Բրդի փափուկ քուլանները ուշի-ուշով մանում էր:

Համեստագէմ կոյս աղջիկը, սանդերքն առաջը դրած,
Գլուխը կախ, բուրդ էր զգում, իւր գործովը ըզբաղուած:

Երիտասարդ տղամարդը արագ-արագ տաշում էր,
Եւ մի ժամից ողջ գութանը վաղուան համար պատրաստ էր:

* Բաղաձայն տառերը բառի սկզբում, մի ուրիշ բաղաձայնի հանդիպելիս, իրանցից յետոյ ը են առնում, որ հնչուում է, բայց չի գրուում (զբրիչ, զբժուար, թըթու և այլն). միայն ս, զ, շ, տառերը, վերև յիշուած բաղաձայններից հանդիպելիս, ը հնչելնը առնում են սկզբից (ըզբաղմունք, ըզգեստ):

Հաւը խօսեց: Պառաւն մեղմով ձեռքի քուլան վերջացրեց.
— «Կէս գիշերը վաղուց անցաւ, պէտք է քնենք», նա ասեց:

Անցան ժամեր: Եւ խրճիթում խոր լուռթիւն էր տիրել,
Մինչ աղջիկը արիաջան անկողնից վեր էր կացել:

Լուսամուտից նա դուրս նայեց և շրթունքը մեղմ խաղաց.
Արշալոյսը նոր բացուում էր, կուժն ուսեց, շուրը գնաց:

Բառեր՝ խրճիթ—տնակ, փոքրիկ տուն. խուղ—խուց, գետնափոր տնակ. անջքապէս—առանց զարդի. երգիկ—կտուրի մէջտեղից բացած լուսամուտ. հնոց—կրակ վառելու տեղը, օջաղք. շուրջը—չորս կողմը. ճախարակ—թել մանելու գործիք, անիւ, չարխ. կոյս աղջիկ—չպսակուած աղջիկ. սանդերք—բուրդ զգելու գործիք. արագ—շուտ. վաղուան—էգուցուան. արիաջան—աշխատասէր. անկողին—տեղաշոր. արշալոյս—առաւօտեան առաջին լոյսը:

Արձակ գրեցէք այս ոտանատորը՝ մասերի բաժանելով:

8. Մ Ե Ր Դ Ա Ս Ա Տ Ո Ի Ն Ը

Մեր դասատուներ մի մեծ սենեակ է: Սենեակի մի անկիւնում դրած է սեղան և աթոռ վարժապետի համար: Սենեակի միւս անկիւնում դրած է մի մեծ գրատախտակ: Պատերին կախած են կենդանիների նկարներ և աշխարհագրական քարտէզներ:

Սենեակի մէջտեղը աշակերտների համար շարած են նստարաններ: Նստարանների առաջ նոյն կարգով դրած են գրասեղաններ: Վարժապետը սովորեցնում է: Աշակերտները սովորում են: Վարժապետը դաս է հարցնում: Աշակերտները պատասխանում են: Աշակերտները գրում են, կարդում են, նկարում են և հաշուում են թւերով: Ամեն մի դաս վերջանալուց յետոյ աշակերտներին հանգիստ են տալիս. ապա սկսուում է միւս դասը:

Բառեր՝ անկիւն, նկարներ, աշխարագրական քարտէզ, նըստարան, գրասեղան, հանգիստ են տալիս:

Գրեցէ՛ք հետեւեալ բառերը եւ, ուր որ հարկաւոր է, ըտեւելացրէ՛ք՝ սպասել—ըսպասել, սպիտակ, ստամոքս, ստանալ, սփոփել, սքանչելի... սլաք, սխալ, սմբակ, Սմբատ, սնունդ, սրինգ...*):

Համեմատեցէ՛ք ձեր դասատունը այստեղ գրածի հետ (բերանացի):

Նկարագրեցէ՛ք ձեր դասատունը տուած հարցերով (գրաւոր):

9. ՀՐԱԽԷՐ ԴԷՊԻ ՌԻՍՈՒՄՆԱՐԱՆ

Հաւը խօսեցաւ, օրը բացուեցաւ.
Արևն էլ վաղուց ելաւ, բարձրացաւ.
Խելօք մանուկներ, շուտ հագնուեցէք:
Շուտով դասատուն դուք հաւաքուեցէք:

Մարդ և անասուն, գաղան և թռչուն,
Ամենքն էլ իրանց գործին են գնում.
Մըջիւնը բերնով կերակուր տանում,
Մեղուն ծաղկիցը հիւթեր է ծծում:

Դաշտը գոյնգոյն ծաղկով զարդարուած,
Մարգագետինը կանաչ հագնուած,
Անտառը ձմեռուայ քնից արթնացած,
Իւր տերեւները շարժում է կամաց:

Ձկնորսներն իրանց ուռկանն են քաշում,
Հնձոզներն իրանց մանգաղը շարժում...
Դուք էլ, մանուկներ, ձեր գրքերն առէք.
Աստուած ծուլութիւն չէ սիրում երբէք:

*) Տես 10-դ երեսի ծանօթութիւնը:

Բառեր՝ հաւը խօսեցաւ—աքաղաղը կանչեց. օրը բացուեցաւ—լուսացաւ. ելաւ—դուրս եկաւ. մըջիւն—մըջիմ (միջատ). մեղու—մեղրաճանճ. հիւթ—նիւթը, ծուծը. գոյնգոյն—զանազան գոյնի. մարգագետին—կանաչ տափ, թալա. անտառ—որտեղ շատ ծառեր կան, քօլ, մեշա, ձկնորս—ծուկը բռնող. ուռկան—ծուկը բռնելու գործիք, հնձոզ—արտը կամ խոտը կտրող-հաւաքող մշակը. մանգաղ—ինչով որ հնձում են. երբէք—ոչ մի ժամանակ:

Ձոկեցէ՛ք բոլոր առարկաները, որոնք կենդանի են, ապրում են և ազատ կերպով կարող են մի տեղից միւս տեղը շարժուիլ:—Շնչաւոր առարկաներ:

Ձոկեցէ՛ք նմանապէս այն բոլոր առարկաները, որոնք կենդանի չեն, չեն ապրում, կամ թէև կեանք ունին, բայց չեն կարող ազատ կերպով մի տեղից միւս տեղ անցնիլ:—Անշունչ առարկաներ:

10. Մ Ե Ր Ը Ն Տ Ա Ն Ի Ք Ը

Մեր ընտանիքը մեծ չէ. ես ունիմ հայր ու մայր, երկու եղբայր՝ և երկու քոյր. ես ամենից մեծն եմ: Մենք մի պառաւ տատ էլ ունինք: Նա շատ սակաւ է տանից դուրս գալիս. միայն ժամ է գնում: Մա մեզ շատ է սիրում և փայփայում է:

Իմ հայրս շատ է աշխատում. նրա աշխատանքովն ենք կերակրուում և հագնուում ամենքս:

Մայրս անտեսութիւն է անում. նա հրամայում է ճաշ և ընթրիք պատրաստել. նա գնում է ներքնատունը և մառանը: Բայց որ իմանաս թէ ես ինչպէս սիրում եմ նրա հետ մառան գնալ: Ամբողջ օրը մայրս մեզ համար հոգս է քաշում: Նա սովորեցնում է մեզ խաչակիցքի և աղօթել: Մենք երեկոները, քնելուց առաջ, միշտ աղօթում ենք:

Ես մէկ փոքրիկ քոյր էլ ունէի, բայց նրան տարան գերեզմանատուն և զրեցին սև հողակոյտի տակ: Մայրս մինչև այսօր էլ լաց է լինում փոքրիկ Մանուշակի վրայ:

Բառեր՝ սակաւ—քիչ, երբեմն. փայփայում է—գուրգուրում է, սիրում է. անտեսութիւն—տան հոգացողութիւն (տուն-տես). ընթրիք—իրիկնահաց. ներքնատուն—սառտափ, տան ամենաստորին յարկը. մառան—պաշարեղէն պահելու սենեակ. հողակոյտ—գերեզման (հող-կոյտ):

Պատմեցէ՛ք ձեր ընտանիքի մասին եւ համեմատեցէ՛ք այստեղ գրածի հետ:

Գրեցէ՛ք այդ միեւնոյնը ուսուց. տուած հարցերով:

Սկատեցէ՛ք հետեւեալ բառերի ուղղագրութիւնը՝ պաշարեղէն, մսեղէն, խմորեղէն, փայտեղէն, բրդեղէն, երկաթեղէն...

11. Պ Ա Պ Ը

Պապը սաստիկ ծերացել էր: Նրա աչքերը լաւ չէին տեսնում, աղանջները ծանրացել էին. նրա ձեռներն ու ոտները ծերութիւնից դողդողում էին, այնպէս որ, գգալը բերանը տանելիս, կերակուրը կաթկաթեցնում էր:

Այս բանը դուր չէր գալիս նրա որդուն ու հարսին. նրանք ծերին իրանց հետ սուփրի չէին նստացնում, այլ մի անկիւնում առանձին տեղ էին տալիս՝ հաց ուտելու: Մի անգամ, հաց ուտելիս, ծերի ձեռները դողդողացին, ամանը վայր ընկաւ, կտորուեցաւ: Հարսն ու որդին սաստիկ բարկացան խեղճ ծերի վրայ և այնուհետև փայտէ ամանով էին կերակուր տալի նրան:

Ծեր մարդը մի թոռն ունէր: Մի օր մանուկը, յատակի վրայ նստած, տաշեղներից մի բան էր շինում:

Մայրը հարցրեց. «Այդ ի՞նչ ես շինում, սրգի»:

—Փայտէ աման եմ շինում, մայրիկ, որ երբ դու և հայրիկս ծերանաք, նրանով կերակուր տամ ձեզ, պատասխանեց մանուկը:

Հայրն ու մայրը նայեցին միմեանց երեսի և ամօթից կարմրեցին. նրանք այնուհետև սկսեցին ծերին շատ պատուով պահել:

1. Յիշեցէ՛ք եւ զրեցէ՛ք ազգակցութիւն ցոյց տուող շընչաւոր առարկաների անունները. պապ, տատ, հայր, մայր...

2. Արտագրեցէ՛ք այս դասից բոլոր անշունչ առարկաների անունները. նաեւ բոլոր շնչաւոր առարկաների անունները: Պատմեցէ՛ք ձեր պապի կամ տատի մասին, եթէ ունիք:

Առարկայի մէկը՝ պապ, տատ, հայր, մայր, քոյր, մանուկ, տաշեղ, աման, կերակուր...

Առարկայի շատը՝ պապեր, տատեր, մանուկներ, ամաններ...

12. ՊԱՊԸ ԹՈՌՆԻԿԻՆ

Չարը տանեմ իմ թոռնիկի,
Մեռնեմ սիրոյն Անդրանիկի.
Անդրանիկս մի հատիկ է,
Ինձի համար բիւրեղիկ է:

Փափիկ թըշերն իմ գառնուկի,
Պայծառ դէմքը, ունքեր կամար,
Աստղերի պէս ցոլուն աչերն
Մի-մի արեգ են ինձ համար:

Ակնահուլունք կապեմ կըռնից,
Որ երբ անցնի մէկի դըռնից,
Չար աչք չառնի իմ թոռնիկին,
Հոգուս հատոր Անդրանիկին:

Ցաւը տանեմ իմ թոռնիկի,
Մեռնեմ սիրոյն Անդրանիկի.
Անդրանիկըս որբ է մօրից,
Որբ է մօրից, զուրկ չէ հօրից:

Անդրանիկըս թնղ մեծանայ,
Իւր մօր աւանդ չըմոռանայ՝

«Միրել Աստուած, իւր ընկերին,
Ատել չարը, գործել բարին»:

Բառեր՝ պապ—հօր մայրը, մօր մայրը, թոռն—որդու որդին, անդրանիկ—առաջին զաւակը, բիւրեղիկ—զուտ ապակի, թանկազին քար, ակնահուլունք—խոշոր հուլունք, ցոլուն—փայլուն, արեգ—արեգակ, որբ—հօրից, մօրից զրկուած մանուկ, աւանդ—պատուէր, խրատ, ինչ որ մեռնողը կտակում է մեռնելուց առաջ:

Ո՞վ է որբը: Ի՞նչպիսի որբեր են լինում:

Ի՞նչպիսի առարկաներ են՝ Աստուած, չարը, բարին—չարութիւնը, բարութիւնը:

13. ԱՌԱՒՕՏԵԱՆ ՃԱՌԱԳԱՅԹՆԵՐԸ

Պայծառ արևը բարձրացաւ երկինքը և տարածեց իւր ոսկեփայլ ճառագայթները, որ արթնացնէ քնած երկիրը:

Առաջին ճառագայթը թռաւ-ընկաւ արտոյտի վրայ: Արտոյտը թրպլրտաց, թափ արւեց թևերը, դուրս թռաւ բնից, շատ ու շատ բարձրացաւ և երգեց իւր ոսկեհնչիւն երգը. «Ա՛խ, ի՞նչքան լաւ է առաւօտեան պարզ և թարմ օդի մէջ թռչելը, ի՞նչքան լաւ է, սրբան դուրեկան»:

Երկրորդ ճառագայթը ընկաւ նապաստակի վրայ: Նապաստակը ականջները շարժեց և ուրախ-ուրախ թռչկոտաց դէպի ցօղապատ մարգագետինները՝ վազեց-գնաց նախաճաշիկ անելու հիւթալի խոտերով:

Երրորդ ճառագայթը մտաւ հաւաբունը: Աքաղաղը թափահարեց թևերը և երգեց՝ ծո՛ւ-ղը՛ս-ղը՛ս: Հաւերը ցած իջան թառերից, կրկուացին, սկսեցին քջըջել ազբը և ճիճուններ որոնել:

Չորրորդ ճառագայթը ընկաւ փեթակի վրայ: Մեղուն դուրս սողաց իւր մոմեղէն խցից, կանգնեց փեթակի դռան առաջ, ուղղեց իւր թևերը և բզզալով թռաւ-գնաց մեղր հաւաքելու հոտաւէտ ծաղիկներից:

Հինգերորդ ճառագայթը մտաւ մանկանոցը և ընկաւ փոքրիկ ծոյլ մանուկի անկողնու վրայ ու սկսեց ուղղակի նրա աչքերը ծակծկել. բայց նա շուռ եկաւ միւս կողքի վրայ և նորից քնեց:

Բառեր՝ տարածեց—փռեց, ճառագայթները—շողերը, արտոյտ—աբեղաձագ թռչուն (жаворонок). ոսկեհնչիւն—ոսկու նման ձայն հանող, թարմ—թաղա, մաքուր, նոր, ցօղ—շաղ, ցօղապատ—շաղաթաթախ, մարգագետին—կանաչ տափ (лугов). նախաճաշիկ—առաջին ճաշը (закуска). հիւթալի—մնդարար, հիւթով լիքը, որոնել—պտըրտել, փեթակ—մեղուի տնակը, քթոցը, խոց—փոքրիկ տնակ:

Ի՞նչպիսի մանուկ էր այստեղ նկարագրածը: Արտագրեցէք բոլոր շնչաւոր առարկաների անունները՝ թիւր փոխելով:—Արտագրեցէք բոլոր անշունչ առարկաների անունները՝ թւերը փոխելով:

14. ՕՐՕՐՈՅԻ ԵՐԳ

Արի, իմ սոխակ, թո՛ղ պարտէզ, մէրին,
Տաղերով բո՛ւն բեր տըղիս աչերին.
Բայց նա լալիս է. դու, սոխակ, մի՛ գալ,
Իմ որդին չ'ուզէ տիրացու դառնալ:

Ե՛կ, սրբեղաձագ, թո՛ղ արտ ու արօտ,
Օրօրէ՛ տըղիս, քընի է կարօտ.
Բայց նա լալիս է. դու, ձագուկ, մի՛ գալ,
Իմ որդին չ'ուզէ աբեղայ դառնալ:

Թո՛ղ դու, տատրակիկ, քո ձագն ու բունը,
Վույլույով տըղիս բեր անուշ քունը.
Բայց նա լալիս է. տատրակիկ, մի՛ գալ,
Իմ որդին չ'ուզէ սրգաւոր դառնալ:

11503 - 57



Կաշաղակ ճարպիկ, գող, արծաթասէր,
 Շահի գրուցով որդուս քունը բեր.
 Բայց նա լալիս է. կաշաղակ, մի՛ դալ,
 Իմ որդին չ'ուզէ սովազար դաճնալ:

Թո՛ղ որսըդ, արի՛, քաջասիրտ բազէ,
 Քո երգը գուցէ իմ որդին կ'ուզէ.
 Բազէն որ եկաւ, որդիս լռեցաւ,
 Ռազմի երգերի ձայնով քընեցաւ:

Բառեր՝ սոխակ—բլբուլ. մէրի—անտառ. արեղածագ—արտու-
 տիկ. արեղայ—վարդապետ. տատրակ—աղունակի տեսակ մի թըռ-
 չուն (горликъ). կաշաղակ—քըչեղակ (сорока). բազէ—ղզըլ-ղուշ
 որսի թըռչուն (соколы). ուզմի երգեր—պատերազմի երգեր:

Կրկնեցէ՛ք սովորածներդ՝ առարկայ, շնչաւոր առարկաներ.
 անշունչ առարկաներ, մտաւոր առարկաներ, հոգևոր առարկաներ.
 առարկայի անունը, անուան թիւը—մէկը և շատը: Օրինակներ
 այս դասից:

Այս ոտանաւորի իւրաքանչիւր տունը արծակ գրեցէք:

15. Կ Ա Ի Ի Ճ

Փոքրիկ Նազելին վաղուց գիտէր, որ կաւիճով գրում են գրատախտակի վրայ, որ նրանով կարելի է ձեռներն ու շորերը փոշոտել, որ նա սպիտակ է ու փափուկ և կարելի է փշրել, փոշի դարձնել: Ուրիշ ոչինչ չէր իմանում Նազելին կաւիճի մասին: Մի անգամ նա հարցրեց աղախնին.

—Ո՞րտեղից են ստանում կաւիճը:

«Խանութներից», պատասխանեց աղախինը:

—Շատ լաւ. իսկ խանութներում ի՞նչ տեղից է:

«Սարերից... այդպիսի սարեր էլ կան»:

—Հա՛ ուրեմն դա հող է, մտածեց Նազելին և էլ

ոչինչ չհարցրեց:

Բայց սրբան զարմացաւ մեր Նազելին, երբ մի անգամ նկատեց գրքի մէջ մի այնպիսի պատկեր, որպիսին նկարած է այստեղ, և նրա տակը կարդաց՝ կաւիճ: Նազելին վազեց իւր մօր մօտ:



«Մայրիկ, սիրելի մայրիկ, մի՛թէ սա կաւիճ է նկարած»:

—Այո՛, սրբի, տեսնում ես, գրած է:

«Բայց մեր կաւիճը այդպէս չէ, մայրիկ»:

—Նա էլ այդպէս կ'երևի, եթէ խոշորացոյցի տակ դնենք: Խոշորացոյցը մի ապակի է, որ առարկաները ցոյց է տալիս մեծ դիրքով:

Այնուհետև մայրն սկսեց պատմել, թէ ինչից և ինչպէս է դոյանում կաւիճը*):

Նկատեցէ՛ք նշանակած բառերը՝ փոքրիկ Նազելի. խելօք Նազելի. ծոյլ Նազելի. աշխատասէր Նազելի: Փափուկ

Ուսուցիչը բացատրում է.

Կաւիճը այն մանր կենդանիների բունն է, որոնք շինում են կաւիճէ և կրէ լեռներ: Դրանք բնակւում են ծովային ջրերում և այնքան մանր են, որ հասարակ աչքով չեն տեսնւում: Ուսումնականներն այդ մանրիկներին անուանում են ինֆուզօրիա: Նրանք շատ են և իրանց մանր կաշուի մէջ սողում են ջրի յատակում... այնտեղ ապրում են—ապրում ու մեռնում, իսկ իրանց կաշին—վահանը թողնում են ջրի յատակում: Զուրն էլ աւազի հետ քշում է նրանց իւր ալիքներով դէպի ծովի ափերը: Նրանք այնքան շատ են, որ չնայելով իրանց մանրութեան, այդ մեռած մարմինների միմեանց վրայ դարսուելով ծովի յատակից, շատ տարիներ անցնելուց յետոյ, վեր է բարձրանում մի ամբողջ սար: Երբեմն այդ սարերի վրայ աճում են խոտեր, փշեր և շինւում են քաղաքներ, գիւղեր: Մեր պատերն սպիտակացնող կիրն էլ քեչ չունի այն ջրային մանրիկների պատեաններից:

կաւիճ. պիւնդ կաւիճ. ծանր կաւիճ. թեթև կաւիճ:—Սպիտակ
փոշի. սև փոշի. դեղին փոշի. կարմիր փոշի:

Նշանակած բառերը մի առարկայ ջոկում են (որոշում
են) իրան նման մի ուրիշ առարկայից—ցոյց են տալիս, թէ
առարկան ինչպէսի է (որպիսի է):

Գրեցէք համառօտ, թէ որտեղից է ստացում կաւիճը:

16. Թ Ռ Չ Ն Ա Կ

Երէկ բացի ես դռնակը այն բանտի,
Որի մէջը խեղճ թռչնակն էր բանտարկուած.
Նրան տըւի ազատութիւն ցանկալի,
Եւ դաշտերին իրանց երգիչը կորած:

Թռաւ-անցաւ նա նուրբ օդը ձեղքելով,
Պայծառ օրուայ թարմութիւնը զգալով.
Թռաւ-անցաւ ազատութիւն շնչելով
Եւ ինձ համար մեղմ, մնջիկ աղօթելով:

Բառեր՝ դռնակ—փոքրիկ դուռը. բանտ—արգելարան, վան-
դակ. բանտարկեալ—բանտը դնել, տուն դցել. ազատութիւն տուի—
արձակեցի. ցանկալի—ինչ որ ինքը կամենում էր, ուզում էր. նուրբ
—նօսր, ոչ-թանձր. պայծառ—պարզ, մաքուր. թարմ—թազա.
Թարմութիւն—նոր լինելը, թազա լինելը. մեղմ—կամաց. մնջիկ
—ցածր ձայնով, մտքումը:

Արտագրեցէք որոշող բառերը առարկայի անուան հետ՝
խեղճ թռչնակ, ցանկալի ազատութիւն, նուրբ օդ, պայծառ օր...
Արձակ գրեցէք այս ոտանաւորը:

17. Ս Պ Ո Ի Ն Գ

Փոքրիկ Սաթենիկը, հեալով և հազիւ շունչ քաշելով,
ներս վազեց մօր սենեակը և բացականչեց. «Մայրիկ»

մայրիկ, տես, թէ ինչպիսի սև մարդ է անց կենում. նրա
վրայ, ոտքից մինչև գլուխը, կախիլըսուած են մի տեսակ
գեղեցիկ, փափրիկ բաներ, սիրուն ծակոտիներով: Նրան-
ցից մինին ես ուզում էի ձեռք տալ, բայց որ իմանաս,
թէ նա ինչպէս ծիծաղելի կերպով կուշ եկաւ, կ'ասես թէ
վախեցաւ ինձանից. իսկ յետոյ ինքն իրան էլի լայնացաւ,
բացուեցաւ»:

—Հն, հասկանում եմ, ասաց մայրը. դա սպունգ վա-
ճառողն է. գնանք, գնենք միքանիսը. ես վաղուց մտադիր էի
գնել Յուլակի համար: Եւ բռնելով Սաթենիկի ձեռքից, մայրը
դուրս գնաց բալը, ուր ներս էր եկել սպունգ վաճառողը:

Մինչև որ Սաթենիկի մայրը ջոկում էր սպունգներից
աւելի ճկուններն ու փափուկները, աղջիկն անդադար
սեղմում էր կամ մէկ կամ միւս սպունգը. նա սաստիկ
զարմանում էր, թէ ինչպէս են նրանք սեղմւում և նորից
բացւում—լայնանում: Մայրը գնեց մի քանի սպունգ, վճա-
րեց նրանց արժէքը և ծախողը արգէն պատրաստում էր
հեռանալու. բայց Սաթենիկը դեռ էլի իւր փոքրիկ թա-
թիկներով բռնում էր չէչոտ սպունգները և շարունակ
նայում էր կամ վաճառող յոյնին կամ մօրը:

—Դէհ, գնանք, աղջիկս, տեսնում ես՝ ծախողը հեռա-
նում է, ասաց մայրը:

«Ո՞րտեղից է հաւաքել նա այդքան սպունգները, մայ-
րիկ», հարցրեց Սաթենիկը:

—Գնանք, գնանք. ես յետոյ տանը կը պատմեմ քեզ:

Երբ տուն եկան, մայրը պատմեց աղջկան, թէ ինչ
տեղից և ինչպէս է ստացւում սպունգը»:

*) Ուսուցիչը պատմում է.

Այն երկիրը, որտեղ ապրում են յոյները, կղզիներով ցրւած
է ծովի մէջ: (Ծովը մի մեծատարած ջուր է, այնքան մեծ, որ երբ

Բառեր՝ հեռուով—շուտ-շուտ շնչելով, հեթեթալով. բացա-
կանչեց—բարձր ձայն տուեց. մտադիր եմ—միտք ունիմ. գրաւում
էր—դիւր էր գալիս, հետաքրքիր էր թւում, սեղմել—հուպ տալ.
սեղմուիլ—կուչ գալ, հուպ գալ. վճարել—արժէքը տալ:

Գրաւոր աշխատանք.—Ի՞նչպէս են որսում և մաքրում
սպունգները:

Որոշեցէք ընդգծած բառերը՝ մայրը ջուկում էր. ճկուն
սպունգներ. մայրը ջուկում էր փափուկ սպունգներ: Մայրը ջո-
կում էր ճկունները. մայրը ջուկում էր փափուկները:

Առարկայի որպիսութիւնը ցոյց տուող բառերն էլ թիւ
ունին. նրանք առարկայի հետ միշտ եզակի են դրում, իսկ
երբ առարկան չկայ՝ յոգնակի:

մի անգամ նրա մէջն ես մտնում, էլ շուտով ցամաքի երես չես
տեսնում): Այս ծովի ափերի մօտ յոյներից աղքատները լողալով
խորասուզում են ջրի տակը և այնտեղից հանում են այդ սպունգ-
ները: Ջրից նոր հանած ժամանակը սպունգները ամենևին նման
չեն լինում մեր գնածներին. նրանք ամբողջապէս ծածկուած են
լինում լորձիւնով, այնպէս որ այն խոր ծակոտիները ամենևին չեն
նշմարում: Այդ լորձիւնը նոյնպէս կենդանի է և ապրում է ծովի
յատակում, թէև չի կարող իւր տեղը փոխել: Բայց քանի որ
նրան չեն պոկել իւր ծննդեան տեղից, նա ապրում և շարժում է
իւր շօշափուկները: Այդ շօշափուկներով նա ջրիցն ընդունում է
իրան սնունդը: Նրանք շատ անգամ բռնում են բաւական մեծ
տարածութիւն ծովի խորքում: Երբ-որ ծովի տակից հանում են
նրան, ստիպուած են լինում երկար ժամանակ լուսնալով մաքրել
այդ անշարժ կենդանու անախորժահոտ լորձիւնը, մինչև որ հաս-
նում են նրա փափուկ, ծակոտկենաւոր մասերին, որոնք հիմա էլ
ներս են ծծում ջուրը, բայց հէնց սեղմում ես թէ չէ, նորից դուրս
են թողում: Հէնց իւր այս յատկութեամբ է նա մեզ պիտանի
և օգտակար: Ուրեմն մեր ունեցած սպունգը այն ծովային կենդա-
նու ամբամասը, նրա ոսկրակազմն է:

18. ԳԱՐՆԱՆ ԿԱՐԱՊԵՏ

Մարտըն անցաւ, հասաւ ապրիլ գեղեցիկ,
Հեռու աշխարհից եկաւ ծիծեռնակ.
Բարձր գու եկար, գարնան կարապետ,
Բուն շինողներից ամենից վարպետ:

Կռուկը թռաւ, գնաց վերերից,
Սոխակն էլ փախաւ մեր պարտէզներից.
Մէկ դու մնացիր ճնճողուկների հետ,
Միրուն ծիծեռնակ, գարնան կարապետ:

Պատուհանիս մօտ շինէ քո բունը,
Անուշ ճոռողով երգէ գարունը,
Ածա՛ ձու, հանէ գեղեցիկ ձագեր,
Ու մնա՛ մեզ մօտ մինչև սեպտեմբեր:

Բառեր՝ կարապետ—ճամպայ բաց անող, առաջից գնացող.
Կարապետ—տղամարդու յատուկ անուն. վերերից—վերևներից.
ճնճողուկ—ծիտ. երգէ գարունը—երգ ասա՛ գարնան մասին, գո-
վիր գարունը:

Արտագրեցէ՛ք որպիսութիւնը առարկայի հետ՝ գեղեցիկ
ապրիլ. հեռու աշխարհ. սիրուն ծիծեռնակ. անուշ ճոռողիւն.
քնքուշ ձագեր...

Միեւնոյն որպիսութիւնները գրեցէք առանց առարկայի՝
յոգնակի թւով:

Արձակ գրեցէք այս ոտանաւորը:

19. Մ Ա Տ Ի Տ

Ցուակը շատ սրամիտ մանուկ էր: Մի օր նա, իւր
հօր գրասեղանի առաջ նստած, մատիտ էր կտրում իրան
համար. բայց քանի կտրում էր, կտրւում էր. թէև մա-

տիտ կտրելը մի դժուար բան չէր, բայց այսօր գործը չէր յաջողւում: Յոլակը մտածման մէջ էր. նա անուշադիր էր, նրա համար էլ գործը գլուխ չէր գալիս:

— Ի՞նչ ես անում, փոքրիկս, ներս մտնելով ասաց հայրը. երևում է՝ խելքդ ուրիշ բանի վրայ է, նրա համար էլ գործը ձեռիցդ վայր է ընկնում:

«Այո՛, հայրիկ, ես ուզում եմ իմանալ, թէ ինչպէս է այս սև ու փայլուն չոփը փայտէ ճիւղտի մէջ մտել ու մատիտ դարձել»:

— Է՛, սրբի, կ'ուզես հարիւր մատիտ կտրատիր ու կտրատիր, բայց էլի քու խելքովդ ոչինչ հաստատ տեղեկութեան չես հասնիլ... Դա արդէն շատերին յայտնի է. գրքի մէջ կարգա՛, հարցրո՛ւ... Իսկ ինչ-որ ամենքն էլ վաղուց գիտեն, նրա մասին հարկաւոր չէ գլուխ ցաւացնել:

«Գրքերի մէջ ես այդ բանին չեմ պատահել, իսկ եթէ դու պատմես, հայրիկ, շատ շնորհակալ կըլինիմ»:

— Շատ լաւ. նայիր այդ կտորներին, որ դու այդտեղ թափել ես. նրանք սև են, նշանակում է՝ ինչի՞ նման են:

«Ածուխի նման են, հայրիկ»:

— Շատ լաւ. բայց նկատիր՝ ածուխն աւելի փափուկ է և, երբ-որ կտորում ես, հաւասար չէ կտրւում. իսկ երկաթը, տեսել ես, ինչպէս է կտրւում: Համեմատիր...

«Հասկացայ, այստեղ խառնուած են երկաթն ու ածուխը»:

— Ճշմարիտ է, ասաց հայրը և համառօտ կերպով պատմեց, թէ ինչպէս է պատրաստւում մատիտը*):

Ուսուցիչը բացատրում է.

Ածուխն ու երկաթ անհաւասար չափով, այսինքն՝ մէկից շատ, միւսից քիչ, հողի տակը խառնուել են միմեանց հետ, միացել են և զրանից առաջացել է կապարաքարը: Մարդիկ էլ գտել

Դիտեցէ՛ք եւ զանազանեցէ՛ք՝ կտրել—կտրատել. սրել—սրտակել. քանդել—քանդոտել, փորել—փորփրել. պատռել—պատռոտել. կտրել—կտրատել:

Դիտեցէ՛ք Նետեւեալ բառերի կազմութիւնը՝ սրամիտ, գրասեղան, կապարաքար:

Մկատեցէ՛ք եւ զանազանեցէ՛ք՝ երկար ճիւղոտ, փայտէ ճիւղոտ. մեծ սար, կաւիճէ սար. բարձր տուն, քարէ տուն. տափակ կտուր, հողէ կտուր:

— Ի՞նչպէս են պատրաստում մատիտները (գրաւոր):

20. Ռ Ե Տ Ի Ն

Վարդիկը, որ մի փոքրիկ, աշխատասէր ու խելօք մանուկ էր, մի անգամ, դասն արտագրելիս, ը բառի տեղ պ գրեց: Վարդիկը նկատեց իւր սխալը և սկսեց լաց լինել:

«Լաց մի՛ լինիր, սիրունիկ, ասաց նրան մայրը. քան թէ լաց ես լինում, վեր առ, ուղղիր»:

— Բայց այն ժամանակ կրկեղտոտուի, մայրիկ. իսկ վարժապետը պատուիրել է, որ մաքուր և անսխալ արտագրեմ:

«Է՛հ, այդ ցաւին էլ ճար կ'անուի. վեր առ ուեսիւնը ու կամաց և զգուշութեամբ քերիւր սխալ գրած տառը. միայն զգոյշ կաց, որ թուղթը չծակես»:

— Յետոյ այդ քերած տեղը ի՞նչպէս ը գրեմ, մայրիկ. չէ՞ որ թանաքը կըծծի և աւելի վատ կըլինի:

Են նրան, սղոցել են և անց են կացրել ճիւղտի մէջ ու մատիտը պատրաստուել է: Բայց այս էլ պէտք է իմանաս, որ սարերում գտած կապարաքարով չեն բաւականացել մարդիկ. այժմ նրանք միւսնոյն բանը շինում են արհեստական կերպով, այսինքն՝ գործարանում. դրա համար առանձնապէս շինած հնոցներում երկաթը հալում են, նրա հետ ածուխ են խառնում և կապարաքար են պատրաստում. պատրաստելուց յետոյ՝ նրան ջոկջրկում են և ստանում են զանազան տեսակներ՝ փափուկ, պինդ... Փափուկ մատիտների մէջ երկաթը սակաւ է, իսկ պինդերի մէջ նա համեմատաբար աւելի է:

«Այ ինչպէս կ'անես. զգուշութեամբ քերելուց յետոյ՝ դու նրան կըտորորես գրչահատի կոթով. լաւ տրորելուց յետոյ՝ շուտով կըգրես հարկաւոր տառը և իսկոյն աւազ կ'ածես վրան... ոչինչ չի նկատուիլ»:

Հացը դադարեց, տառը ուղղած էր արդէն: Վարդիկն սկսեց իւր մօրը հարցումփորձ անել:

—Ո՞րտեղից է, մայրիկ, այդ պատուական ռետինը, որ այդպէս գարմանալի կերպով ձգւում, մատովդ է փաթաթւում, իսկ երբ-որ բաց ես թողնում, նորից սեղմում, կուշ է գալիս: Իսկ այդ միւսը հագցրած է փայտի մէջ և ի՞նչ երկար է ու մեծ... Ո՞րտեղից են այդ բոլոր ռետինները, մայրիկ:

«Մի տեսակ ծառ կայ, ասաց մայրը, որ աճում է տաք երկիրներում. այդ ծառից հիւթ է դուրս գալիս. իսկ այդ հիւթից կամ խէժից մարդիկ պատրաստում են զանազան տեսակ ռետիններ. նրանցից միքանիսը թանաքով գրածի համար են, միւսները մատիտով գրածի համար: Ռետինից շինում են նոյնպէս կրկնակօշիկներ, կօշիկներ, զնդակներ և ուրիշ շատ բաներ:

Բառեր՝ ռետին—բէզին. աճում է—դուրս է գալիս, բուսնում է. հիւթ—ծուծը, ջուրը. խէժ—թանձր հիւթ. կրկնակօշիկ—գալուշ:

Գրեցէք միջանի շնչաւոր առարկաների անուններ այս դասից. առարկաների մօտ դրէք իրանց յարմարաւոր որպիսութեան անուններ:

Հետեւեալ անունների մօտ դրէք մի երկրորդ անուն նրանց պաշտօնին համեմատ՝ Վարդան, մայրիկ, վարժապետ, աշակերտ, քոյր, եղբայր, քեռի, մօրաքոյր, ընկեր, ընկերուհի, թագաւոր, թագուհի, (Վարդան վարժապետ. Շուշան մայրիկը):

21. ԵՐԿՈՒ ՔՈՅՐ

Մեզնից շատ առաջ կար մի թագաւոր,
Հոգով դեռ արի, գլխով ալևոր.
Մեծ ծով էր պատել նորա աշխարհը.
Ոսկի ասացին գիտունք այն դարը:

Ունէր նա երկու մատղահաս աղջիկ,
Մինը խիստ տրգեղ, միւսը գեղեցիկ.
Մի օր տրգեղը ասում է միւսին՝
«Երթանք ծովի ափ, քոյրիկ, միասին»:

Սիրունը գնաց առաջից տրտում,
Տգեղը յետքից ոխ պահած սրտում.
Հազիւ թէ ծովի ափին էր հասած,
Իւր սիրուն քրոջ գլորեց նա ցած:

Կանչեց կիսամեռ սիրունը ջրից.
«Քոյրիկ, իմ քոյրիկ, փրկէ ինձ մահից.
«Ես ունիմ տանը գեղեցիկ մանեակ,
«Ա՛ռ, էն քեզ լինի, պարգևէ ինձ կեանք»:

—Էն առանց քեզ էլ կարող եմ ստանալ,
Ինձնից փրկութիւն դու բնաւ մի յուսալ:

«Քոյրիկ, թէ այդ էլ քեզ չի բաւական,
«Կըտամ քեզ ոսկէ պսակ պատուական»:

—Էն առանց քեզ էլ կարող եմ ստանալ,
Ինձնից փրկութիւն դու բնաւ մի յուսալ:

«Քոյրիկ, մի թողնիր դու ինձ անտէրունչ.
«Քեզ սիրուն փեսաս կըտամ անտրտունջ»:

Տգեղի սիրտը դարձել էր լեռ քար,
Քրոջ խնդիրքը թողեց անկատար:

Ձկնորսը ծովը ձգեց մեծ ուռկան,
Բռնեց մարմինը սիրուն աղջկան,
Ձրիցը հանեց, դրեց ափի մօտ,
Շատ ծաղիկ ցանեց վրան ու շատ խոտ:

Մի աշուղ անցաւ, տեսաւ աղջրկան,
Լացեց ու առաւ, դրեց ուսի վրան,
Տարաւ իւր տունը այդ անգին գիւտը.
Չորացրուց նորա մարմնի դիպի հիւթը.
Գեղեցիկ տաւիղ շինեց ոսկրերից,
Քաղցրաձայն լարեր հիւսեց մազերից:
Երբ-որ ամեն բան պատրաստեց կարգին,
Գնաց արքունիք՝ տաւիղը ձեռքին.
Երբ մտաւ դահլիճ շքեղ զարդարած,
Տեսաւ տրդեղին փեսի մօտ կանգնած.
Բացեց բերանը լարերին խփեց,
Հիւրերի առաջ բարձրաձայն երգեց.

«Հնչէ, իմ տաւիղ, հնչէ համարձակ.
«Հարազատ քոյրս խլեց իմ պսակ.
«Լսէ իմ ծնող, լսէ, սիրական,
«Հարազատ քոյրս խլեց իմ փեսան.
«Լսէ, ժողովուրդ, լսէ անխրոսով,
«Հարազատ քոյրս գլորեց ինձ ծով»:

Միւս օրը դահլիճը խարոյկ շինեցին,
Մահապարտ քրոջ մէջը գլորեցին:
Հուրը պլլպլաց, աղջիկը կանչեց.
«Իմ մեղաց համար Աստուած ինձ պատժեց»:

Բառեր՝ արի—քաջ, առողջ. ալևոր—ծեր, սպիտակ մազերով
ծածկուած. գիտունք—գիտացող, ուսումով մարդիկ. մատղահաս
—ջահէլ տարիքով. ոխ—քէն, շիգր. մանեակ—վր զարդ. բնաւ—
ամենևին. անտրտունջ—առանց դանգատուելու, առանց փնթփըն-
թալու. լեռ քար—պինդ քար, ժայռ. գիւտ—գտնուածը. տաւիղ—
քնար, սաղ. արքունիք—թագաւորի պալատը. լարեր—տաւիղի
թելերը, սիմերը. դահլիճ—պաշտօնեայ՝ մարդկանց կախելու, գլխա-
տելու, պատժելու համար. հուր—կրակ. իմ մեղաց համար—իմ
մեղքերի համար:

Դիտեցէք առարկաների արածը, գործածը՝ Սիրունը ա-
սում է՝ ես ունիմ՝ տանը գեղեցիկ մանեակ... ես այն քեզ կը
տամ... դու պարգևի՛ր ինձ կեանք:

Տգեղը գնաց, ասաց, կանչեց...

Ձկնորսը ձգեց, բռնեց հանեց, դրեց, ցանեց...

Աշուղն անցաւ, տեսաւ, լացեց, առաւ, դրեց, տարաւ, չո-
րացրեց, շինեց, հիւսեց...

Դու փրկէ, լսէ, հնչէ... դու մի յուսար, մի թողիր...

Ընդգծած բառերը ցոյց են տալիս, թէ առարկան ինչ
է անում, ինչ կ'անէ, ինչ պիտի անէ, կամ ինչ պիտի չանէ...

22. Կ Ր Ա Կ

Սիմոնը գնաց դաշտը: Շատ ցուրտ էր և անձրև էր
գալիս. նա դողդողում էր ամբողջ մարմնով: Սիմոնը մտաւ
անտառը, չոր ցախ ժողովեց, զրպանից հրահանը հանեց,
զարկեց կայծաքարին և կրակ արեց: Նա տաքացաւ, շորերը
ցամաքեցրեց և իւր չոր հացի կտորը տաքացրեց, կերաւ:

Կրակի առաջ նստած՝ Սիմոնը մտածում էր. «Ի՞նչ
լաւ բան է կրակը. առանց կրակի ո՞չ կերակուր կարելի է
եփել և ոչ տաքանալ: Տես, սրբան գործ է շինուում դարբ-
նոցում և գործարաններում: Եթէ կրակ չլինէր, մենք եր-
կաթից ի՞նչպէս պիտի շինէինք պայտեր, խոփ, կացին և
ուրիշ շատ բաներ: Ճշմարիտ է, երբեմն կրակից մենք
վրաս ենք ստանում, բայց այդ էլ մեր անդգուշութիւնից,

մեր յիմար անհոգութիւնից է լինում: Մենք արեգակիցն էլ ենք տաքանում. նա էլ կրակի նման այրւում է երկրն-քում: Առանց արեգակի ոչինչ չէր աճիլ՝ ոչ դաշտերում, ոչ անտառներում և ոչ պարտէզներում, և բոլոր կենդանիք ու մարդիկ կըմեռնէին քաղցածութիւնից. իսկ այժմ Աստուծու ողորմութեամբ ապահով ապրում ենք:

Բառեր՝ հրահան—չախմախ. արեթ—դաւ (ТРУТЬ). կայծաքար—չախմախաքար. դարբին—երկաթագործ. դարբնոց—դարբնի խանութը. գործարան—ուր շինում են զանազան գործուածքներ. պայտ—ձիու նալը. խոփ—գութանի երկաթը, որ հողը բարձրացնում, շուռ է տալիս:

Գրաւոր պատասխաններ ուսուցչի տուած հարցերին:
Մենք ի՞նչ ենք անում՝ տաքանում ենք, շինում ենք, մըրսում ենք...

Սիմոնն ի՞նչ էր անում՝ գողում էր, մտածում էր...
Սիմոնն ի՞նչ արաւ՝ մտաւ, ժողովեց, հանեց, դարկեց...

23. Դ Ա Ր Բ Ի Ն.

Կըռանը ձեռքին, զընդանն առաջին,
Քիթ-երես մըրոտ, դարբնոցի միջին,
Կաշուէ գոգնոցը առաջը կապած,
Լըռիկ կանգնած է մեր Խաչոյ դարբին:

Փուքսը—փո՛ւ-հա-փո՛ւ—փչում է, փչում,
Կայծեր ու մոխիր դէս ու դէն փոռում՝.
Երկաթի մի շերտ հնոցը կոխած,
Սաստիկ տաքիցը վառում, կարմիրում:

Խաչոն հանում է երկաթի շերտը,
Զընդանի վրայ կռանով ծեծում,
Շինում նրանից պայտ, մեխ ու կացին
Եւ իսկոյն ջրի տաշտակը կոխում:

Թշշո՛ւմ է երկաթն ցուրտ ջրի միջին,
Ամպի պէս փրոռում տաք-տաք գոլորշին,
Կրկին պնդանում, կրկին փափկանում,
Մինչև պատրաստուած շըպրտում գետին:

Այսպէս ամբողջ օր մեր դարբին Խաչոն
Կրակի առաջ, այն կեղտ ու մըրում,
Մի կտոր չոր հաց ձարելու համար
Կուչ-ձիգ անելով իւր կեանքն է մաշում:

Բառեր՝ կռան—մեծ չաքուճ. մուրճ—սովորական չաքուճ. գնդան—սալը. շերտը—կտորը. գոլորշի—շոգի:
Արտագրեցէք առարկան եւ նրա արած գործողութիւնը:
Այդ գործողութիւնները, իրանց նշանակութեանը նայելով, խմբերի բաժանեցէք:

24. Օ Դ

—Դու օդ տեսնի՛ ես:
—Նա միշտ քեզ մօտ է և դու նրան չէ՞ս տեսնում:
—Բայց կարելի՞ է լսել, թէ ինչպէս է ձայն հանում օդը:
—Տեսնենք:

Ահա քամին ղօղանչում է խողովակների մէջ և սուլելով ներս է մտնում տան ամեն մի բացուածքից. ահա նա խփում է պատուհաններին և սաստիկ փոշի է բարձրացնում ճանապարհներին:

—Իսկ ի՞նչ բան է քամին:

Նա օդն է, որ շարժւում է—մի տեղից միւս տեղ է փախչում: Փախչելու ժամանակ նա զարկւում է որևիցէ առարկայի և լսում է աղաղակ, շվիոց: Երբ փչում ես փողդ, կամ սրինգ ես ածում, կամ մտրակդ պտըտացնում ես—ամեն անգամ ձայն է լսւում: Փորձի համար մի թղթի

պարկ շինիր և մի փոքրիկ ծակ թողելով՝ փչիր, ուռցրնւ նրան, իսկ յետոյ բռունցքով խփիր այդ փչած պարկին. պարկը սաստիկ կըճայթի և կըպատուռի: Սա օդն էր, որ դու լցրել էիր նրա մէջ քո բերանից:—Երբ որ վազում ես, զգում ես, թէ ինչպէս է խփում օդը երեսիդ: Նշանակում է՝ նա միշտ քեզ հետ է և դու նրանով ես շունչ քաշում: Առանց օդի դու մի բոս էլ չես կարող ապրել: Երբ-որ դու լողանալիս, ջրի տակն ես անում, քո շորս կողմդ ջուր է լինում: Բոլորովին այդպէս էլ օդն է շրջապատում քեզ ցամաքի վրայ և դու նրան չես տեսնում այն պատճառով, որ նա շատ նուրբ է և թափանցիկ: Օդը մինչև անգամ քո ներսդ էլ է մտնում:

Բառեր՝ ղօղանջում է—զընգ-զնգում է. խողովակ—լուր (труба). սուլել—շվշվացնել. բացուածք—ճեղք. աղաղակ—ձայն, բզառոց. փող—խողովակ, զուռնա, սրինգ—շվի. մտրակ—զամշի. բռունցք—զմբուզ. նուրբ—բարակ, նօսր. թափանցիկ—պարզ, լոյս անցկացնող:

Հարցական խօսք (նախադասութիւն). նկարագրական խօսք:


25. ՔԱՄԻՆ ԵՒ ՆԱԻԵՐԸ

Ծովի երեսին հանդարտիկ քամին
 ձեմում է սղատ՝ ծիծաղը դէմքին.
 Փոքր ու մեծ նաւեր՝ առագաստ բացած,
 Նորա ժպիտին նայում են յառած.
 Քամին հնչում է յաջողակ ու մեղմ,
 Նորա խաղում են, ձեմում քաղցրադէմ.
 Կանգնում է քամին, գժւում, բորբոքւում,
 Տանջում են նաւերն, ողբում ու սրգում:

Ես ձեմում եմ, դու ձեմում ես, նա ձեմում է. մենք ձեմում ենք, դուք ձեմում էք, նրանք ձեմում են:
 Ես ձեմեցի, դուք ձեմեցիք...
 Ես կըճեմեմ, դուք կըճեմէք...
 Ես պիտի ձեմեմ, դուք պիտի ձեմէք...

Գործողութեան անունն էլ, առարկայի անունն պէս, երկու թիւ ունի՝ եզակի եւ յոգնակի:
 «Արտագրեցէ՛ք այս դասից՝ առաջ եզակի գործողութիւնները, յետոյ յոգնակի:

Հարցերով վերլուծել բոլոր նախադասութիւնները (առանց տերմինների) հետևեալ կերպով՝
 ձեմում է (ի՞նչը)՝
 Քամին ձեմում է (ի՞նչպիսի քամին)
 Հանդարդիկ քամին ձեմում է.
 Ո՞րտեղ է ձեմում...
 Ի՞նչպէս է ձեմում...
 Էլի ի՞նչպէս է ձեմում...



II. ԿԵՆՓԵՆՆՎԱՆ ԵՒ ԲՈՒՍՆԱՆՆ ԸՅԹԱՐԿԻՑ

26. Շ Ն Ի Կ

«Ապա, սիրուն շնիկ, կարգա՛, թէ ինչ է գրած իմ գրքումը», ասաց Հայկը իւր փոքրիկ շանը:

«Ի՞նչ իմ բանն է գիր կարգալը, ասաց շունը. ես տունը կը պահպանեմ, գիշերները չեմ քնիլ ու միշտ կը հաջեմ, գայլերին կը վախեցնեմ, որսի կը գնամ, նապաստակ կը բռնեմ, բագեր կը գտնեմ. իմ կողմից այսքանն էլ բաւական է»:

Շունը որպէս ընտանի կենդանի. նրա նկարագիրը (իրազննական), տուած օգուտը և վնասը (երբ նա կատաղում է):

Կոչական բառերի ուղղագրութիւնը. շեշտի եւ երկարի գործածութիւնը:


27. Կ Ա Տ Ո Ի

Փխիկ-փխիկ, դու չա՛ր փոքրիկ, շատ սիրուն ես, խորամանկ ես, մետաքսապատ թաթեր ունիս, սուր եղունգով մատներ ունիս: Ականջներդ շուտ են լսում, մեծ աչքերդ մթնում փայլում, երկար բեխերդ ոլորած, խեղճ մկներին մահ ես նիւթում:

Քո ընկերիդ երբ տեսնում ես, պոչդ այս-այն կողմն ես շարժում, մէջքդ ծալում, կըռացնում, աչքերդ փակ մըռուացնում, բայց թէ յանկարծ մի խեղճ մուկիկ մի անկիւնից դուրս է ընկնում, քո պողպատէ թաթիկներով գլխին խփում ես, սպանում:

Կատուն. նրա նկարագիրը. օգուտը. վնասը. համեմատութիւնը շան հետ:

Երկարը (՛) եւ նրա գործածութիւնը:



28. Չ Ի

Չին գեղեցիկ կենդանի է: Նա, երբ-որ ուրախ է, խրխնջում է եռանդով, ականջները վեր է ցցում, աչքերն այս ու այն կողմը ոլորում, վիզը սիրուն կռացնում և իւր ամուր սմբակներով գետինը թակում է: Չին պարանոցի վրայ երկար բաշ ունի, որի մի փունջը, երկու մանրիկ ականջների միջով, ծածկում է նրա ճակատը. յետևի կողմը նա ունի հերարձակ ագի, որ տէրերը, թամբելուց յետոյ, կշկռում, կարճացնում են, կամ սանրում են ու երկար ձգուած բաց թողնում:

Չիու բերանը սանձ են գցում, մէջքին սիրուն թամբ են դնում, փորքաշը կապում, կըծկալը պնդում, երկու կողմից ասպանդակներ կախում, յետոյ հեծնում ու քշում, ուր որ սրտերն է ուզում:

Ձիու սմբակները պայտում են, որ ոտները չվնասուին: Ձին արագ և գեղեցիկ գնացք ունի: Նա ուժեղ կենդանի-ներից մինն է: Երբ աշխոյժ երիվարը չափ է ընկնում, գետինը նրա ոտների տակ տատանւում է:

Ձին որպէս ներկայացուցիչ միասմբակների. նրա նկարագիրը. օգուտը. նմանութիւնը և զանազանութիւնը միւս սմբակաւորներից: Տառ, վանկ, բառ:

29. Տ Խ Ո Ի Ր Ձ Ի

— Ի՞նչ էս խրրխընջում, իմ ձի եռանդուն,
Ինչո՞ւ էս այդպէս գլուխըդ կախել.
Ինչո՞ւ, ինձ ասա՛, բաշըդ չես շարժում,
Ձես կըռծում բերնիդ ոսկեփայլ սանձեր:


Մի՞թէ էս քեզ չեմ պատում ու քորում
Եւ կամ քեզ դարի առատ չե՞մ տալի.
Մի՞թէ սարքըդ չէ սիրուն, շողշողուն,
Կապդ ու փորքաշըդ չե՞ն արբեշումի.
Երկզոյգ պայտերդ չե՞ն արծաթաջրած,
Ասպանդակներդ ոսկով չե՞ն պատած:

Տխուր ձին ինձի այս պատասխանեց.
«Ես նորա համար եմ այսչափ տրտում,
Որ որոտմունքի ձայներ եմ լսում.
Ահա փողերի թինդ ու դըղըրդիւն,
Սըրերի ձայթիւնն աշխարհ է լցնում:

Ես խրրխընջում եմ մորմոքիչ ձայնով,
Պատճառ՝ զգում եմ, որ հովիտներով
Երկար չեմ վազիլ, պատւով չեմ ապրիլ.
Իմ փայլուն սարքով էլ չեմ պըճնըւիլ:

Թշնամին անգութ—ես այդ զգում եմ—
Իմ ողջ սարքերս պիտի կողոպտէ
Եւ այս արծաթեայ երկզոյգ պայտերս
Թեթև ոտներիցս նա պիտի պոկէ»:

Հարցական և կոչական բառերը և նրանց ուղղագրութիւնը:



30. Կ Ո Վ

Կովը ձիու չափ գեղեցիկ չէ և ոչ էլ նրա չափ ուժեղ, բայց օգտարարութեան կողմից նա ոչ մի ընտանի կենդանուց յետ չի մնալ:

Կովի դունչը լայն է, ականջները դէպի այս ու այն կողմն են ցցուած: Նա վերին ծնօտի վրայ առաջնատամներ չունի, այդ պատճառով էլ կծել չէ կարող, բայց դրա փոխանակ կարող է հարու տալ իւր երկու սուր եղջիւրներով:

Կովի ճակատը տափակ է, վիզը բարակ, ողնաշարը դուրս ցցուած, կողքերը փքուած, ոտները կարճիկ, կճղակները բաժանուած, պոչը վրձնաձև:

Նա իւր կերակուրը երկու անգամ է ուտում. առաջ

խոտը պոկում է, փոքր ինչ ծամծամում ու կուլ տալիս, յետոյ երբ-որ բաւական պաշար է հաւաքում, կանգնում կամ նստում է մի ապահով տեղ, կուլ տուածը նորից բերանն է բերում և հանգիստ կերպով որոճում է, այսինքն իւր տափակ սեղանատամների տակ նորէն լաւ աղում, մանրացնում է:

Ամենայն առաւօտ և երեկոյ կաթնատու կովը հանդիցը տուն է գալիս, բառաչում է-բառաչում ու տանտիկնոջը կանչում:

«Արի, արի, տանտիկին,
Նայիր իմ լիք ծըծերին.
Գոգնոցըդ կապիր,
Առատ կաթ կըթիր.
Միայն հորթուկիս,
Միրուն ձագուկիս,
Բաժինը թողես՝
Կաթնալի կուրծըս
Իսպառ չըդարդկես»:

Կովը որպէս ներկայացուցիչ կճղակաւոր կենդանիների. նրա տուած օգնւոր. համեմատութիւն միասմբակների հետ:

31. ԿԵՆԴԱՆԻՆԵՐԻ ՎԷՃԸ

Կովը, ձին և շունը վիճում էին միմեանց հետ, թէ տէրը նրանցից որին աւելի է սիրում:

«Ի հարկէ նա ինձ ամենիցդ շատ է սիրում, ասում էր ձին, ես նրա արօրն ու ցաքանը քաշում եմ, անտառից նրա համար փայտ են բերում. նա շատ անգամ հեծնում է ինձ և քաղաք է գնում. նա առանց ինձ բոլորովին կորած կըլինի»:

—Ո՛չ, մեր տէրն ինձ աւելի է սիրում, ասաց կովը. քո արածդ ի՛նչ է, որ մեծ-մեծ էլ խօսում ես. դրա մեծագոյն մասը իմ էղբայր եզն էլ կարող է կատարել. իսկ ես նրա բոլոր ընտանիքը կաթով կերակրում եմ:

«Ի՞նչ երկուսդ էլ սխալում էք, օտնաց շունը. մեր տէրն ինձ ամենիցդ էլ աւելի է սիրում, որովհետև նրա բոլոր հարստութիւնը ես եմ պահպանում»:

Կենդանիների տէրը լսեց այս վէճը և ասաց նրանց. «Ձուր տեղը միմեանց հետ մի վիճէք. դուք ամենքդ էլ ինձ հարկաւոր էք և ձեզանից ամեն մինը լաւ է իւր տեղը»:

Բառ և խօսք—նախադասութիւն:

Ստորակէտի, միջակէտի և վերջակէտի գլխաւոր կանոնները. չակերտ և տիրէ (գիծ—):

32. ԿԹԵՆ ԵՒ ՀԱՐԵՆ

«Ասան, տեսնեմ, մեր գիւղերում
Կովերն ի՛նչպէս են կըթում»:

—Ահա այսպէս են կըթում.

Հորթը կապում մօր ծընկնից,
Ծիծը խլում գաւակից,
Կովկիթն իրանց ձեռն առնում,
Ապա կողքին կըզկըզում.

Փը՛ շշ, բը՛ ժժ,

Փը՛ շշ, բը՛ ժժ...

Ահա այսպէս են կըթում,
Փոքրիկ հորթին լացացնում:

«Ո՞նց են հարում խընոցին,
Հէնց էսօր էլ հարեցին»:

— Ահա այսպէս հարեցին.

Թողը ծառից կապեցին,
Հաստ խնոցին կախեցին,
Երկու օրուայ հաւաքսը
Նրա մէջը ածեցին,
Տաք ու հով ջուր խառնեցին
Եւ ծայրերից բռնելով,
Տարան-բերին, շարժեցին.

Թրը՛խկ, չրը՛խկ,
Չրը՛թկ, թրը՛խկ...

Ահա այսպէս հարեցին,
Դեղին կարագ հանեցին:

Արծակ պատմեցէք, թէ ինչպէս են կթում կովը. ինչպէս են կարագ հանում. ինչ է իւղը, թանը, շորը, սերը, դայմաղը, ինչպէս են մերում մածունը:

33. Ո Ձ Խ Ա Ր

Ասում են թէ ոչխարը յիմար է, ես էլ կարծում եմ, որ այդ ճշմարիտ է: Հրդեհի ժամանակ ոչխարներն իրանք իրանց ընկնում են կրակի մէջ, իսկ երբ-որ գայլ են տեսնում, փայտի պէս մնում են իրանց տեղը և յիմարաբար կճղակներով գետինը թակում են:

Բայց մեր ինչի՞ն է պէտք ոչխարի խելքը. մեզ հարկաւոր է նրա բուրդը՝ գուլպայ, շալ և մահուդ գործելու համար, նրա ճարպը՝ սապոն և մոմ շինելու, կաշին՝ կօշիկների և մուշտակների, իսկ միսը՝ խորովելու համար:

— Ի՞նչ են շինում ոչխարի կաթից. ի՞նչպէս են շինում պանիրը:

34. ԳԱՌԸ ԳԱՅԼԻ ՄՈՐԹՈՎ

Մի օր մէկ գառը, չեմ գիտում ինչ էր, խելքին ինչ տեսակ քամի էր փըչել, Գըցեց իւր վըրայ մի գայլի մորթի, Գընաց, խառնուեցաւ հետը իւր հօտի:

Բայց երբ շների աչքովըն ընկաւ, Ասին՝ անտառից անա գայլ եկաւ. Գոռում-գոչումով վրան վազեցին, Բերաններն առան ու գըզըզեցին:

Հաւ էր, որ շուտով հովիւը տեսաւ, Փայտ ու մահակով նոյն տեղը հասաւ. Ու խեղճ գառնուկը կատղած շների Սուր ատամներից հազիւ փրկուեցաւ:

Եւ մեր գառը հազիւ հագ,
Արիւնաթաթախ ու նըլազ,
Թոյլ ոտները քաշ տալով,
Հասաւ գոմը մի կերպով:

— Ի՞նչ կըլինէր, եթէ հովիւը չտեսնէր...
Արծակ գրեցէք այս ոտանաւորի բովանդակութիւնը:

35. Խ Ո Ձ

Շատ կեղտոտ է մեր խոզը, կեղտոտ է և շատակեր. ամեն բան ուտում է, ամեն բան ջարդում, տիղմերի մէջ այնպէս է թաւալւում, կ'ասես թէ պարզ ջրի մէջ լողանալիս լինի:

Խոզի կնճիթը գեղեցիկ չէ—բութ է, քիթը գետնին

է հասնում, բերանը՝ ականջներին, իսկ ականջները կեղտաշորի պէս կախուած են: Ամեն մի ոտի վրայ խողը չորս կճղակ ունի: Նրա պոչը ոլոր է, ողնաշարը դուրս ցցուած. ողնաշարի և պարանոցի վրայ կոշտ մազեր են դուրս եկած: Խողը երեքի չափ ուտում է, հինգի չափ հաստանում. տէրերն էլ նրան լաւ պահում են և շատ ուտացնում, որովհետեւ նրա ճարպը և մազը շատ լաւ գին ունին:

Համեմատեցէք խողը ոչխարի հետ:

36. ԽՈՉԸ ԿԱՂՆԻ ԾԱՌԻ ՏԱԿ

Խողը, հաստարմատ կաղնու տակ կանգնած,
 Կերաւ կաղինը, գլուխը կախած.
 Մինչև կոկորդը կերաւ, լցուեցաւ,
 Ապա կաղնու տակ հանգիստ քնեցաւ:

Յետոյ զարթելով՝ բացաւ աչքերը
 Եւ բութ կրնճիթով ըսկաւ փորել
 Այն կաղնի ծառի հաստ արմատները,
 Որից այդ ժամին սնունդ էր առել:

«Ձէ՛-որ այդ բանը ծառին վնաս է,
 Նրան վերևից ագռաւը կ'ասէ.
 Եթէ այդպիսով արմատը բանաս,
 Նա կը չորանայ, այդ լաւ իմանաս»:

— Է՛հ, ինձ ի՛նչ վնաս, թէ կը չորանայ,
 Ցածից ասում է նրան խոզն ագահ.
 Ես գրբա մասին իսկի չեմ ցաւում.
 Կաղինն է իմս, նա է գիրացնում:

Ծառը բարձրիցը՝ «ապերախտ, ասաց,
 Ուտի են թափուում կաղինները ցած.
 Գէթ կարենայիր մի վերև նայել
 Եւ կոյր աչքովդ այդ բանն ստուգել»:

Արծակ գրեցէք այս ոտանատրի բովանդակութիւնը:

37. Ա Ղ Ա Ի Ն Ի Ն Ե Ր

Սիրուն աղանիներ, թաւ-ոտըն թռչուններ, կտրին նստելով, միմեանց նայելով, իրար սիրում են, միշտ համբուրում են և ձագուկներին մնաս բարով ասելով, դէպի դաշտն են շտապում, հատիկներ են հաւաքում, քուչերում փափկացնում, իրանց փոքրիկ ձագերին նախաճաշիկ պատրաստում: Իսկ բնի մէջ ձագերը, քնքուշ աղանեակները, նստած են մնում, ուտել են ուզում: Մայրը տուն է յետ դառնում, փոքրիկներին կերակրում:

Վանկերի չափին նայելով՝ բաժանեցէք այս նիւթը տողերի եւ արտագրեցէք:

38. Ծ Ի Ծ Ե Ռ Ն Ա Կ

Ծիծեռնակը, տես, ամենևին չի հանգստանում. ամբողջ օրը թռչում է, ծղօտներ է հաւաքում, կտուցովը կաւ է կրում, իւր համար բուն է շինում: Բունը շինեց, վերջացրեց, մէջը երեք ձուածեց, նրանց վրայ շարունակ երեք շաբաթ պինդ նստեց, փոքրիկ ձագեր գոյացրեց: Ձագերը որ դուրս եկան, բերանները բաց արին և կերակուր խնդրեցին: Ծիծեռնակը թռաւ, դաշտը դուրս եկաւ, մժեղներ բռնեց, նրանց կերակրեց:



ժամանակը հասաւ. ձագերի փետուրները դուրս եկան. նրանք թևաւորուեցան, իրանց բնից դուրս թռան, հեռու ձանապարհ ընկան՝ կապոյտ ծովերի, մութ անտառների, բարձր սարերի վրայից անցան...

Չմեռը անցաւ. զարուհը եկաւ: Ծանօթ ծիծեռնակը նորից ետ դարձաւ, իւր բունը զըտաւ, նորան կարկատեց, նոր ձուեր ածեց, նոր ձագեր հանեց, պահեց, պահպանեց, աշնանը նորից նոյն կարգով թըռցրեց:

Պատմեցէք թռչունների շուն. էլի ինչ չուող թռչուններ գիտէք:

Վանկերի չափին նայելով՝ բաժանեցէք այս նիւթը տողերի և գրեցէք ձեր տեսարաններում:

39. ՊԱՆԴՈՒԽՏ ՊԱՏԱՆՈՒ ԵՐԳՐ

Ծիծեռնակ—ծիծեռնակ, դու գարնան սիրուն թռչնակ, Իէպի ուր, ինձ ասա, թռչում ես այդպէս արագ:

Ախ, թռիւր, ծիծեռնակ, ծնած տեղս—Աշտարակ, Անդ շինիր քո բունը հայրենի կտուրի տակ:

Անդ հեռու ալետր հայր ունիմ սգաւոր, Որ միակ իւր որդուն սպասում է օրէ-օր:

Երբ տեսնես դու նորան, ինձնից շատ բարև արա, Ասա՛ թող նստի լայ իւր ամբաղդ որդու վըրայ:

Դու պատմէ, թէ ինչպէս աստ անտէր ու խեղճ եմ ես, Միշտ լալով, ողբալով կեանքըս մաշել, եղել կէս:

Ինձ համար ցերեկը մութ է շրջում արեգը, Գիշերը թաց աչքիս քունը մօտ չի գալիս:

Ասիւր, որ չբացուած, թառամեցայ միացած, Ես ծաղիկ գեղեցիկ՝ հայրենի հողից զրկուած:

Դէհ, սիրուն ծիծեռնակ, հեռացիր, թռիւր արագ, Իէպի Հայոց աշխարհը՝ ծնած տեղս—Աշտարակ:

—Ո՞վ է խօսում. ո՞ւմ հետ է խօսում. ի՞նչ է ապսպրում:

40. ԿԱՂԱՄԲԻ ԹԻԹԵՈՒ

Մանուկը պարտէզում բունեց մէկ սպիտակ թիթեռ և բերեց իւր հօր մօտ:

«Դա շատ փնասակար թիթեռ է, ասաց հայրը. եթէ դրանք բազմանան, մեր կաղամբը կ'ուտեն, կ'ոչնչացնեն»:

—Մի՞թէ սա այնչափ ագահ է, հարցրեց մանուկը:

«Ոչ թէ ինքը թիթեռն է ագահ, այլ դրա թրթուրը, պատասխանեց հայրը: Այդ թիթեռն ածում է շատ մանր ձուեր, իսկ այդ ձուերից դուրս են սողում որդուներ, որոնք թրթուր են անուանում: Թրթուրը շատ ագահ է. նա ուրիշ գործ չունի, բացի ուտելն ու մեծանալը: Երբ նա մեծանում է, պատենաւորում է: Այդ միջոցին նա ոչ ուտում է, ոչ խամում, այլ անշարժ ընկած է: Մի-քանի ժամանակից յետոյ նրանից թիթեռ է դուրս գալիս, ինչպէս անա այդ բունածդ: Այդպէս կերպարանափոխում է ամեն մի թիթեռ. ձուերից գոյանում են թրթուրներ, թրթուրներից պատենաւորներ և պատենաւորներից՝ թիթեռներ: Իսկ թիթեռները ձու են ածում ու մեռնում:

Թիթեռների կերպարանափոխութիւնը (պատմել):

41. Չ Ա Տ Ի Կ

Որդին. Նայիր, հայրիկ, ինչպիսի գեղեցիկ, կլորիկ

բղէց եմ բռնել: Սրա գլուխը սև է, թևերը կարմիր և թե-
ւերի վրայ բծեր կան: Մի՞թէ սա կենդանի է, հայրիկ.
ամենևին չի շարժուում:

Հայրը. Կենդանի է, բայց մեռած է ձևանում. իւր
վեց ոտները ծալել, փորիցն է կպցրել, բեղերը թազցրել
է և սպասում է, որ դու նրան վայր դրես խոտերի մէջ:
Դրա անունը գատիկ է. դա շատ օգտակար բղէց է:
Զատիկը և աւելի էլ դրա թրթուրները ուտում-ոչնչացնում
են շատ փաստակար կանաչագոյն միջատներ, որոնք խմբո-
վին կպչում են տերևներին և մեծ փսաս են տալիս նրանց:

Որդին. Նայիր, հայրիկ, բղէզն արթնացաւ և բարձրա-
ցաւ մատիս ծայրը. այնտեղից նա ձեր կրգնայ:

Հայրը. Ահա կրտսնես. մտիկ տուր, թէ նա ինչպէս
շարժում է իւր կարծր վերնաթևերը, իսկ նրա տակից
հանում—չում է իւր իսկական թևերը, որոնք թեթև են
և թափանցիկ:

Որդին. Ահա թռաւ նա. ի՞նչ խորամանկն է եղել:

42. ԹԻԹԵՌԻ ԵՒ ՄԱՆՈՒԿ

Մ Ա Ն Ո Ւ Կ

Սիրուն թիթեռ, ինձ ասա,
թէ ինչո՞վ ես դու ապրում.
Ամբողջ օրը խաղում ես,
Ի՞նչպէս է որ չես յոգնում:

Թ Ի Թ Ե Ռ

Սիրուն կանաչ դաշտերում
Ես ապրում եմ համարձակ,

Ծաղկանց բուրմունքը անուշ
Իմ կերակուրն է միակ:

Բայց իմ կեանքը շատ կարճ է,
Նա մի օրից չէ երկար.
Բարի եղիր, սվ մանուկ,
Խնայիր ինձ, ձեռք մի տար:

43. Ա Յ Գ Ի

Այգիները երկու տեսակ են՝ պտղաբեր և հասարակ:
Հասարակ այգիները սովորաբար տների առաջ կամ քա-
ղաքի զանազան թաղերում են լինում՝ զբօսանք անելու
համար: Պտղաբեր այգիները մեծ մասով քաղաքից դուրս
են լինում: Այգիները շրջապատում են ցանկով, պատով
կամ ճաղերով (վանդակներով): Այգու մէջ տնկում են
պտղատու ծառեր, թփեր և պարտիզի ծաղիկներ: Գեղե-
ցիկ հասարակ ծաղիկներ էլ են բուսնում այգիներում:

44. Պ Ա Ր Տ Է Ձ

Պարտէզները տների մօտ են շինում և չորս կողմից
ցանկ կամ պատ են քաշում: Պարտէզը շատ անգամ մշա-
կում է պարտիզի տէրը, երբեմն էլ պարտիզպանը: Պար-
տիզի մէջ շինում են մարգեր (ածուներ) և ցանում են
տեսակ-տեսակ ծաղիկներ ու բանջարներ: Պարտիզում
տնկում են նաև պտղատու ծառեր: Շատ ծառեր էլ կան,
որոնք պտուղ չեն տալիս, բայց սիրուն, անուշահոտ ծա-
ղիկ ունին: Պարտիզին փսաս են տալիս թռչունները, ըն-
տանի կենդանիները և որդերը: Տաք եղանակին մարգերը
չրում են: Պարտիզի բանջարեղէնները մարգիկ գործ են

ածուս իբրև կերակուր, իսկ անպէտք մասերը տալիս են
անասուններին: Եթէ պարտիզում միայն բանջարեղէն է
ցանած՝ քանջարանոց կամ ընէզ է կոչուում:

45. ԾԱՂԻԿՆԵՐԻ ԵՐԳԸ

Վ Ա Ր Դ

Ինձ ամենքը կոչում են
Ծաղիկների թագունի,
Որովհետև ծաղիկս
Սիրուն գոյն և հոտ ունի:

Թէև իմ կանաչ թուփը
Շատ մարդու ձեռք կը ծակի,
Բայց այս անմեղ յանցանքը
Ինձ ամեն մարդ կըների:

Շ Ո Ի Շ Ա Ն

Իմ ըսպիտակ կոկոնում
Անուշ բուրմունքներ կան շատ,
Եւ ոսկեման փոշի
Մեղուններին բազմաշխատ:

Իմ ցօղունս է նազուք,
Եւ գագաթս գեղեցիկ,
Տերևներս ընդարձակ
Եւ ինքս եմ խիստ հեղիկ:

Իմ հիւրասէր թերթերում
Մեղու, մրջին, թէ թիթեռ,

Կարող են հանգիստ գտնել
Իբրև ազնիւ զեռուններ:

Յ Ա Փ Ր Ո Ի Կ

Իմ թուփերս փարթամ չեն,
Ոչ ծաղիկս փառաւոր,
Բայց բուրմունքս կըլսեն
Ամեն մարդիկ հեռաւոր:

Այս պատճառով կարող էք
Յափրուկ գտնել ամեն տեղ՝
Թէ փոքրիկ պարզ փընջերում,
Թէ պարտէզներում շքեղ:

46. ԲՈՅՍԵՐԻ ԿԵՐԱԿՈՒՐԸ

Պայծառ երկնակամարի վրայ ամպեր երևեցան. փոքր-
առ-փոքր նրանք թանձրացան և սև կեղևով ծածկեցին կա-
պոյտ երկինքը. իսկ երեկոյին կենսատու անձրևը ջրեց
արօտամարգերն ու արտերը: Դաշտային թառամած բոյ-
սերը զուարթացան. նրանք աննկատելի կերպով ծծեցին
իրանց բարակ արմատներով թաց հողի սննդաբար հիւթը:
Խոտը կանաչեց, ծառերի փայլուն տերևները ազահաբար
ներս ծծեցին խոնաւ օդը: Ուրախ-ուրախ տատանուիլ
սկսեցին ցորենի, գարու և վարսակի արտերը և արագ-
արագ լցրին իրանց քստալի հասկերի նիհար հատիկները:

Հարցերով լուծեցէք բոլոր նախադասութիւնները առանց
տէրմինների:

47. ԾԱՌԵՐԻ ՎԷՃԸ

Ծառերը վիճեցին միմեանց հետ, թէ նրանցից որն է լաւը: Կաղնին ասաց. «Ես բոլոր ծառերի թագաւորն եմ. իմ արմատս գետնի մէջ խորն է մտած, բունս հաստ է, գազաթս երկնքին է նայում. իմ տերևները կտրատուած, իսկ ճիւղերս կարծես երկաթից ձուլած լինին: Ես փոթորիկների առաջ չեմ խոնարհում, կայծակների առաջ չեմ ընկճւում»:

Սօսին ժպտաց այս խօսքերի վրայ. «Շատ ես պարծենում, ասաց նա. դու մոռանում ես, որ ինձ նման ծառողջ Հայաստանումը չկայ. արմատներս անդունդն են հասնում, գազաթս ամպերի մէջ է խաղում. ես հարիւրաւոր ճղներ ունիմ, ամեն մի ճիւղս քո բնիցը հաստ: Իսկ իմ բունս... օ, նրա փշակում կարող է մարդս կարիք օրը տեղ գտնել: Համեստութիւն արեցիր, պտուղներդ չիշեցիր. բայց նրանք էլ խողերին են քեզ մօտ հրաւիրում. իսկ իմ կոծոծները թէև անուցիչ չեն, բայց տերևներին հետ ձեռք-ձեռքի տուած սօսելով, յոգնած անցւորականին իրանց ստուերի տակն են առնում, արևից, անձրևից պաշտպանում են»:

Խնձորենին լսեց այս երկուսի խօսակցութիւնը և ասաց. «Դուք երկուսդ էլ շատ էք հպարտանում. բայց, ասացէք, դուք տալիս էք մարդկանց այն, ինչ որ նրանք ինձանից են ստանում»:

Հսում է մայրին, շարժում է իւր փշոտ գլուխը և ասում է. «Սպասեցէք, շուտով կըգայ ձմեռը և դուք ամենքդ էլ կըմերկանաք. իսկ ինձ վրայ միշտ կըմնան իմ կանաչ փշերը: Առանց ինձ ցուրտ երկիրներում ապրել չի

կարելի. ես նրանց վառարանները տաքացնում եմ և մարդիկ իմ փայտիցն են իրանց համար խրճիթներ շինում:

Ելի ի՞նչ պտղատու և հասարակ ծառեր գիտէք դուք:

48. ՈՒՏԵԼԻՔ ԵՒ ԽՄԵԼԻՔ

Առանց ուտելիքի մարդս քաղցից, իսկ առանց խմելի ծարաւից կըմեռնէր: Մարդս իբրև ուտելիք գործ է ածում բուսեղէն, մսեղէն և աղ: Նա խմում է ջուր, թէյ, սուրճ, գինի, գարեջուր:

Ամենահարկաւոր ուտելիքը հացն է. ամենակարևոր և առողջարար խմելիքը ջուրն է:

Յիշեցէք և գրեցէք ձեր սովորած ուտելիքի և խմելիքի անունները:

49. Հ Ա Ն Ե Լ Ո Ւ Կ

Մի սուն ունիք, տան նման չէ.

Գետի ափին, մեծ ժայռի տակ,

Կըկըզած է մեն-միայնակ.

Գիշեր-ցերեկ շար բուր պէս

Ձայն է հանում, գոռում այսպէս՝

Թըր՛ խկ-չըրը՛ խկ,

Վը՛ շտ-ճը՛ շտ:

Առուն բարձրից ցած է թռչում,

Պատը ծակում, միջովն անցնում.

Յատակումը դըղըրդոց է,

Շըրմիոց ու թըրբիկոց է:

Տան մէջ երկու ուժեղ գազան,

Մինը տակին, միւսը վրան,

Առիւծի պէս մորնչում են,
Իրար ըռեխ կռծոտում են...

Սրանք մարդ չեն, ոչ արջ, ոչ գայլ,
Ինչ էլ որ տաս, քիչ է դարձեալ.
Հարամի են իսպառ քաղցած,
էլ չեն լսում ոչ խօսք, ոչ լաց,
Գուրս են մզում իրանց փորից
Կերակուրը փոշի դարձած:

Այժմ ասէք, այդ ի՞նչ տուն է,
Որ մինչ այսօր էլ կանգուն է:

50. ՓՈՐՁԱՆՔ ՈՒ ՊԱՏՈՒՀԱՍ

Գիւղացին ցորեն է տանում ջրաղացը: Ջուալը ծակ էր և մի քանի ցորենի հատիկներ թափուկեցան ճանապարհին: Ծտերը խմբովին ցած եկան և սկսեցին ուտել հատիկները. բայց աքաղաղը մօտ վագեց և ծտերին հալածեց: Ծտերը գանգատուկեցին արծուին: Արծիւը իւր օրէնքով դատեց՝ առաջ պատառոտեց աքաղաղին, իսկ յետոյ խեղդատեց ծտերին:

51. Ջ Ր Ա Ղ Ա Յ

Ջուրը նաւից արշաւելով,
Կատաղաբար ձայն է հանում
Եւ ջրաղացի յատակի տակ
Կարծես ամպեր են որոտում:

Անիւնների խիստ շարժուելուց
Ամբողջ յատակն է դողդողում

Եւ երկանի պարտուելուց
Փոքրիկ լեզուակն է չըխշըխկում:

Նա շարժում է օրօրուելով,
Ցորնատաշտի բերնից քաշում,
Որից վերին երկանի մէջ
Մաքուր աղունն է կաթկաթում,

Եւ քարի տակ մանրուելով՝
Ալիւր դարձած ամբարն աճում,
Իսկ ջրաղացը զեղեցկապէս
Իբրև ծերուկ ալեգարդում:

Համեմատեցէք այս ոտանաւորի բովանդակութիւնը № 49-ի բովանդակութեան հետ:

52. ՎՈՒՇ ԵՒ ՔԱԹԱՆ

I. Փոքրիկ Հայկանուշը տեսաւ, որ իւր հայրը արտումը բռնով մանր ու փայլուն սերմեր է ցանում և հարցրեց.

«Հայրիկ, այդ ի՞նչ ես անում»:

— Վուշ եմ ցանում, սղջիկս, որ քեզ ու Բարսեղի համար շապիկ դուրս գայ:

Հայկանուշը մտածման մէջ ընկաւ: Նա երբէք չէր տեսած, որ շապիկներն աճեն արտումը:

Երկու շաբաթից յետոյ ցելը ծածկուկեցաւ կանաչ մետաքսեայ խոտերով և Հայկանուշը մտածեց. «Ի՞նչ լաւ կըլինէր, եթէ ես այդպիսի շապիկ ունենայի»:

Միքանի անգամ Հայկանուշի մայրը և քոյրերը գնացին արտը քաղ-հանելու և ամեն անգամ ասում էին նրան, թէ լաւ շապիկ պէտք է ունենաս: Անցաւ էլի մի քանի

շաբաթ. կանաչը բարձրացաւ. ցօղունների գլուխներին կապտագոյն ծաղիկներ երևեցան: «Իմ եղբայր Բարսեղի աչքերի նման են սրանք, մտածեց Հայկանուշը. բայց այսպիսի շապիկ ես ոչ ոքի հագին չեմ տեսել»:

Երբ-որ ծաղիկները վայր թափուեցին, նրանց տեղը մնացին կանաչ և կոլոր գլուխներ: Երբ-որ գլուխները փոքր ինչ կարմրեցին ու չորացան, Հայկանուշի հայրն ու քոյրերը արմատից փետեցին նրանց, խուրձեր կապեցին և կոթերի վրայ կանգնեցրին, որ չորանան:

II. Վուշի խուրձերը չորացան. նրանց գլուխները կըտրեցին, կապեցին և պահեցին, իսկ կոթերը թրջոց դրին առուակի մէջ, վրան էլ քարեր դարսեցին, որ ջրի երեսը չանեն: Հայկանուշը տխուր նայում էր, թէ ինչպէս են իւր շապիկը ջրումը խեղդում: Իսկ քոյրերը նրան նորից ասացին, թէ շատ գեղեցիկ շապիկ ես ունենալու:

Երկու շաբաթից յետոյ վուշը ջրից հանեցին, չորացրին և սկսեցին փայտով թակել՝ առաջ կալումը, իսկ յետոյ բակումը, այնպէս որ խեղճ վուշի չոփերը բոլորը դուրս թափուեցին: Թակելուց յետոյ սկսեցին երկաթէ սանդերքով գգել, մինչև որ նա փափկեց և դարձաւ իբրև մետաքս: «Ի՞նչ գեղեցիկ շապիկ ես ունենալու», ասացին նորից Հայկանուշի քոյրերը: Իսկ Հայկանուշը մտածում էր. «Այս ի՞նչ տեսակ շապիկ է. կ'ասես թէ մեր Բարսեղի շէկ մագերը լինի»:

III. Զմեռուայ երկար գիշերներն եկան: Հայկանուշի քոյրերը ճախարակներ սարքեցին և սկսեցին վուշից թել մանել: «Այս թել է, իսկ շապիկը սրն է», մտածում էր Հայկանուշը:

Հայկանուշի հայրը տորքը սարքեց խրճիթում, նրա վրայ հինաժ արեց և սկսեց գործել: Մ ա ք ու ը քը սատանի նման անցուղարձ էր անում թելերի միջով և Հայկանուշը

տեսնում էր, թէ ինչպէս էր թելերից քաթան շինուում: Երբ-որ քաթանը պատրաստուեց, պրծաւ, նրան ցրտի տակ սառցրին և ձիւնի վրայ փռեցին, իսկ գարնանը ձգեցին կանաչ խոտերի վրայ, արևի տակը, և վրան էլ ջուր ցանեցին: Քաթանը փոքր առ փոքր սպիտակեց ինչպէս ձիւն:

Մայրը քաթանից շապիկներ ձևեց և Հայկանուշի քոյրերն սկսեցին կարել, այնպէս որ Զատկին նա էլ, իւր եղբայր Բարսեղն էլ հագան ձիւնի պէս սպիտակ շապիկներ:

Մանրամասն ու կարգով պատմեցէք՝ թէ ինչպէս են վուշից քաթան պատրաստում և կանեփից թուկեր:

53. ԶՐԻ ՃԱՆԱՊԱՐՀՈՐԴՈՒԹԻՒՆԸ

Չուրը ամենքին հարկաւոր է՝ բոյսերին, գազաններին, թռչուններին և մարդկանց:

Չրի գլխաւոր շտեմարանները ծովերն են ու ովկիանոսները: Բայց ծովերի Չուրը դառն է և աղի. նրան մաքրելու հոգսը արևի վրայ է ընկնում. նա իւր տաք ճառագայթներով այդ ընդարձակ ջրամբարների երեսից բարձրացնում է անհուն քանակութեամբ փոքրիկ անտեսանելի ջրային մասնիկներ, որոնք գոլորշի են կոչւում: Այդ գոլորշիները իրանց միջի աղային մասերը թողում են ծովերում, իրանք բարձրանում են երկինքը և այնտեղ սառնօղի հանդիպելով, կամաց-կամաց թանձրանում են: Թանձրացած գոլորշիներին ամպ ենք ասում:

Գոլորշիները բարձրանալով թանձրանում՝ ամպ են դառնում. բայց նրանք ուղղակի ծովի վրայ չեն կանգնում: Այստեղ քամին սկսում է իւր գործը և անաղին ամպեր թեթև փետուրի նման քշում է դէպի լոյս աշխարհի ամեն կողմերը: Ամեն մէկ ամպի մէջ այնքան ջուր կայ, որ եթէ

նա միանգամից ցած թափուի, կրծածկէ քաղաքներ, գիւղեր, մարդկանց և կենդանիներին: Բայց Աստուած գործը ուրիշ տեսակ է կարգադրել. անձրևի փոքրիկ կաթիլները ամպերից կաթկաթում են՝ ինչպէս ալիւրը մաղի միջից. երբեմն էլ այդ կաթիլները սառչում ու թափւում են ինչպէս ձիւն:

Չուրը թարմացնում է հովիտներն ու դաշտերը և հողը նրան իւր ներսն է ծծում: Հողի տակ աւելորդ կաթիլները միմեանց ետևից հաւաքւում են և կազմում են ստորերկրեայ փոքրիկ կոհակներ. մի քանի կոհակներ խառնւում են միմեանց հետ և դուրս են բղխում երկրի երեսը սառն աղբիւրի ձևով: Աղբիւրը բղխում է, առուակ է կազմում և քչքչալով առաջ է գնում: Ճանապարհին նա պատահում է իւր նման մի շատախօսի և նրա հետ եղբայրանալով, ձայն-ձայնի տուած, առաջ են խաղում: Ճանապարհին նրանց պատահում են երրորդ, չորրորդ և հինգերորդ առուակներ... սրանք ամենքը խառնւում են միմեանց հետ: Նայում-տեսնում ես, որ այս եղբայրական միութիւնից մի կանոնաւոր գետակ է կազմուել: Այս գետակը ջուր է տալիս մարդկանց, կենդանիներին, թարմացնում ու զովացնում է դաշտերի ծարաւ բոյսերը, պտրտացնում է ջրաղացների երկանները, կրում է իւր վրայ լաստեր և թեթև նաւակներ. իսկ նրա սառը կոհակների մէջ խաղում են ձկները:

Գետակը վազում, խառնւում է ուրիշ գետակի հետ և միասին առաջ են գնում: Ճանապարհին նրանց հետ խառնւում են ուրիշները և այսպիսով կազմում են մի ահագին գետ, որ ունենում է բազմաթիւ վտակներ և

անցնում է մի թագաւորութիւնից միւս թագաւորութիւն: Լողում են գետերի վրայ ծանր նաւեր, որոնք բարձած են լինում զանազան ապրանքներով: Նրանց եղբերքների մօտ շինւում են գիւղեր և քաղաքներ:

Գետերից շատ ջուր է թափւում ծովերի մէջ, բայց արեգակն էլ հանգարտ չի մնում. նա անդադար գոլորշիներ է բարձրացնում, ամպեր է կազմում և ամբողջ աշխարհին անձրև է բաժանում:

Գետերը դարերով թափւում են ծովերի մէջ և նրանց երբէք չեն լցնում. արևն էլ յաւիտեան գոլորշի է բարձրացնում ծովերից, բայց երբէք նրանց չի ցամաքեցնում: Այսպէս ամենիմաստ կերպով է կարգադրել Աստուած այս գործը:

Համառօտ պատմեցէք, թէ ինչպէս են գոյանում գետերը:

54. ԶԱՐՄԱՆԱԼԻ ՄՇԱԿ

Ինքն է անշունչ, չունի հոգի,
 Բայց գործերն են ազգի-ազգի.
 Անիւնները մեծ ու փոքրիկ,
 Լիսերները լայն ու նեղիկ.
 Կաշուէ գօտի մէջքին կասած,
 Հուր ու դժոխք իւր փորն առած.
 Ծծած ջուրը տակառներով,
 Արտաշնչումն ամպ է ու ծով:

Մորնչում է վիշապի պէս,
 Ծրվում, ճչում, մրրիկ կ'ասես.
 Փորնչոցը այնպէս ուժգին՝
 Հազար գոմէջ ունի միջին:

Ինչե՛ր ասես նա չէ անում՝
 Յորեն կալում, կտաւ գործում,
 Բուրդ ու բամբակ մաքրում, մանում,
 Վուշը գգում, հինած անում,
 Երկար ու լայն մեծ տորքերին,
 Անթիւ ու բիւր մաքուքներին
 Արագ-արագ գործի դնում:

Գերաններից մանրիկ մեխեր,
 Բազմատեսակ տախտակ քաշում.
 Մետաղներից սիրուն փողեր,
 Եւ երկաթից գործիք ձուլում.
 Կարծր ապակիք, պողպատիկներ
 Խաղ ու պարով տաշում, յըղկում.
 Կ'ասես նրա սուր կըտրիչին
 Չեն դիմանալ՝ ինչ էլ դիպչին:

Այս ամենը նա գործում է անխռով.
 Յոգնիլ չունի, միշտ շարժւում է անվրդով:

Ո՞րն է այդ զարմանալի մշակը. ի՞նչ է անում նա. շոգին ի՞նչ գործադրութիւն ունի. ձեզանից ո՞վ է տեսել կամ փորձել շոգիի գորութիւնը:

Այս ոտանաւորի մէջ եղած տեխնիքական բառերը բացատրել և առարկաները իրազննօրէն ցոյց տալ մանուկներին, ուր որ հնարաւոր է:



III. ՏԵՐՈՒՅ ՉՈՐՍ ԵՂՆԱԿՆԵՐԻՆ

55. Ի՞ՆՉ ԱՐԵՑ ՉՄԵՌԸ

Ո՞ւր է շշուկը
 Քաղցր անտառի
 Եւ կարկաչիւնը
 Մերձակայ առուի.
 Ո՞ւր են հոտաւէտ
 Ծաղկունքը դաշտի:
 Ծառը մերկացաւ,
 Էլ տերև չունի.
 Ձիւնէ սփռոցը
 Ամենը ծածկեց,
 Դաշտեր ու ձորեր

Սպիտակացրեց:
 Ալևոր պապը
 Իւր թևի տակը
 Ամենն շղթայեց.
 Առուն էլ սառեց:
 Միայն ցուրտ քամին
 Կատաղութիւնով
 Անցորդի բերանն
 Լցնում է ձիւնով,
 Երկինքն էլ ծածկում
 Մռայլօտ մէգով:

56. ԱԼԵՒՈՐ ՊԱՊԻ ՉԱՐԻՔՆԵՐԸ

I. Բարկացաւ ալևոր ձմեռը, սաստիկ բարկացաւ և մտքումը դրեց, որ ոչ մի կենդանի շունչ չթողնէ երկրիս երեսին: Ամենից առաջ նա թռչուններին ձեռք առաւ. նրանք ձանձրացրել էին նրան իրանց երգերով ու ծրլվրոցով:

Ձմեռը փչեց սառը քամի, ծառերի տերևները վէր ածեց, թռչունների տեղը կտրեց. թռչուններն էլ խումբ-խումբ հաւաքուեցին և կրկնալով սկսեցին թռչել բարձր օդերի, խոր խոր ձորերի և կապոյտ ծովերի վրայով դէպի

տաք երկիրներ: Մնացին միայն մի քանի թռչուններ, բայց նրանք էլ մօտեցան մարդկանց բնակարաններին, որ ուտելու բան գտնեն:

II. Չմեռը տեսաւ, որ թռչունների ետևից չի կարող հասնել, գազաններին ձեռք առաւ: Չիւնով ծածկեց դաշտերն ու անտառները և մինը միւսի ետևից ուղարկեց իւր սառնամանիքները: Գալիս են սառնամանիքները մինը միւսից չար, գալիս են և թռչկոտալով անցնում են ծառից ծառ՝ ամեն բան ճայթում, ճրճրուցնում ու գազաններին վախեցնում: Բայց գազանները չվախեցան. նրանցից մի-քանիսը հաստ քուրքերի մէջ էին կոլոլուել, միւսներն էլ մտել էին իրանց խոր որջերի մէջ. սկիւռը իւր խոռոչում բնկոյզ էր կրծում. արջը քարայրի մէջ իւր թաթն էր ծոյում. նապաստակը ցատկելով էր տաքանում. իսկ ձիաները, կովերը, ոչխարները շատ վաղուց տաք գոմերի մէջ պատրաստի խօտը ծամում էին և հով ջուրը խմում:

III. Աւելի սաստիկ բարկացաւ ձմեռը՝ դէպի ձկները դարձաւ: Սառնամանիքներ է ուղարկում մինը միւսից կատաղի: Նրանք վազում, անցնում են գետերի ու լճերի վրայից և նրանց երեսը ծածկում են թանձր սառուցով: Գետերն ու լճերը սառչում են, բայց միայն երեսից. իսկ ձկները ջրերի խորքն են գնում. սառցային ծածկոցի տակ նրանք աւելի տաք են ապրում:

IV. «է՛, սպասիր, ասում է ձմեռը. հիմա ես իմ բոլոր բարկութիւնը մարդկանց վրայ կըթափեմ: Ասում է ու մինը միւսի ետևից ուղարկում է իւր սառնամանիքները: Յրտութիւնից լուսամուտների ապակիները սառուցով ծածկւում են. սառը քամին փչում է պատերին, լուսամուտներին: Իսկ մարդիկ վառում են վառարանները, նրանց առաջ նստում ու ձմեռուայ վրայ ծիծաղում: Եթէ մէկը կամենում է գնալ անտառ փայտ բերելու, հագնում է

հաստ քուրք ու տաք թաթմաններ և երբ սկսում է կացինը բարձր ու ցածր անել, փայտ կտրել, դեռ քրտնում էլ է: Ճանապարհին, կարծես ծիծաղելով ձմեռուայ վրայ, կարաւանները շարժւում են՝ ձիաններից գոլորշի է բարձրանում, իսկ ձիապանները ոտքով են գնում, ձիւնը տրորում, ուսերը թափահարում և ցուրտը գովաբանում:

Ամենից աւելի ամաչեց ձմեռը, երբ տեսաւ, որ մինչև անգամ փոքրիկ մանուկները իրանից չեն վախենում. նրանք սղզում են սառուցների վրայ, ճնագնդի են խաղում, ձիւնից սարեր են կանգնեցնում և նրանց վրայ ջուր ցանելով երգում են.

«Օրը կարճ է. արև չըկայ, շատ ցուրտ է.

Ճերմակ ձիւնը քուլայ-քուլայ կըբերդէ.

Մարդ, անասուն, բուք-բորանից վախեցած,

Տաք-տաք տներ, խոր-խոր բներ են մտած:

Օ՜յ-ճ՜յ-ճ՜յ, ձմեռն է.

Մեզ դուրեկան մի բեռն է»:

Չմեռը տեսաւ, որ ոչ-ոքի չի կարողանում յաղթել, բարկութիւնից լաց եղաւ: Երկնքից նորա արտասուքը կաթկաթեց... Երևի գարունը մօտեցել է:

57. Չ Ի Ի Ն

«Ա՛խ, ինչո՞ւ, ինչո՞ւ կըգայ պաղ ձիւնը.

Նորից ամիսներ պիտ' մընամ տուռնը*).

Տեսնելու չեմ ես կանաչ ծառ, արօտ.

Հոտոտ**.) ծաղիկին պիտ' մընամ կարօտ»:

— Չիւնը որ կըգայ երկինքէն դէպ' վար,
Իմացիր՝ մեծ բախտ է մարդուս համար.

*) Փոխ. տանը. **) հոտոտ—հոտաւէտ:

Վերմակի պէս տաք կը ծածկէ գետին,
Որ բոյսի արմատն զիմանայ ցրտին:

Նա հողին կըտայ հիւթ, պարարտութիւն,
Դաշտին ու արտին մեծ առատութիւն:
Մի արարնջալ, մարդ, դու բնութենէն.
Թէ տաք և թէ ցուրտ՝ մեզ միշտ օգուտ են»:

58. ՅՈՒՆՎԱՐԻ ՄԷԿԻՆ

Մանկական յիշողութիւնից

Երէկ երեկոյեան մեր տանը շատ հիւրեր կային. նրանք հաւաքուել էին, որ զիմաւորեն նոր տարուն: Ես մինչև տասներկու ժամն արթուն չմնացի և, առանց շորերս հանելու, քնեցի: Այսօր ես շատ վաղ զարթնեցի և գնացի իմ ծնողներին նոր տարին շնորհաւորեցի: Համբուրելով նրանց ձեռքը, ես վաղեցի բարի հօրեղբօրս սենեակը, շնորհաւորեցի նոր տարին և ցանկացայ նրան բախտաւորութիւն և առողջութիւն: Հօրեղբայրս համբուրեց ինձ և տուեց մի գեղեցիկ պատկերագարդ գիրք: Նա ասաց. «Եթէ միշտ լաւ աշխատես, այսպիսի ընծաներ շատ կըստանաս ինձանից»: Ո՛րքան բարի է իմ հօրեղբայրս. նա իմ փոքր քրոջս ու եղբօրս էլ չմոռացաւ ուրախացնել: Շուշանիկին ընծայեց մի գեղեցիկ տիկին, իսկ Գարեգինին մի փոքրիկ թմբուկ: Նա ուրախութիւնից այնքան խփեց թմբուկին, որ ձեռները թուլացան:

Այսօր ամենքն էլ ուրախ են և շնորհաւորում են միմեանց նոր տարին: Մայրս հագցրեց մեզ նոր շորեր: Երեկոյեան մենք գնալու ենք հօրաքրոջս տուն: Ես գիտեմ, որ այնտեղ կըխաղանք, կ'երգենք և շատ ուրախութիւններ կ'անենք:

59. Ն Ո Ր Տ Ա Ր Ի

Ահա եկաւ նոր տարի,
Հետը բերեց նոր բարի,
Մանր տղոց ուրախ օր,
Բարի դաւակ հօրն ու մօր:

Մանր տղայք են ուրախ,
Ունին կաղին, գողինաղ.
Մալորի չոր, չամիչ, թուզ,
Փըշատ, ունապ և ընկուզ:

Մանր տղայք, չըմոռնաք՝
Աշխարհումս չէք մենակ.
Ուրիշ շատ խեղճ տղայք կան
Աղքատ և անօգնական:

Նօքա հայր ու մայր չունեն,
Սև չոր հացի կարօտ են.
«Աղքատներին ողորմած
Եղէք», կ'ասէ ձեզ Աստուած:

60. ԱԿՆԿԱԼՈՒԹԻՒՆ ԳԱՐՆԱՆ

Ձմեռը դաշտում ծաղիկներ չըկան,
Ձիւն գալուց առաջ նրանք չըբացան.
Բայց ծաղիկների քնքուշ արմատներ
Փափուկ ձիւնի տակ հանգիստ են առել:

Կըգայ գարուն ոստոստալով,
Մար ու դաշտին այցելելով.
Կռիւ կըտայ ձիւն ու սառին,
Վերջ կըղնէ գիժ ձրմեռին:

Նոր բողբոջ կըտան խոտերն ու ծաղիկ.
 Գարնան աբերը կըբացուի հեզիկ.
 Մանկունք ցնծալով դաշտը կըվազեն՝
 «Օրհնեալ է, գարուն, գալըդ ք», կ'ասեն:

61. Գ Ա Ր Ո Ի Ն

Կարօտ ենք տեսքիդ, աննման գարուն,
 Շնտ արի, մեզի բեր ծաղիկ սիրուն.

Բաց մեր դըռները, բաց մեր պատուհան,
 Թո՛ղ բացուին, ծաղիկին վարդ, մեխակ շուշան.
 Փակուած սենեակից ելնենք, ազատուինք,
 Կանաչ դաշտ երթանք, խաղանք, գլորուինք:

62. ՄԱՅԻՍՈՒԱՅ ԱՌԱԻՕՏ

Ի՛նչպէս թարմ և գեղեցիկ է մայիսուայ առաւօտը:
 Դաշտերը ծածկուած են կանաչ խոտերով ու ծաղիկներով.
 Ընութիւնն օրէցօր աւելի քաղցրանում է և գարնանային
 մէզի միջից ժպտում է ամառը:

Երբ ես գնում եմ անտառ, այնտեղ, ծաղկապատ հո-
 վիտներում, փռուած եմ տեսնում մայիսուայ որդին՝
 սպիտակ և անուշահոտ շուշանը: Ամենայն տեղ, ուր որ
 նայում ես, աչքից առաջ կանաչ գորգեր են փռուած, որոնց
 վրայ առաւօտեան ցօղը ցանել է իւր մարգարտեայ կա-
 թիլները: Արևի առաջին ճառագայթները ընկնում են ծա-
 ուերի տերևների և ցօղապատ մարգերի վրայ և փայլեցնում
 են նրանց ինչպէս ադամանդեայ ակունքներ: Թռչունները
 ծլվլում են չորս կողմդ. իսկ ահա այն կողմից, վարդի
 կիսաբաց կոկոններով ծածկած թփերի մէջ, լսում է մի

զմայլելի ձայն. դա սոխակն է: Առաւօտեան արշալոյսին՝
 նա կանգնած է բացուող կոկոնների վրայ, աչքերը կիսա-
 խուփ, կարծես ինքն իւր երգից յափշտակուած, երգում,
 շրվշրվացնում և հազար տեսակ խաղացնում է իւր քաղցր
 ձայնը: Նա երգում է և սպասում է վարդի սիրուն կոկոն-
 ների բացուելուն:

63. Ա Մ Ա Ռ

Ստեղծողն Իւր առատ ձեռքը բաց արեց,
 Արտեր, անտառներ հարըստացրերց.
 Ծառեր ու թփեր զարդով ծածկուեցին.
 Ամենայն կողմում ծաղկունք փայլեցին:

Ազատ շրջում են հօտերը դաշտում.
 Ազատ լողում են ձկները ծովում.
 Այգում պտուղներն դեղնիլ ըսկսան.
 Արտերում հարուստ ցանքերը հասան:

Դաշտում մանգաղներն ըսկսան փայլել,
 Եւ անտառներում թռչնակներն երգել.
 «Ի՛նչքան սիրուն է այս ստուերներում.
 Ե՛կ, հանգստացիր, մանկիկ, հովերում.
 Ականջ դիր, ինչպէս մենք երգ ենք երգում,
 Առատ ամառուան փառք վերընծայում»:

— Ո՛չ թէ ամառուան, ասաց, փառք տըւէք՝
 Ով ամառ տըւեց, Նորան օրհնեցէք»:

64. Ե Ր Ա Շ Տ

Ամառը չորային էր: Արեգակը օրէցօր բարձրանում
 էր պարզ երկնքի վրայ: Փոշին ամպի նման փռուում էր

ճանապարհին: Երկիրը քարի պէս պնդացել, ճաքճը-քոտել էր:

Առունները ցամաքել էին: Ծաղիկները տխրութեամբ կախել էին իրանց գլուխները: Խոտերը դեղնել էին. նորահաս արտերը թառամել: Երկրագործը տխրութեամբ նայում էր արտերին և ասում. «Աստուած իմ, ինչ-որ ինձանից կախուած էր՝ արեցի. հողը՝ որքան կարելի էր, խոր ցեւեցի, ընտիր սերմով սերմեցի և ուշադրութեամբ ցաքեցի. այժմ թո՛ղ լինի Քո սուրբ կամօք»:

65. ԵՐԿՐԱԳՈՐԾԸ ԵՒ ԾԱՂԻԿԸ

Համեստ ծաղիկ դաշտային, վատ ժամի հանդիպեցար.
Երբ արօրը քշեցի, նրա առաջըն ընկար:

Գեղեցկութիւն դաշտերի, քեզ փըրկել չկարացի.
Սըրտի ցաւով, աւամայ, քաղցր կեանքըդ կարճեցի:

Խոնարհաբար փայլելով իբրև գոհար խոտերում,
Միամիտ կըսպասէիր արեգակի ծագելուն.

Յանկարծ արօրս սրածայր անգըթաբար քեզ կըտրեց,
Եւ այսպիսով քաղցր կեանքիդ դըժբաղդաբար վերջ տուեց:

66. ԱՄԱՌԸ ԽՈՏ-ՀԱՐՔՈՒՄ

«Տղայք, վաղը առաւօտեան մենք ամենքս կըզնանք խոտ-հարքի», ասաց մեր հայրը, և մենք այնպէս գորգողացինք ու վազվզեցինք, որ զօրով կանգնեցրին մեզ: Ես ձուկը բռնելու կարթեր էի պատրաստել. իսկ քոյրերս վեր առան իրանց կողովները, որ հատապտուղներ հաւաքեն, և

առաւօտը, լուսաբացին, մեր բոլոր ընտանիքը, սայլերի վրայ նստած, ճանապարհ ընկանք:

Մի ժամից յետոյ մենք հասանք մեր փափագելի մարգագետիններին: Երբ-որ մենք տեղ հասանք, արևի ոսկեփայլ ճառագայթները դեռ նոր ծածանւում էին Մեծ-Մասիսի ձիւնապատ գագաթի վրայ. բայց հովիտն արդէն հնձողներով լիքն էր: Հնձողները, չուխաները հանած, շապկանց, գոյգ-գոյգ առաջ էին քայլում բարձր խոտերի մէջ և իրանց ետևից ձգում էին կանաչ խոտերի շերտերը: Նրանցից փոքր ինչ հեռու, միւս կողմը, նրանց ընկերները փոցխով ու եղանով հաւաքում էին չորացած խոտը և փոքրիկ բլուխներ էին կազմում: Հովտի այս ու այն կողմումն էլ սարի նման բարձրանում էին մեծամեծ դէզեր: Մէկ մարդ կանգնած էր դէզի գլխին և վարպետութեամբ դարսում էր խոտը: Գիւղացի մանուկները փոքրիկ բլուխները (կոյտերը) կրում էին մեծ-մեծ դէզերի մօտ: Ուրախութեան աղաղակը տարածւում էր օդի մէջ. երգեր, ծիծաղ, բարձրաձայն խօսակցութիւն, շների հաջոցը, գերանդիների զընգզընգոցը, բեռնակիր ձիաների խրխընջոցը, եզների բառաչիւնը, անիւների մեղմ շառաչիւնը — այդ բոլորը խառնւում էին բնութեան երգիչների քաղցր դայլայլիկների հետ, յափշտակում էին մարդու միտքը:

Ես շտապեցի ձուկը բռնել այն գետակից, որ հոսում էր այդ հովտի միջով. իսկ քոյրերս սկսեցին հատապտուղներ ժողովել: Յետոյ մենք շատ ուրախութիւններ արինք՝ թիթեռներ բռնեցինք, ծաղիկներ ժողովեցինք և քոյրերիս հաւաքած մորու գեղեցիկ կարմրախառն հատիկներից փնջեր կազմեցինք:

Փոքր առ փոքր սկսեց մուլթն ընկնիլ. արեգակն արդէն ծածկուել էր հօրի գոնի ետևը: Մշակները դադարեցին իրանց գործերից, ցած դրին գերանդիները և խաչա-

Կնքելով, գոհացան Աստուծուց: Մի քանի ըոպէից յետոյ՝
ամենքը ճանապարհ ընկան դէպի զիւզ: Փոքր տղաները,
խմբեր կազմած, գնում էին առաջից. նրանցից միքանիսը
սրինգ էին ածում, միւսները պարում էին և երգում:

«Մաստիկ շոք է. ցորեն, գարի հասել են.
Հնձողները խոտը հընձել՝ դիզել են.
Բոլոր ձառեր ծածկըւել են տերևով.
Պտուղները ճիտ են անում ժպտալով:

ՀՕ-հՕ-հՕ,— ամառ է.

Արևը խիստ կըլառէ»:

Ես ու քոյրերս խառնուեցինք այդ երգող խմբին և
ամենևին չիմացանք, թէ ինչպէս տուն հասանք:

67. Հ Ո Ի Ն Ձ

Անա բանւորներն շարէ-շար կանգնած,
Մանգաղը ձեռքին, գոգնոցը կապած,
Մինչև գօտկատեղ բարձրացող արտում,
Ժպիտն երեսին, ցորեն են հնձում:

Ընդարձակ դաշտը, որ ամիսուկէս
Մեղմ քամու գիմաց, կապոյտ ծովի պէս,
Ճրկուում-թեքում էր ու հէրանց գնում,
Նորից յետ դառնում, իւր տեղը բռնում,

Այժմ բաց-դեղին ոսկու գոյն առած,
Տիրոջ օրհնութեամբ հասկերը լցրած,
Արևի դիմաց փայլում է, խաղում,
Ամբողջ հովիտը հուր ու ծով շինում:

Անա բանւորներն շարէ-շար կանգնած,
Մանգաղը ձեռքին, գոգնոցը կապած,
Հնձում են ցորենն ու խուրձեր կապում,
Կապած խուրձերից տասնեակներ կազմում:

68. Թ Ա Ժ Ա Յ Հ Ա Յ

Կիւրակէի արևը ծածկուեցաւ անտառի ետևը: Եր-
կուշաբթի առաւօտը գիւղացին իւր ուրդոց հետ դուրս
գնաց դաշտը և ուրախ-ուրախ նայեց արտերին: Գիւղացին
խաչակնքեց և ասաց. «Օրհնեցէք Աստուծուն, սրգիք. այս
տարի մեր տաւարը խոտ կ'ունենայ և մենք էլ հաց»:
Գիւղացին պոկեց մէկ հասկ, տրորեց ափի մէջ, նայեց և
տեսաւ, որ հատիկները մզացել են. յետոյ ատամի տակ
փորձեց և տեսաւ որ տրաքում է: «Ո՛րդիք, ժամանակ է
հնձելու. ձեր մայրը երէկ ամբարի վերջին ալիւրը մաղեց»,

Միւս օրը, թէ մեծ և թէ փոքր, բոլորը դուրս թա-
փուեցին արտերը: Խուրձերը արագ-արագ շարուեցին մի-
մեանց ետևից. իսկ երեկոյին արդէն միքանի տասնեակ-
ներ և երեսնեակներ կարգով կանգնած էին արտումը:

Դեռ հունձը չէր վերջացել, որ կամս սկսեց պտրտել
կալի վրայ: Հայրը մի բեռը ցորեն տարաւ ջրաղաց և այն-
տեղից ձերմակ ալիւր բերաւ: Մայրը խաշ արեց, խմոր
հունցեց. իսկ միւս օրը մանուկներն արդէն ուտում էին
նոր ցորենից պատրաստած թափայ հացը:

69. ՇԻՆԱԿԱՆՆԵՐԻ ԵՐԳԸ

Այ մարդ, այսօր շատ քրնեցար, նընջեցիր,
Առաւօտեան հով ժամանակն անցուցիր.
Արեգակը ծովի ծայրէն ծագեցաւ,
Ձերմութիւնը ձորն ու դաշտը փուռեցաւ:

Ընկերներդ վաղ արտերը գնացին,
Ցորեն, գարի գերանդիով հնձեցին,
Խուրձ կապեցին, բարդ բարդեցին դաշտումը,
Նստան հանգչիլ կաղնիների հովումը:

Այ մարդ, վեր կաց, սառը ջրով լուացուիր,
Գօտիդ կապէ՛, գերանդիդ առ, դաշտ հասիր.
Քանի հով է, հունձըդ արա՛ արտումըդ,
Հունձըդ հընձէ, մի ծուլանար գործումըդ:

Հունձըդ կապէ՛, բարդըդ բարդէ՛, տո՛ւն արի,
Հանգստացիր, երբ քո հունձըդ կատարի.
Բեր գերանդիդ, կախէ՛ պատէն քո տանը.
Ես իրիկուան կը պատրաստեմ սեղանը:

Այ մարդ, հերիք, ինչ-որ այսօր քնեցար,
Աչքդ մէկ բաց, տես թէ՛ սրչափ ուշացար.
Մեր դրացին վաղ անցկացաւ կամուրջէն,
Վաղ լրուել է մեր գզիրը ձայնելէն:

Ի՞նչ ես պառկել, ի՞նչ ես քընել, սիրեկան,
Արեգական շողը հասաւ մեր դռան.
Մի ծուլանար, ժամանակդ խընայէ.
Այն պիտի մեզ բոլոր ձմեռ կերակրէ:

70. ՉՀՆՁԱԾ ԱՐՏ

Աշունն սկըսուեց, ծիծառը թռաւ.
Անտառն է դատարկ, դաշտը մերկացաւ.
Միայն դաշտումը, անհունձ մնացած,
Տխուր ու տրտում մի արտ կայ կանգնած:

Կարծես հասկերը ասում են միմեանց.
«Ի՞նչպէս մըսում ենք մենք այս ցրտի տակ.
Շատ տխրալի է գետին խոնարհուել
Եւ ատօք պտուղդ հողում թաթախել:

«Ամենայն գիշեր մեզ մօտ իջնում են
Անցնող թռչուններն ու մեզ ուտում են.
Գազաններն արորում, քամին մեզ ծեծում.
Ո՞ւր է մեր տէրը, ի՞նչ է սպասում»:

Քամին տալիս է նրանց վատ համբաւ.
«Մահը ձեր տիրոջ երկրից վեր առաւ»:

71. ՄԱՆԿԱԿԱՆ ՅԻՇՈՂՈՒԹԻՒՆԻՑ

Oqnuunu

Շատ ժամանակ է՛ ես իմ յիշատակարանում ոչինչ
չեմ գրել. ամբողջ ամառ ես դրա համար միջոց չունէի:
Այժմ մենք էլ այնքան չենք խաղում, որովհետեւ շուտ-շուտ
անձրևում է և աշնան հոտ է գալիս:

Այսօր, Աստուածածնի վերափոխման տօնին, մեծ ու-
րախութեամբ եկեղեցի են տանում այգիների և արտերի
պտուղները: Աստուածածնին պտուղներն օրհնում են:
Գիւղական փոքրիկ եկեղեցին լիքն է մարդկանցով: Բարի
գիւղացին ջերմեռանդութեամբ վեր է առնում մի փոքրիկ
խաղողի ճիւղ և մի բուռը ցորեն: Մաղողը նա ուտում է,
պստը լուծում, իսկ ցորենը տանում է, իւր սերմացուի
հետ խառնում: Հայրս և մայրս այսօրուանից սկսում են
պտուղներ ուտել. իսկ մենք վաղուց լուծել ենք պտղապստը:
Դաշտերում արդէն շարուած են ցորենի տանեակ-

ները: Շուտով գիւղացին կրբերէ նրանց իւր կալը, որ անձրևների տակը չմնան: Ահա աշխատասէր գիւղացին շանասիրութեամբ կասում է. իսկ նրա որդին խուրճն է կրում հնձատեղից:

Սուրճը կրելուց յետոյ նա պարապ չի մնալու. արեգակի տաքութիւնը պակասում է. երկինքը շուտ-շուտ ամպում և անձրևներ է թափում. գիւղացու ցելերը փափկացել են. շուտով ցանքն էլ կըսկսեն: Ճանճերն էլ զգալի կերպով կծում են. նշան է, որ ամառը վերջանում է:

72. Ա Շ Ո Ւ Ն

Երեկոյեան վերջալուսին
Ծիծեռնակները չքացան.
Սարեակները խմբեր կազմած
Մեր կողմերիցը հեռացան:

Ամեն բան հանդարտ քնած է՝
Դուրսը խաւար է տիրում.
Չոր տերևը խշխշում է,
Եւ քամին դուռը ծեծում:

73. ՉՈՐՍ ԵՂԲԱՅՐ

Չորս եղբայր են. ամեն տարի
Երկրիս վերայ ման են գալի.
Չորսն էլ ջոկ-ջոկ ունին հասակ,
Պարզեաներն են հազար տեսակ:

Առաջինըն է պատանի,
Բողբոջ, տերև, սաղարթ ունի.

Պայծառ արև, կանաչ արօտ,
Որոնց տղայք են միշտ կարօտ:

Երկրորդ եղբայրն երիտասարդ,
Տալիս է մեզ անձրև առատ.
Ծաղկունք ցանում է ամեն դի,
Յոյս է տալիս առատ հընձի:

Երրորդ եղբայրն այն չափահաս,
Մրգերով լի ունի մի թաս.
Բաժանում է տղոց իւր գանձ՝
Ծիրան, խնձոր խաղող ու տանձ...

Չորրորդ եղբայրն է ծերունի,
Յուրա ու խաւար շալկած ունի.
Այգի, անտառ ամայացած,
Դաշտ ու արօտ ձիւնով լցուած:



ՇՐՋԱՆ ԵՐԿՐՈՐԳ

ԱՌԱՍՊԵԼԱԿԱՆ ԱՇԽԱՐՀ

74. ՄԱՆԿԱԿԱՆ ՀԵՔԻԱԹ

Եկէք՝ պատմեմ ձեզ մի բան,
 Ոչ մածուն է և ոչ թան.
 Իմ ասածն է մի հեքիաթ,
 Ուղորդը քիչ, սուտը շատ:

Փոքրիկ աղայ էի: Հայրս ինձ ջաղաց ուղարկեց: Չաղացականն ընդունեց տղունը և ասաց. գնա՛ անտառ, տղաս, փէտ արա, բեր, կրակ անենք, կրկենի թխենք. ես քեզանից շատ չեմ առնիլ:

Անտառ գնացի, մի քեօթուկ գտայ, շատ չարչարուեցի, տեղից պոկ չեկալ. դարձայ ասացի.

«Ա՛յ քեօթուկ, ի՛նչ գալում ես»:

— Թէ գալում եմ, ինչո՞ւ կացինն ինձ կտրում է:

«Ա՛յ կացին, ի՛նչ գալում ես»:

— Թէ գալում եմ, ինչո՞ւ դարբինն ինձ թակում է:

«Ա՛յ դարբին, ի՛նչ գալում ես»:

— Թէ գալում եմ, ինչո՞ւ երկինքն ինձ տանում է:

«Ա՛յ երկինք, ի՛նչ գալում ես»:

— Թէ գալում եմ, ինչո՞ւ ամպը երեսս ծածկում է:

«Ա՛յ ամպ, ի՛նչ գալում ես»:

— Թէ գալում եմ, ինչո՞ւ անձրևը միջիցս կաթկաթում է:
 «Ա՛յ անձրև, ի՛նչ գալում ես»:

— Թէ գալում եմ, ինչո՞ւ տափը ինձ ծծում է:
 «Ա՛յ տափ, ի՛նչ գալում ես»:

— Թէ գալում եմ, ինչո՞ւ խոտն ինձ կոխում է:
 «Ա՛յ խոտ, ի՛նչ գալում ես»:

— Թէ գալում եմ, ինչո՞ւ տաւարն ինձ ուտում է:
 «Ա՛յ տաւար, ի՛նչ գալում ես»:

— Թէ գալում եմ, ինչո՞ւ գայլն ինձ ուտում է:
 «Ա՛յ գայլ, ի՛նչ գալում ես»:

— Թէ գալում եմ, ինչո՞ւ շունն ինձ հալածում է:
 «Ա՛յ շուն, ի՛նչ գալում ես»:

— Թէ գալում եմ, ինչո՞ւ պառաւն ինձ թակում է:
 «Ա՛յ պառաւ, ի՛նչ գալում ես»:

— Թէ գալում եմ, ինչո՞ւ մուկը քուրքս կտրում է:
 «Ա՛յ մուկը, ի՛նչ գալում ես»:

— Թէ գալում եմ, ինչո՞ւ կատուն ինձ ուտում է:
 «Ա՛յ կատու, ի՛նչ գալում ես»:

— Ես գալում եմ, գալում. համ մուկն եմ բռնում, համ միս գողանում. թէ մուկ չեմ ճանկում, մտնում եմ տաշտը, ձեր հացը ծամում, ձեր աչքը հանում, յետոյ ետ դառնում, ձեր գոգին նստում ողբում, մլաւում, սիրտներդ շահում: Դու էլ գալում մանուկ կըլնես, դառնաս միւս կողմ, ցախ ժողովես, տանես ջաղաց, աղունըդ աղաս, շատ չտաս, անցնես, գնաս:

Բառեր՝ աղուն—աղալու ցորեն. կրկենի—կրակախառն մոխրի մէջ խթած բազարջ հաց. շատ—վարձը. քեօթուկ—կոճղ. գալում—քաջ:— Ուղղագրական կանոններ:

75. ՇՈՒՆՆ ՈՒ ԿԱՏՈՒՆ

ՄԱՆՈՒԿՆԵՐԸ

Հեքիաթ-հեքիաթ, մի ջուալ ցաքատ,
 Ոչ կոթ ունի, ոչ երկաթ.
 Զաղացի գըլխին օխտը գայլ,
 Օխտը գայլ են, մի բլբուլ.
 Բլբուլ, բլբուլ, դուռը բաց,
 Մի հաւ ունենք կեռ կտուց,
 Մի ձու կ'ածի, դիփ դեղնուց.
 Դեղնուցն ուտի մեր պապիկ,
 Պատմէ մեզ մի առակիկ:

Պ Ա Պ Ը

Դէհ, գաւակներ, խելօք կացէք,
 Եկէք, շուրջըս նստոտեցէք.
 Ես ձեզ պատմեմ կատուի առակ,
 Կատուի առակ, խիստ խայտառակ:

Մեր խորամանկ տանու կատուն
 Եւ խօսքի տէր միամիտ շուն
 Հին ժամանակ ընկերացան,
 Պայման արին, որ միաբան
 Պահեն տունը իրանց տիրոջ,
 Պատիւ, յարգանք տան ընկերոջ:

Շունն յանձն առաւ դուրսը հըսկել,
 Թէ լոյս-ցերեկ, թէ մութ-գիշեր.
 Կատուն տանը քունջ ու պուճախ
 Պիտի նայէր, հըսկէր յաճախ,

Որ չար մկներ չըկըծոտեն,
 Տան պաշարը չըվատնոտեն:

Բարեկամներն ազատ ժամին
 Արձակ բախում խաղ կ'անէին.
 Երբ գործ չկար, արևի տակ,
 Դունչը դընչի, ծանր ու բարակ
 Կըպատմէին միմեանց արած,
 Իրանց գործերը կատարած:

Քուչին հընուց լաւ որսորդ էր,
 Փիսօն վարպետ, կարել գիտէր.
 Եւ երբ շունը հանդն էր գնում,
 Մի փափկամորթ գազան բըռնում,
 Կատուն բերած մորթուց մուշտակ՝
 Թաթմաններ էր կարում տաք-տաք:

Մի օր շունը որսի ելաւ,
 Մի փափկամազ ազուէս կալաւ,
 Միսը ձըգեց ազուաներին,
 Մորթին բերեց իւր ընկերին.
 «Փիշիկ, փիշիկ, եղի՛ր բարի,
 Ա՛ռ ինձ համար քըթկալ կարի»:

«Գիշեր-ցերեկ տաք սենեակում
 Դու ապրում ես ինչպէս խանում,
 Էլ չես ասում, թէ գըրսումը
 Ընկեր ունիմ, որ ցըրտումը
 Զէ իմանում, ինչպէս անի,
 Որ իւր գործը գըլուխ տանի»:

«Թէ որ դունչըս կըռանս տակ
 Ես պառկում եմ մի անկիւնում,
 Իմ բարեկամ գայլն համարձակ
 Իւր արշաւանքն է կատարում.
 Թէ ըստիպուած քիթս եմ հանում,
 (Ո՞ր ջուրն ընկնեմ) ցուրտն է տանում»:

— Աչքիս վըրայ, ազնիւ ընկեր,
 Պիտի նըստեմ հէնց այս գիշեր
 Քըթկալ կարեմ, էգուց հազնես,
 Դունչ ու պոռնկըդ ազատես
 Այսուհետև ցըրտից դաժան,
 Իմ լաւ ընկեր, խըղճո՛ւկ գազան...

Ասաց կատուն, նայեց մորթուն,
 Եւ իւր մըտքում վըճռեց թաքուն,
 Որ նըրանցից մի փառահեղ
 Թիկնոց կարի իրան լայեղ.
 — Շունն ի՞նչ կանի... սա ի՞նչ բան ա,
 Չէ՞ ափսոս է, կըփըշանայ:

Միւս առաւօտ շունը վստահ
 Առօք-փառօք դունչը մեկնեց...
 «Դեռ չեմ պըրճել», կատուն խարդախ
 Փընթ-փընթալով ներսից ձայնեց.
 «Մի՛ ըշտապիր, քիչ համբերի.
 Թո՛ղ լաւ կարեմ. էգուց արի...»:

Միւս օրն եկաւ... դարձեալ իզուր...
 Շունը բացեց ժանիքը սուր.
 — Եթէ վաղը իմ քըթկալը
 Պատրաստ չեղաւ, տէս քո հալը.

Իմ սեպհական ատամներով
 Ես կըձեւեմ մէջքըդ սիրով:

Երրորդ օրը շունը եկաւ,
 Բայց չար կատուին էլ չըգտաւ.
 Յետին դըռնից, լուսաբացին,
 Դուրս էր ծըլկել թիկնոցն ուսին.
 Դուրս էր ծըլկել—գլուխն առել,
 Գլուխն առել, փախել, կորել:

Այս անվայել արարմունքը,
 Կատուի տըգեղ այս վարմունքը,
 Շունն այն օրից չի մոռանում՝
 Որտեղ նըրան պատահում է,
 Յարձակում է, մորթուց բըռնում
 Եւ բարկացած գետին զարնում:

Իւր ընկերին կատուի նման
 Դաւաճանող մարդիկ շատ կան.
 Բայց սակաւ չեն, որք շան նման
 Չեն մոռանում մինչ գերեզման
 Ջրկանքները իրանց կըրած,
 Բարեկամի ձեռքով տըւած:

Եւ երբ երկու լաւ ընկերներ
 Դաւաճանում են մէկ-մէկու,
 Մենք սովոր ենք նոցա կընքել՝
 «Սիրով ընկեր—շուն ու կատու»:

Այս առակը մասերի բաժանեցէք և ամեն մի մասի բովան-
 դակութիւնը արձակ գրեցէք ձեր տետրակներում:

76. ԳՈՐՏԸ ԵՒ ԵԶԸ

Մի գորտ դաշտում մի եզ տեսաւ մեծ ու գեր: Չէս ասիլ, որ գորտն էլ նախանձ է ունեցել. մտքից անցրեց, թէ ւրի մի փորձ փորձեմ, տեսնեմ կարո՞ղ եմ՝ եզան չափ լինեմ: Գորտը ուռչիլ սկսաւ, փրքուեցաւ, տուրդեցաւ, դարձաւ ընկերին ասաւ.

«Նայիր, կրկուան ընկեր, արդեօք եզան չե՞մ հասել»:

— Չէ, սանամայր, ասաց նա, դու սըր տեղ ես և նա սըր. ձեր մէջը մեծ սարեր կայ:

«Հապա հիմա, նորից նայիր, տես՝ թէ սրչափ փրքուեցայ: Դէհ, ի՞նչպէս եմ, ասիր, տեսնեմ, այժմ այդ եզան կընմանեմ»:

— Չէ, հոգի, չէ:

«Հապա հիմա»:

— Տարբերութիւնն ոչինչ է. ինչ-որ էիր, էլի այն ես: Բայց մեր գորտը նորից այնքան փրքուեցաւ ու փրքուեցաւ, որ վերջապէս շատ ուռչելուց ձաքեցաւ:

Կարգացէք այս առակը չափով. արտագրեցէք տող առ տող, ինչպէս կարգացիք. արձակ պատմեցէք:

77. ՀԱՆԵԼՈՒԿՆԵՐ

Աչքեր ունի, ոտքեր չունի,
Մարդ կրսպանէ, ձեռքեր չունի,
Չու է ածում, փետուր չունի,
Շապիկ ունի, որ կար չունի:

Չորս ոտք ունիմ կարճ ու կոկիկ,
Դլուխ ունիմ ինչպէս գորտիկ.

Մարդ տեսնելիս սիրաս է դողում,
Ոտք ու գլուխս չի երևում:

78. ՎԱՐԳԵՆԻՆ ՈՒ ՓՈՒՇԸ

Վարդենին ու փուշը բուսել էին միատեղ: Մի օր փուշն ասաց իւր գեղեցիկ հարեանին. «Բարեկամ, համբերութիւնդ ինձ զարմացնում է. ինչո՞ւ չես պատժում քո փշերով այն մեղուներին, որոնք այնպէս տգաղղալով հոտդ ու հիւթդ ծծում են»:

— Ինչո՞ւ պատժեմ, համեստութիւնով պատասխանեց վարդենին. չէ՞-որ իմ հիւթից նրանք անուշ մեղր են պատրաստում:

79. ՀԱՆԵԼՈՒԿ

Ո՛չ ցորեն եմ, ոչ դարի,
Որ հողագործն ինձ ցանի.
Առանց ջրի հունցած եմ,
Առանց ձեռքի կոլորած.
Ես անկրակ թրխած եմ,
Թոնիր, շաղաց տեսած չեմ,
Չեր ամենիդ սիրածն եմ:

80. ՊՍՏԻԿԸ ՈՒ ԼԽՏԻԿԸ

Ով որ փքանայ, շուտով չքանայ:
Ժող. առած.

Դաշտի մուկը հսկայ ու չաղ,
Ագին երկար, ինքը դօշաղ՝
Մօտենալով մի օր մի տան,
Տեսաւ պատիկ, վտիտ մրկան.

«Վանհ, քո տունըն Աստուած շինի,
 էդպէս պատիկ մուկ կըլինի՞.
 է՛գքան նիհար, հալից ընկած
 Աշխարհումս դեռ չի եղած:
 Հարուստ տան մէջ, տաք ամբարում,
 Թագաւորի կեանք ես վարում.
 Ուտում ես միշտ կարագ ու եղ,
 Կռծում շաքար ու նուշ համեղ...
 Իսկ ես խոպան, ցուրտ դաշտերում
 Հազիւ-հազ եմ ապրուստ ճարում.
 Բայց, տես, քեզնից մեծ եմ, հսկանց,
 Ինձ պէս լիտիկ էլ մուկ չկայ...»

—Մի պարծենար, իմ աչքի լիս,
 Մէկ նայիր՝ թէ ո՞վ է գալիս:

Նայեց էն կողմ դաշտի մուկը,
 Տեսաւ կատուին, ցամփեց թուքը:

Պատիկ մուկը իսկոյն փախաւ,
 Իր նեղ բնում շուտ թագ կացաւ.
 Շատ աշխատեց հսկայ մուկն էլ,
 Բայց չըկարաց ծակը մտնել:
 Կատուն վագեց խաղլիկ-խաղլիկ,
 Բռնեց դաշտի մկան չաղլիկ:
 «Բնւրիկ, կանչեց տան մկնիկը.
 Պատիկն է լաւ, թէ՛ լիտիկը...»:

81. ԱՂՈՒՔՄՆ ՈՒ ԿԿՈՒՆ

I.

Անտառի խորքում, ուր գայլ ու աղուէս, արջ ու նա-

պաստակ, ազուաւ ու տատրակ՝ սրը իր որջում, սրը իր բնում, ապրում են ազատ, ընկերով, մենակ,— ծառի փշակում շատախօս կիտն մի բուն էր շինել, երեք ձու ածել, վրէն թուխս նստել, երեք մազմզոտ ձագուկներ հանել:

Շատ ծոյլ թռչուն է, ասում են, կիտն. իւր համար երբէք չի շինում նա բուն. նա ձու է ածում պատրաստի բնում, որ իրանց համար միւսներն են շինում և նրա ձուից դուրս եկած ձագը, որպէս հարազատ պահում, պահպանում: Բայց այս մի կիտն ուրիշ սիրտ ունէր, իւր տեսակի մէջ բացառութիւն էր:

Հաստաբուն ծառի արմատի տակին իւր որջն էր շինել աղուէսն ահագին. մի որջ էր շինել ուր ու մոլոր և աչք էր դրել շաբաթներ բոլոր, թէ կիտնի ձուտեր երբ պիտի մեծնան, փափուկ միս բունեն, որ իրան պէտք գան:

—է՛յ, ասաց մի օր ցածից լայնափոր աղուէսն ահաւոր կիտնին մենաւոր. չէն տեսնում ծառի արմատի տակին ես տուն եմ շինել ինձ համար կարգին. ի՞նչպէս սիրտ արիւր առանց հրամանի իմ տան կտուրին բուն շինել եանի: Ահա կըտեսնես, ես քեզ ի՛նչ կանեմ. պոչով կըզարկեմ, ծառը պըրանեմ, լիսոր ձագերդ ոտիս տակն անեմ:

«Աման, հարևան, չանես դու այդ բան»:

—Եթէ ուզում ես, որ այդպէս չանեմ, որ այդպէս չանեմ, հոգիդ չհանեմ, ձուտերիցդ մին քու յօժար կամով ներքև ուղարկիր, որ ինձ ծառայի և իւր վարմունքով յանցանքդ քաւի:

Կիտն վախեցաւ և իւր զաւակը աղուէսին տըլաւ: Աղուէսն էր, առաւ ու մի կողմ տարաւ, մօր աչքից հեռու «համի» արաւ, կերաւ:

Միւս օրը եկաւ անգութ գազանը, բերանը բացաւ, ասաւ այս բանը. «Գիտես դու, կիտն, ընկեր թեաւոր՝

տանս գործերը շատ են, բիւրաւոր. մի ձագդ մենակ չի կարում պրծնի, միւսին էլ զրկիր, որ եղբօրն օգնի. թէ չէ՝ հօ գիտես, ես քեզ ինչ կ'անեմ. պոչով կըզարկեմ, ծաւր կործանեմ. ծաւր կործանեմ, ճուտերդ տանեմ»:

«Աման, աղուէս ջան, չանես այգպէս բան»:

— Եթէ ուզում ես, որ այգպէս չանեմ, համ ես սիրեմ քեզ, համ էլ պաշտպանեմ, շուտ ներքե կըկիր քու երկրորդ որդուն. կըբանեմ իմ տուն. երկու եղբօրով ինձ կըծառայեն և ուրախ-զըւարթ միասին կ'ապրեն:

Կիտն հաւատաց, որդուն զրկեց ցած: Աղուէսն էր, առաւ, միւս կողմը տարաւ և մօրից թաքուն «համի» աւրաւ, կերաւ:

Երրորդ օրն եկաւ աղուէս ապէրը, ծառն իվեր կանգնեց, մեկնեց թաթերը. «Սիրունիկ կըկու, անսուհարեան, բարեսիրտ մայրիկ, թռչուն աննման, սղոյն եմ բերել քեզ քու ճուտերից, լաւ ականջ արա այգ ծառի ծէրից. նրանք խնդրում են՝ իրանց քըւորը շուտ հիւր ուղարկես, խաղան սաղ օրը. կ'ուտեն, կըխմեն, կ'երգեն, կըխնդան, իսկ երեկոյին էլի յետ կըգան»:

Մայրը խնդազին ցած գցեց ձագին:

Աղուէսն «համի» արաւ, մօր աչքի առաջ ընխեց ու կերաւ:

Կիտն ճիչ հանեց, գոչեց, հառաչեց, բոլոր թեւերը օգնութեան կանչեց: Թռչուններն եկան, եկան ժողովեցան և մօր խնդրանօք դատի նստեցան: Նախագահն եղաւ սև գայլ-ագռաւը և դատաւորներ՝ բուն ու կաքաւը. նստան, խորհեցին, խելք խելքի տըւին, վերջը այսպիսի որոշումն արին. «Աղուէսը, հարկաւ, պատժի արժան է, բայց նրան պատժել խիստ դժուար բան է. շան հետ բարեմիտ պայման պիտ' անուի, որ մեր վճիռը լաւ գլուխ տանուի»:

II.

Թռչունների դատարանը գայլ-ագռաւին յանձնեց բանը: Գայլ-ագռաւը թռաւ-թռաւ, հովի շանը ուր-որ գըտաւ. բոլոր անցքը պատմեց նրան. պատմեց արդար վրձիւն իրանց և աղաչեց, խնդրեց սրտանց, որ բարեգուժ դամիոն յօժարի, իրանց խնդիրը կատարի:

«Հնւ-հնւ — լաւ, լաւ, աստ, տեսնեմ, ինչ պիտ' անեմ, որ աղուէսից վրէժ հանեմ»:

— Այն մացառուտ թըփի տակին դու կընստես մի կէս ժամով և աղուէսի բրդոտ ազին բերան կ'առնես, երբ իւր կամով, դունչը ցցած, նա կըվազի և առջևը կըպարզի: Դէ, դու թագ կաց առօք-փառօք, տեսնենք՝ մեզնից ով է խելօք:

Ասաց, թըուաւ, վրանի դռնից մի մեծ կտոր պանիր առաւ... Պանրի կտորը կըտուցին, նա յետ դարձաւ նոյն միջոցին, որջի դռան շուտ իջաւ ցած՝ «Աղուէս ապէր, դուրս եկ, ասաց. տես, քեզ համար ինչ եմ բերել. այսպէս մի բան դու չես կերել»:

Աղուէսն առաւ պանրի հոտը, ծակիցն ելաւ անամօթը, վրայ վագեց գայլ-ագռաւին. իսկ նա թռաւ, կանգնեց հեռին: Աղուէսն էլի առաջ գընաց, դունչը ցցած, բերանը բաց. մեր դատաւորն էր խորամանկ, թըփի գլխին առաւ նա կանգ: Աղուէսն վագեց դէպ' այդ թուփը. կըճուճն ընկաւ, գըտաւ խուփը... Դեռ չէր անցել երեք վայրկեան, որ մեր դամիոնը տեսաւ իւր բան...

Երբ որ շունը քիչ հեռացաւ, գայլ-ագռաւը թփիցն իջաւ, կանգնեց դնչին չար գագանի և իւր կտցով, բզկ պէս սուր, փորեց աչերն անպիտանի:

Չափով կարգաւ. բաժանել մասերի. կարգաւ-պատմել առակի բարոյախօսականը:

82. ԱԳՌԱԻՆԵՐԸ

Լինում է չի լինում մի պառաւ: Որդի չի ունենում այս պառաւը: Գնում, մի աղքատ ու որբ մանուկ է գտնում և անում է իրան որդեգիր: Պառաւը պահում-մեծացնում է տղային:

Բայց տղան շրջում է չար ընկերների հետ և ինչ վատ բան ասես՝ սովորում է: Պառաւը մտածում է. բերեմ, ամուսնացնեմ, կարելի է խելքի գայ: Եւ բերում, ամուսնացնում է: Տղան կնկայ ու որդու տէր է դառնում, բայց իւր չարութեան ընկերներից չի բաժանւում: Կինը բողոքում է՝ նա ծեծում է կնկանը. որդին հաց է ուզում՝ նա հայհոյում է որդուն: Պառաւի սիրտը դառնանում է. «Տղայ, ասում է, խելքդ գլուխդ բեր, աշխատանքի գնա, կնիկ ու որդի պահիր, թէ չէ՝ քեզ էջ կը շինես»:

Տղան մեղայ ասելու փոխանակ, գոռում է պառաւի վրայ. «Շատ մի խօսիր, ասում է, թէ չէ՝ քեզ էլ կը ծեծեմ»:

Պառաւը տեսնում է, որ տղան անուղղելի է, առնում է պողպատէ ճիւղտոր, զարկում է տղային և ասում է. «Մարդ չես ուզում լինել՝ էջ եղիր»: Տղան դառնում է բո ուզած էջը: Նրան տանից դուրս են անում: Հարևանը բռնում է ականջից, տանում է իւր բաղը և եօթը տարի բեռան տակ բանեցնում է:

Եօթը տարուց յետոյ մեր էջը կաշին փոխում է, նորից մարդ է դառնում և գալիս է իւր տունը: Կնիկն ու որդին դուռը բաց են անում և ուրախութիւնով ներս են ընդունում: Տատին էլ իմաց են անում, թէ որդեգիրդ եկել է:

Մի քանի օրից յետոյ պառաւի որդեգիրը իւր չարութիւններն սկսում է. փոխանակ տանըցոնց սիրելու, առա-

ջուանից ակելի սաստիկ սկսում է հայհոյել ու ծեծել. պառաւին էլ ակել-պակաս խօսքեր է ասում: «Տղայ, խելքդ գլուխդ չի եկել. դու, ինչպէս տեսնում եմ, մարդ չես դառնալու, ասում է պառաւը. քեզ զայլ կը շինես, սարեր ու ձորեր կը նկնես»:

— Չայնդ կարիր, քաւթաւ, ասում է տղան. վեր կը կենամ, գլուխդ կը շախշախես:

Պառաւը վեր է առնում պողպատէ ճիւղտոր, զարկում է տղային և ասում է. «Մարդ չես ուզում լինել՝ գայլ եղիր»: Տղան դառնում է գայլ: Գիւղացիք փայտ են վերցնում, շներին քիւ են տալիս և հալածում են լեռները:

Եօթը տարի գայլութիւն անելուց յետոյ՝ պառաւի որդեգիրը կաշին փոխում է, նորից մարդու կերպարանք է մտնում և վերագառնում է իրանց տուն: Բայց այս անգամ նա ակելի չար է լինում, քան թէ առաջ. էլի սկսում է հայհոյել ու ծեծել իւր կնկանն ու որդուն. էլի սկսում է անպատուել ու ծաղրել պառաւին:

Պառաւը համոզւում է, որ իւր որդեգիրը երբէք կարգին մարդ չի դառնալու, վերջին անգամ զարկում է պողպատէ ճիւղտով և տղան դառնում է սև ագռաւ: Տղան դահմ անելով թռչում-գնում է իւր չարութեան ընկերներին զանգատուում: Ընկերները հաւաքում-գալիս են, որ պառաւին խեղդեն: Պառաւը պողպատէ ճիւղտան առնում է ձեռքը, ամենքին ագռաւ է դարձնում: Նրանք էլ գնում-չանում են իրանց ընկերին, երամ են կազմում:

Այն օրից մինչև այսօր այդ ագռաւներն են, որ տներ ու զաւիթներ են մտնում, գողութիւն են անում... Մարդիկ էլ բոլոր թռչուններին սիրում ու համբերում են, իսկ ագռաւներին ատում են և հալածում:

83. ԱՆՆԵԼԻՔ ՄԱՐԴԸ

Ժամանակով մարդու մէկը շատ ունենոր է լինում. բայց ծուռ ու մուռ ապրելով, ինչ որ կայ-չկայ ուտում, նստում է. հայ-մայ կտրւում է, մէկ ձեռը ծոցն է դնում, մէկ ձեռը ծնօտին, ախ ու վախ անում, հալւում, մաշւում:

Իւր ծանօթները գալիս-շրջապատում են նրան. նրանցից մի արևոր վերջնում-ասում է. «Ինչ մի բան ես արել, քու բախտը քեզանից խրանել, փախել է. ել, գնա՛ քու բախտի ետևից, գուցէ գտնես, ձեռք բերես, առաջուայ պէս բախտաւորուիս»:

Մարդը գլխի է ընկնում, ելնում, իրան տալիս է սարերի, քարերի. գիշեր-ցերեկ իւր բախտն է որոնում: Մի գիշեր էլ երազի մէջ տեսնում է, որ իւր բախտը մի սարի վրայ ընկած է բերանքս-իվար, ախ ու վախ է անում իրան նման: Առաւօտը, զարթելուն պէս, վեր է կենում ու շիտակ գէպի էն սարը բարձրանում:

Գնում է-գնում՝ տեսնում է, որ ճանապարհի վրայ մի առիւծ նստած է: Առիւծը կանչում, հարցնում է մարդուն. «Ո՞ւր ես գնում»: Մարդն ասում է. «Գնում եմ բախտս գտնեմ»: Առիւծն ասում է. «Ես գիտեմ, քու բախտը շատ գիտուն է. իրանից հարցրո՛ւ, թէ ես ինչով կը բժշկուիմ. ահա եօթը տարի է, որ հիւանդ եմ: Վերագառնալուդ արի, ինձ ասա. ես էլ իմ ձեռից եկած լաւութիւնը կ'անեմ քեզ»:— Մարդը խօսք է տալիս, անցնում, գնում է:

Գնում է-գնում մարդը, տեսնում է մի այգի, որ հազար նմուշ պտուղներով լիքն էր. պոկում է մի պտուղ, բերանը դնում, տեսնում է՝ դառն է. պոկում է միւսը, երկրորդը... բոլորը դառն են: Այգու տէրը դուրս է գալիս, այս մարդուն հարցնում, թէ ո՞ւր ես գնում: Մարդն էլ իւր դարդը պատմում է այգու տիրոջը: «Որ այգպէս է,

քու բախտից հարցրո՛ւ, թէ իմ այգու ճարն ի՞նչ է, որ ինչ անում եմ չեմ անում, պտուղները դառն են լինում: Երբ-որ դառնաս, ինձ պատասխան բեր. ձեռքիցս ինչ լաւութիւն գայ, կ'անեմ քեզ»: Մարդը խօսք է տալիս և անցնում, գնում է:

Գնում է-գնում, համնում է մի հոյակապ պալատի. ներս է մտնում, տեսնում, որ մի ջահէլ-ջիւան օրիորդ դարբասի մէջ պարտում է: «Աղբէր, դու այստեղ ի՞նչ բան ունիս», հարցնում է ջահէլը: Մարդը իր գլխին եկածն ասում է նրան: Ջահէլն էլ դառնում, ասում է սրան. «Ես շատ հարստութիւն, շատ կայք ու ապրանք ունիմ, բայց մի ցաւ ունիմ, որ գիշեր-ցերեկ ինձ հանգստութիւն չի տալիս. եթէ քու բախտից ինձ մի ճար հարցնես, ամեն տեսակ բարութիւնից կըտամ քեզ»: Մարդը խօսք է տալիս, անցնում, գնում: Գնում է-գնում, տեսնում է, որ իւր բախտը վէր է ընկել սարի գլխին: Բարև է տալիս, նստում. շատ գանգատ ու արտունջ է յայտնում. յետոյ հարցնում է իրան պատուիրած բաները. ամենի պատասխանն էլ ստանում է:

— Դէ, վեր կաց, գնանք, ասում է մարդը:

— Ի՞նչ առաջ գնա՛, ես կըգամ, ասում է բախտը:

Մարդը վերագառնում է: Առաջ հանդիպում է այն ջահէլին և ասում է. «Քու դեղն այն է, որ դու մի կտրիճի հետ պսակուիս. քո հոգան ու ցաւը կ'անցնի»:

Գալիս է այգին, տիրոջը կանչում է ու ասում. «Քու այգու ջուրը որ առուից որ գալիս է, էն առուի մէջ ոսկու հանք կայ. ոսկու փշրանքը ջրի հետ գալիս է. ծառերը ծծում են, պտուղները դառնանում. կամ ջրի առուն փոխիր, կամ հանքը քանդիր, դուրս հանիր. պտուղները կ'անուշանան»:

Յետոյ գալիս է մարդը, նստում առիւծի մօտ. պատ-

մում է ամեն բան՝ իւր բախարը գտնելը, այգու տիրոջ ու ջահէլի համար ասածները: Առիւծը հարցնում է. «Չահէլը քեզ որևէ լաւութիւն չարձւեց»: Մարդը պատասխանում է. «Ինչպէս չէ. ասաց՝ արի ինձ ան, նստենք մէկ տեղ, Աստուծու բարութիւնը վայելենք. ես չհամաձայնուեցի»: Առիւծը հարցնում է. «Իսկ այգու տէրը ի՞նչ լաւութիւն առաջարկեց»: Մարդը պատասխանում է. «Այգու տէրը ոսկու հանքերը քանդեց, հանեց, մի կողով ոսկի առեց ինձ. ես չվերցրի, ասացի. ո՞վ է դրանք շալակում, տուն հասցնում»:

«Է՛, հարցնում է առիւծը. ինձ համար ի՞նչ դեղ ասաց»: Մարդը պատասխանում է. «Քեզ համար էլ ասաց, որ եթէ մի անխելք մարդու գլուխ ուտես, կ'առողջանաս»:

Առիւծը մի լաւ վեր ու դիր է անում սրա ասածները, մեղմով թաթը մեկնում է դէպի մարդու գլուխը, բռնում, զարկում է գետին և փշրում, ուտում է. «Նա ու իմ Աստուած, ասում է, քեզանից էլ անխելք մարդ չեմ կարող գտնել աշխարհիս երեսին»:

84. ՎԱՐԴՈՒՆԻՆ ԵՒ ՅՈՒԱԿՐ:

Քոյր ու եղբայր էին Վարդունին ու Յուակր. հայրմայր չունէին. խորթ մայր կար միայն, որ նրանց չէր սիրում: Մի օր խորթ մայրը կանչում է Վարդունուն, մի բուռն աղանձ է տալիս նրան և ասում է. «Վեր առ եղբորդ, Վարդունի, աշխարհս մեծ է. գնացէք, ձեզ համար ապրուստ ձարեցէք»:

Վարդունին բռնում է եղբոր ձեռքը և գիւղից դուրս են գնում: Գնում են գնում, շատն ու քիչն Աստուած գիտէ, մի տեղ դէմ են ընկնում—կանգնում: Այստեղ ճանապարհը երկուսի էր բաժանում. չէին իմանում՝ որ ճանապարհով գնան:

—Քոյրիկ, սոված եմ, ասում է Յուակր:

Վարդունին նստում է ժայռի ստուերում, շէքից մի բուռն աղանձ է հանում, տալիս եղբորը: Այդ միջոցին, որտեղից որ էր, մի ճնճուկ վայր է լիջնում և ասում է. «Բարի մանուկներ, ես էլ սոված եմ. միքանի հատիկ էլ ինձ տուէք այդ ցորենից»:

Յուակր ասում է՝ չտանք, Վարդունին թէ՛ չէ, տանք. դա էլ սոված է, ուտելու բան չի գտել. ասում է ու մի քանի հատ ցորեն դցում ծախ առաջը:

Ծիսն ուտում է. ապա դառնում-ասում է Վարդունուն. «Բարի աղջիկ, դու ինձ կերակրեցիր. ես էլ քեզ լաւութիւն կ'անեմ. դու չես իմանում, թէ որ ճանապարհով գնաս. եթէ վերևի ճանապարհը բռնելու լինես, կը մտնես մի անտառ և գաղանների կերակուր կը դառնաս. այնտեղից դուրս գալու հնար չկայ. եթէ ներքևի ճանապարհով գնաս, բարի կը գտնես. միայն ներքևի ճանապարհով գնալիս՝ անձրեաջուր չիմէք, թէ չէ՝ անասուն կը դառնաք»: Ասում է ու թռչում-հեռանում:

Նրանք բռնում են ներքևի ճանապարհը:

Ամառն էր. արևը բարձրից կրակ էր թափում:

—Քոյրիկ, ծարաւ եմ, ասում է Յուակր:

«Ոչինչ, Յուակր ջան, ոչինչ. համբերիր, շուտով աղբիւրին կը հասնենք»:

Գնում են: Արևն էլ բարձրից կրակ է թափում և խեղճ որբերին այրում-խորովում. աղբիւրն էլ, կ'ասես, դեռ շատ հեռու է. գնում են-գնում, նրան չեն հասնում:

—Վարդունի ջան, Վարդունի, բերանս պապակում է. տես, այստեղ ջուր կայ, այս փոքրիկ փոսի մէջ. կաց, խմեմ:

«Չէ, ջանիկս, չէ. դա ձիու ոտնատեղ է, եթէ խմես, քուռակ կը դառնաս»:

Գնում են: — Արևն էլ բարձրից կրակ է թափում և խեղճ որբերին այրում-խորովում. աղբիւրն էլ, կարծես, դեռ շատ հեռու է, գնում են-գնում, նրան չեն հասնում:

— Օ՛յ, քոյրիկ ջան, քոյրիկ, ծիտն ի՞նչ է, որ իր ասածն ինչ լինի. ծարաւ մեռնում եմ. այ մի նոր փոսիկ, ջրով լիքը. թո՛ղ խմեմ, ասում է Յուլիա:

«Չէ, ջանիկա, չէ. դա կովի ոտնատեղ է. խմես թէ չէ, հորթ կըդառնաս. քիչ էլ համբերիր. ծիտիկը խելօք էր, շատ խելօք. մենք նրա խօսքը չպէտք է կոտրենք», ասում է Վարդուհին:

Յուլին ախ է քաշում և կամաց-կամաց գնում է քրոջ ետեից. բայց ահա տեսնում է մի նոր փոսիկ. էլ ձայն չի հանում, չոքում է կողքին և միջի ջուրը խմում է:

Վարդուհին յետ է նայում և տեսնում է, որ եղբայրը չկայ: Յուլիկ, այ Յուլիկ, ձայն է տալիս նա. բայց եղբօր փոխանակ մօտ է վազում մի գառնուկ: Վարդուհին հասկանում է, որ եղբայրը ջուր է խմել ոչխարի ոտնատեղից. վայ է տալիս գլխին, բայց էլ սրտեղ...

Նրանք առաջ են գնում: Շատ են գնում թէ քիչ, Աստուած գիտէ, — նրանց առաջ բացւում է մի փոքրիկ ծառաստան, այնքան գեղեցիկ, այնքան հրաշալի, որ կ'ասես մի ձեռատունկ պարտէզ լինէր: Ամենից առաջ Վարդուհին ու գառը մօտ են վազում մի փրփրուն աղբիւրակի և նրա կաթնահամ ջրից խմում են. ապա Վարդուհին գրկում է գառնուկին և դառնապէս լաց է լինում: Գառնուկն էլ ազու-ազու մայում է իւր սխալի համար...

Այդ ժամին, երբ քոյրը փայփայում էր եղբօրը, հեռուից լսում է մի անուշ մեղեդի. մինը երգելով մօտենում է անտառին. նրա երգը այնքան քաղցր էր, այնքան

զուրեկան, որ մինչև անգամ ծառաստանի թռչունները մի բոպէ լսեցին, դադարեցրին իրանց դայլայիկները... Երգի ձայնը քանի գնում-մօտենում է... վերջապէս ծառերի միջից երևում է մի ձիաւոր, ոտից-գլուխ զինուած: Երբ-տասարդ իշխանի ետեից գալիս էին միքանի ուրիշ ձիաւորներ: Սորա պարոնի սպասաւորներն էին:

Ձիաւորները երևալուն պէս՝ Վարդուհին վեր ելաւ ծառը և թագնուեց նրա խիտ տերեւների մէջ, իսկ գառնուկը սկսեց դէս ու դէն ընկնիլ:

Իշխանը ցած եկաւ աղբիւրի մօտ: Սպասաւորները նոյնպէս ցած թռան ձիերից. ոմանք վագեցին-առան պարոնի ձիու սանձը, միւսներն ընկան գառան ետեից, որ փախաւ, իշխանի ոտների արանքը մտաւ. կենդանին, կ'ասես, պաշտպանութիւն էր խնդրում այդ մարդուց:

— Հանգստանանք այստեղ, ասում է իշխանը իւր սպասաւորներին, և սկսում է փայփայել գառնուկին, որ իւր կողմից աղաչանքով նայում էր նրան: «Տարօրինակ բան, մտածում է իշխանը. այս խղճուկը նայում է ինձ որպէս մարդ: Կարծես մի բան է ուզում ասել. բայց լեզու չունի»...

Այդ վայրկեանին ծառաներից մինը մօտենում է իշխանին, որ առնի գառը, բայց մի բոպէ կանգնում է, սպասելով տիրոջ հրամանին:

— Հեռու տար, տղաս, հեռու տար այս գառը. գիտեմ՝ դուք ուզում էք խեղճ կենդանու մօից համեղ խորոված պատրաստել. բայց տարէք, ինձանից հեռու մորթեցէք... մեղքանում եմ:

— Ո՛վ բարի մարդ, ձայն է տալիս Վարդուհին ծառի վրայից. ողորմած եղիր, թոյլ մի տար, որ մորթեն գառնուկին. դա սովորական գառը չէ — իմ հարազատ եղբայրս է:

Իշխանը նայում է վերև և ինչ է տեսնում. ծառի խիտ ճիւղերի մէջ նստած էր մի էակ, մի հրաշալի օրիորդ, որ վրդովմունքից ու երկիւղից ամբողջ մարմնով դողում էր: Իշխանը ձայն է տալիս.

«Ո՞վ ես դու, աղջիկ, որ տատրակի պէս Ծառն ես բարձրացել, պահուել քեզ ու քեզ.

Եթէ հրեշտակ ես, ինչո՞ւ ես խօսում դու մարդու նման.

Եթէ հրեշտակ չես, ո՞նց է եղբայրդ այս դուռ անբան:

Բայց ով էլ լինես, ես քեզ տալիս եմ խօսք իշխանական,

Որ այսուհետև դու պիտի կազմես նոր գարդը իմ տան»:

«Ցած եկ ծառիցը»:

— «Իսկոյն ցած կըգամ, եթէ խոստանաս, որ խեղճ գառնուկս պիտ' մնայ անվնաս»:

Իշխանը ձայնեց և գառը բերին, իրան գիրկն առաւ: Վարդուհին ծառից արագ ցած իջաւ: Հացի նստեցան: Վարդուհին պատմեց իւր գլխի անցքը: Իշխանը առաւ և տարաւ նրան իւր ապարանքը: Վարդուհին եղաւ տիկինը այդ տան: Ուրախ ապրում էր գառնուկն էլ անբան:

Մի տարի անցաւ: Վարդուհու մայրը հեռուից իմացաւ, որ իւր աղջիկը տիկին է արդէն. ճանապարհ ընկաւ, որ նրան տեսնի. «գուցէ այդ բանից ինձ օգուտ հասնի»:

Մտքումը դրեց, որ մօր անունով մտնի պալատը խաբէութիւնով: Եւ երբ իշխանի պալատին հասաւ, դուռը պահողին դիմեց ու ասաւ. «Իմացում տրուէք տիկին տիրուհուն, ամենից սիրուած խանում Վարդուհուն, որ հեռու երկրից, հայրական գիւղից, մի կին է եկել, ուզում է տեսնել»:

Եւ երբ ներս գնաց, նրբան համբուրեց և այսպէս ասաց. «Մոռացիր անցածը, աղջիկս, աղաչում եմ, մոռացիր անցածը: Ես քեզ վատութիւն արի. բայց իմ վատու-

թիւնը քեզ համար բազմաւորութեան դուռը բաց արաւ: Ինձ մօտ դու անօթի ու սկլոր պիտի լինէիր. այստեղ դու տէր ես և հրամայող... Մոռացիր անցածը, ազնիւ Վարդուհի. պահիր ինձ քեզ մօտ որպէս աղախին. ոչ-ոքի մի ասիր, թէ ես քո խորթ մայրն եմ. ամուսինդ, եթէ իմանայ, ինձ տանից գուրս կ'անի»:

Բարի էր Վարդուհին, բարի էր և միամիտ. նա հաւատաց մօրը և պատուով պահում էր իւր մօտ սպասաւորի անունով: Բայց սա հէնց անաջին օրից որոշեց իւր անելիքը:

Ամենայն երեկոյ նրանք զնում էին լճի ափը զբօսանքի: Մի օր էլ, երբ զբօսնում էին, մայրը գլորեց նրան ջուրը, ինքը ծածուկ վերագարձաւ Վարդուհու սենեակը, հագաւ նրա զգեստը, քողը զցեց երեսին և մտաւ իշխանի մօտ: Սաբուեցաւ իշխանը. խաբուեցին բոլոր տնայինք: Միայն գառը չէր խաբւում. նա վազվրզում էր լճի եզերքին և գառնագին մայում էր:

Սորթ մայրը տեսաւ, որ դուռը շատ է վազվրզում լճից դէպի տուն, տանից դէպի լիճ, շատ է մայում ու բզզում, սուտ հիւանդացաւ, անկողին մտաւ և ապապրեց իշխանին, թէ մինչև գառնուկ եղբօր մսից չուտեմ, չեմ առողջանալ: Այսպէս է բժիշկներն կարծիքը:

Իշխանը շատ զարմացաւ, բայց էլի իրաւունք տուեց, որ գառը մորթեն:

Գառնուկը փախաւ, կանգնեց լճի ափին և, լեզու առած, կանչում էր.

Վարդուհի ջան, Վարդուհի,
Հողոյս հատոր իմ քոյրիկ,
Մեր ամենքի թագուհի,
Աշխարհիս մէջ մի հատիկ...

Ինչո՞ւ առար դու քեզ մօտ
 Խորթ մամային անամօթ.
 Ինչո՞ւ առար դու քեզ մօտ
 Այդ կնոջը քեզ ծանօթ:

Այսօր հիւանդ ձեացած,
 Նա անկողին է մտել
 Եւ բարեմիտ իշխանից
 Ինձ մորթելու խօսք առել:

Վարդուհին ջրի տակից պատասխանում է.

Անուշիկ եղբայր, վազիր իշխանին,
 Շուտ տեղեակ արա՛ նրան այդ բանին.
 Խնդրիր իմ կողմից, որ քեզ պաշտպանէ,
 Չար կընկայ դէմքից դիմակը հանէ:

Պարոնը շատ հեռու չէր. նա լսեց այս խօսակցու-
 թիւնը և կանչեց իւր սղասաւորներին.

«Հաւաքուեցէք, հաւաքուեցէք, ծառաներ,
 Եւ ձգեցէք իմ մետաքսեայ ուռկաններ»:

Ծառաները վազեցին, ուռկանները ձգեցին և Վար-
 դուհուն հանեցին. նրա կեղտոտ լաթերը հեռացրին, մա-
 քուր ջրով լրւացին և վրան ձերմակ սաւան ձգեցին: Վար-
 դուհին առաջուանից աւելի գեղեցկացաւ: Նա գրկեց գա-
 ռանը և կամենում էր համբուրել... Բայց գառն էլ գառը
 չէր, այլ տղամարդ էր դարձել: Պարոնը տուն տարաւ
 նրանց և այնուհետեւ երեքը միասին աւելի երջանիկ սկըսե-
 ցին ապրել: Իսկ խորթ մօրը, փոխանակ կախ տալու, բարի
 Վարդուհու խնդրանօք իրանց տանից գուրս արին:

85. Յ Ո Պ Ո Պ Ի Կ Ը

Գեղեցիկ նորահարսը մենակ նստած էր սենեակում և
 գլուխ էր կոկում: Նա սանրում էր իւր խիտ մազերը—
 սանրում էր և քթի տակին լուկ-մնջիկ երգում էր.

«Խնչ, գարմանք բան է էս հայի բանը.
 «Էդպէս կարգ չըկար իմ հօրանց տանը.
 «Ազատ մարդ էի աղջիկ ժամանակ,
 «Սօսում, ծիծաղում, երգում համարձակ:
 «Ամեն կենդանի՝
 Թէ թռչուն ասես, թէ չորքոտանի,
 «Իրաւունք ունի,
 «Թէկուզ նա լինի մի բզէզ չընչին,
 «Չայն տալ, ծըլվըլալ իւր ցեղի հանգին:
 «Միայն մենք ենք՝ որ իրաւունքից գուրկ,
 «Որպէս մի գերան, մի աղիւսէ բուրդ,
 «Մեծերի առաջ խօսել չենք կարում».
 Ասում էր հարսը ու արցունք թափում:

Յանկարծ այդ ժամին—
 Ո՛րտեղից բերեց սատանի քամին—
 Դուռը բացւում է ու մինը մտնում.
 «Անամօթ աղջիկ, այդ ի՞նչ ես անում,
 Ո՛ւմ հետ ես խօսում, ինչո՞ւ ես երգում»:
 Պատրոնն էր լսել ձայնը խեղճ հարսի,
 Բարկացած մտել, որ նրան սաստի:
 Հարսը զարհուրեց, յետ ու յետ գնաց,
 Լեզուն փօրն ընկաւ, հազիւ կրմկըմաց.
 «Յն-յն, պոպ-պոպ», կիսաձայն ասաց.
 «Գետինը պատուէր, մէջը մտնէի,
 «Որ մեծիս առաջ ձայն չըհանէի»:

—Յոպոպ դառնաս, վատ նորահարս,
 Ես քեզ տեսնեմ՝ յոպոպ դառնաս,
 Որ չար լեզուիդ կապը ճանչնաս:
 Ասաց, անիծեց: Անէծքը առաւ՝
 Հարսն յոպոպ դառաւ
 Եւ սանրը գլխին երդկից դուրս թռաւ:
 Այն օրից այսօր սիրուն թռչունը,
 Երբ միան է բերում իր մարդկանց տունը,
 Նախշուն թևերը թափէ-թափ տալով,
 Կատարին բուսած սանրը բանալով՝
 «Յո-պոպ» հա՛ «յո-պոպ» կանչում է, կանչում:
 Բայց ոչ-ոք նրան էլ չի ճանաչում:

86. ՈՒՐԻՇԻՆ ՀՈՐ ՓՈՐԵՍ, ԻՆՔԴ ՄԷՋԸ ԿՐԸՆԿՆԵՍ

I.

Մի ծեր մարդ ապրում էր իւր պառաւ կնոջ հետ:
 Պառաւը շատ չար կին էր: Նա ունէր մի աղջիկ՝ անուներ
 Շողակաթ: Շողակաթը չարութեան կողմից իւր մօրիցը
 պակաս չէր:

Ծերը հանդարտ և բարի մարդ էր: Սա էլ ունէր մի
 աղջիկ անուներ Մարիամ: Մարիամը շատ հանդարտ, աշ-
 խատասէր և գեղեցիկ աղջիկ էր:

Սորթ մայրը ամենևին չէր սիրում Մարիամին: Նա
 միշտ ասում էր իւր մարդուն. «Ձեմ ուզում Մարիամի հետ
 կենալ. տան նրան անտառ, այնտեղ մի գետնափոր գտիր,
 թող նա այնտեղ մանի, գործի, ինչ ուզում է՝ սնի»:

Պառաւն այնքան ասաց, որ խեղճ մարդու գլուխը
 տարաւ: Էլ ուրիշ ճար չկար. ծերը լծեց սայլակը, վեր
 առաւ Մարիամին և ճանապարհ ընկաւ: Գնացին անտառ

և այնտեղ գտան մի քարայր: Շատ ցաւում էր ծերը իւր
 աղջկայ վրայ, բայց ինչ կարող էր անել: Նա տուեց Մա-
 րիամին հրահան, կայծաքար, աբեթ և մի տոպրակ բրինձ
 ու ասաց նրան. «Մարիամ, կրակ վառիր, որդի, բրնձից
 քեզ համար կերակուր եփիր, խրճիթդ լաւ սրբիր-աւելիր
 և դու էլ նստիր ու մանիր. մի վախենար, վաղը ես կը-
 դամ քեզ տեսութեան»:

Մարիամը մնաց մենակ, ամբողջ օրը մանեց, իսկ
 երբ-որ մթնեց, վառարանը վառեց և իրան համար կերա-
 կուր եփեց: Հէնց որ կերակուրն սկսեց եփ դալ, մին էլ
 տեսնես, յատակի տակից մի մուկը դուրս վազեց և նրան
 ասաց. «Սիրուն աղջիկ, մի գդալ սպաս տուր, ուտեմ»:
 Մարիամը լաւ կերակրեց մկանը. նա էլ շնորհակալութիւն
 արեց ու գնաց:

Ինքը Մարիամն էլ հաց կերաւ ու սկսեց մանել: Յան-
 կարծ, կէս գիշերին, մէկ արջ ներս է մտնում խրճիթը և
 ասում է նրան. «Ապա, աղջիկ, կրակը հանգցրո՛ւ, արի
 աչքակապուկի խաղանք. վեր առ այս արծաթէ զանգակն
 ու զընգընգացրո՛ւ. իսկ ես կ'աշխատեմ քեզ բռնել»:

Մարիամը շատ վախեցաւ և չէր իմանում, թէ ինչ
 անի: Բայց այդ բոպէին մուկը դուրս վազեց յատակի տա-
 կից, բարձրացաւ Մարիամի ուսերը և նրա ախանջումն
 ասաց. «Մի վախենար, Մարիամ, կրակը հանգցրո՛ւ, դու
 էլ դռան ետևը թագ կաց, իսկ զանգակն ինձ տուր»:
 Մարիամն այդպէս էլ արեց:

Արջն սկսեց խաղը, բայց ամենևին չկարողացաւ մկանը
 բռնել. մուկը վազում էր ու զընգընգացնում, իսկ արջը
 նրա յետևից պտոյտ-պտոյտ էր անում: Նա շատ այս ու
 այն կողմն ընկաւ, բարկացաւ, կատաղեցաւ, գոռաց բարձր
 ձայնով, սկսեց գաւազանով բոլոր անկիւններին ու պա-
 տերին խփել, կոտրատեց եղած աման-չամանը, բայց մկանն

ինչ կարող էր անել: Վերջապէս արջը հանդարտուեց ու ասաց. «Դու շատ լաւ աչքակապուկի ես խաղում, անշիկ, այդ պատճառով ես առաւօտեան կ'ուղարկեմ քեզ համար մի ջուկ ձի և մի սայլ հարստութիւն»: Ասաց ու գնաց:

II

Միւս օրը, առաւօտեան, պառաւն ինքն ուղարկեց ծերին անտառ. «Գնա՛, ասաց, տես, ինչքան թել է մանել քո Մարիամը»:

Ծերը գնաց: Պառաւը նստեց լուսամուտի առաջ և ինքն իրան ասում էր. «Հիմա ծերուկս կըգայ և Մարիամի ոսկորներն էլ հետը կըբերէ»:

Պառաւը նստած սպասում էր. մէկ էլ լսեց, որ անտառի կողմից մի չըխկչըխկոցի ձայն է գալիս: Նա մտածեց. «Ահա՛ գալիս է ծերուկս և Մարիամի ոսկորները բերում է հետը»: Այս խօսքերն ասած-չասած՝ բակի դռները բացում են, ձիերը ներս են վազում. իսկ Մարիամը, իւր հօր հետ սայլի վրայ նստած, անթիւ բարիք էր բերում: Պառաւը բարկանում, կատաղում է... «Ա՛յ քեզ հրաշք, գոռում է նա. վաղն էլ իմ աղջկանս տանես անպատճառ. իմ Շողակաթը քո Մարիամի հատը չէ. նա երկու ջուկ ձի և երկու սայլ ոսկի կըբերէ»:

III

Միւս օրը ծերը պառաւի աղջկան տարաւ անտառի այրը և տուեց նրան բոլոր բաները, ինչ-որ իւր աղջկան էր տուել: Շողակաթը կրակ վառեց և ճաշ եփեց: Մուկը յատակի տակից դուրս նայեց և ասաց. «Միրոնն աղջիկ, խնդրեմ մի գզալ կերակուր տաս»: Շողակաթը գոռաց նրա վրայ. «Կորիւր, կեղտոտ անպիտան. դեռ կերակուր էլ

ես ուզում», ասաց ու ճիւղտով խփեց խեղճ մկան մէջքին: Մուկը փախաւ, մտաւ իր բունը. իսկ Շողակաթը նստեց, միայնակ բոլոր կերակուրը կերաւ ու պառկեց քնելու:

Կէս գիշերին արջը ներս մտաւ այրը և ասաց աղջկան. «Ա՛յ աղջիկ, արի՛ աչքակապուկի խաղանք. ան այս փոքրիկ զանգակը, վազիւր և զընգզընգացրո՛ւ. իսկ ես կ'աչխատեմ քեզ բռնել»: Աղջիկը վեր առաւ զանգակը և սկսեց վազել. բայց ո՛ւր պիտի փախչէր արջի ձեռքից: Նրա ծընկները ծաւում էին, ձեռները դողդողում և զանգակն ինքն իրան զընգզընգում էր: Իսկ մուկը յատակի տակից ասում էր. «Չար Շողակաթը թո՛ղ ոչնչանայ, արժանի է»:

IV

Միւս առաւօտ պառաւը մարդուն ուղարկեց իւր աղջկայ ետևից. «Գնա՛, ասաց, ձիերը և ոսկին բեր»:

Ծերը գնաց. իսկ պառաւը նստեց դռանը և սպասում էր: Փոքր ժամանակից յետոյ նա լսեց, որ անտառի ճանապարհից թըխկթըխկոցի ձայն է գալիս: Պառաւը մտածեց. «Ահա՛ գալիս է իմ Շողակաթը և իրան հետ անթիւ բարիք է բերում»:

Վերջապէս ծերունին մօտեցաւ դռանը: Պառաւի աղջիկն այնպէս ջարդուած ու կոտորատուած էր, որ հազիւ կարողացան սայլակից ցած բերել: Կատաղեց չար պառաւը, բայց ինչ կարող էր անել:

Մի քանի ժամանակից յետոյ Մարիամը մի լաւ տղայի հետ ամուսնացաւ:

87. Հ Ր Ե Ղ Է Ն Ձ Ի

Ա.

Մի ծեր մարդ երեք որդի ունէր՝ երկուսը խելօք էին, իսկ երրորդը յիմար և կեղտոտ: Գիշեր ու ցերեկ յիմարը, տանը վայր ընկած, ոչինչ գործի չէր գնում:

Ծեր մարդը մի օրավար ցորեն էր ցանել: Յորենը դուրս էր եկել, մեծացել և գեղեցիկ հասկեր բռնել. միայն գիշերները մէկը գալիս էր ու տրորում արտը: Այս բանին մի ճար անելու համար՝ ծերը իւր որդոցն ասաց. «Միտե՛ր որդիք, գիշերները հերթով գնացէ՛ք, արտը պահպանեցէ՛ք և աշխատեցէ՛ք գողին բռնել»:

Առաջին գիշերը մեծ որդին գնաց պահպանութիւն անելու, բայց կէս գիշերին քունը տարաւ ու քնեց: Առաւօտեան յետ դարձաւ տուն և ասաց. «Ամբողջ գիշեր չքնեցի, սառայ, փայտ դարձայ, բայց գող չտեսայ»: Միւս գիշերը երկրորդ որդին գնաց, ողջ գիշերը քնեց և առաւօտեան միևնոյն լուրը բերեց:

Երրորդ գիշերը հերթը յիմարին հասաւ: Նա մէկ պարան վեր առաւ և գնաց, արտի մօտ նստեց, գողին սպասեց: Կէս գիշերին մօտեցած՝ նրա քունն էլ տարաւ: Յիմարը վեր առաւ դանակը, մատը մի փոքր կտրեց, մէջը աղածեց, մրմընջացրեց և այդպիսով քունը փախցրեց: Գիշերուայ կէսին, մէկ էլ տեսնես, աշխարհ շարժուեցաւ, քամի վեր կացաւ և երկնքիցը հրեղէն թևով մի ձի ցած իջաւ, արտի մէջ մտաւ. քթածակերից ամպ էր բարձրանում, աչքերում, կարծես, կայծակ էր փայլում: Եւ ձին սկսեց ուտել ցորենը, — ոչ այնքան ուտել, ինչքան կոխոտել:

Փորսող տալով մեր յիմարը կամաց-կամաց մօտեցաւ ձիուն և յանկարծ թոկը նրա պարանոցը գցեց, բռնեց:

Ձին ամենայն զօրութեամբ ձգձգեց, յետի ոտների վրայ ծառս եղաւ, բայց մեր յիմարի ձեռքից չազատուեցաւ. ապա կանգնեց ու սկսեց աղաչել. «Յովհաննէս, բարեկամ, ինձ արձակիր. ես դրա փոխարէն մեծ ծառայութիւն կ'անեմ քեզ»:

«Շատ լաւ, բայց ես քեզ յետոյ ի՞նչպէս գտնեմ», ասաց Յովհաննէսը:

— «Երբ-որ կամենաս ինձ կանչել, դուրս կը գաս դաշտը, երեք անգամ կը շվկացնես և կը կանչես. «Հրեղէն ձի, հրեղէն ձի, շուտով ի՞նձ հասիր». ես այն բոլորին քո ատաջը կը լինիմ»: Յովհաննէսն արձակեց ձին և պատուիրեց, որ միւս անգամ արտը չտրորէ:

Յիմարը յետ դարձաւ տուն: Ի՞նչ տեսար, ի՞նչ շինեցիր», հարցրին նրան եղբայրները: Յովհաննէսը պատասխանեց. «Ես մի հրեղէն ձի բռնեցի. նա ինձ խոստացաւ, որ էլ մեր արտը չի մտնիլ. ես էլ նրան արձակեցի»: Մնացած բաները նա չպատմեց: Շատ ծիծաղեցին եղբայրները խեղճի վրայ. միայն, ճշմարիտ որ, այն օրից յետոյ ոչ ոք արտին վնաս չէր տալիս:

Բ.

Այս անցքից մի քանի օր յետոյ թագաւորից ամեն գիւղեր ու քաղաքներ մոռնետիկներ ուղարկուեցին, որոնք բարձր ձայնով կանչում էին և ասում. «Ո՛վ պարոններ, քաղաքացիներ, ազնուականներ և գիւղացիներ, մեծ թագաւորը տօն է կատարում և ձեզ ամենքիդ հրաւիրում է: Երեք օր ուրախութիւն պէտք է լինի: Լաւ ձիաներդ վեր առէք. թագաւորի միակ և արեգակի պէս գեղեցիկ աղջիկը բարձր բուրգի պատշգամբում նստած կը լինի. ո՛վ որ իւր ձիով կարողանայ թռչել, թագաւորի աղջկան հասնել

ու նրա մատից մատանին հանել, թագաւորը նրան իւր աղջիկը կնութեան կրտայ»:

Յովհաննէսի եղբայրներն էլ գնացին այս հանդէսը, բայց ոչ թէ իրանք թուչելու, այլ ուրիշներին նայելու: Յովհաննէսը խնդրեց, որ իրան էլ հետները տանեն: «Դու ինչի՞ համար ես գալիս, յիմար, ասացին եղբայրները, մարդկանց վախեցնելու, ի՞նչ է. տանը վէր ընկիր»:



Եղբայրները ձի նստեցան, գնացին: Յովհաննէսն էլ նրանց յետևից ծածուկ գուրս գնաց դաշտը և իւր հրեղէն ձիուն կանչեց: Որտեղից որ էր՝ ձին խկոյն վագեց, Յովհաննէսի առաջին կանգնեց: Յովհաննէսը ձիու գլխովը

ցատկեց, որից յետոյ կերպարանքն էլ փոխուեցաւ և մի այնպիսի քաջ տղամարդ դարձաւ, որ տեսնողն ամենևին չէր ճանաչիլ, թէ առաջուայ կեղտոտ Յովհաննէսն է: Յետոյ նա հեծաւ ձին և քշեց դէպի հանդէս: Գնաց-տեսաւ, որ թագաւորի տան առաջ, ընդարձակ հրապարակի վրայ, անհամար ժողովուրդ էր հաւաքուած. իսկ բարձր աշտարակի պատշգամբին թագաւորի աղջիկն էր նստած. ինքը գեղեցիկ էր լուսնի նման, մատանին փայլում էր արեգակի նման: Բայց ոչ ոք չէր համարձակուում դէպի վեր ցատկել: Ո՞վ էր իւր գլխից ձեռք վեր առել: Մեր Յովհաննէսը խփեց ձիու կողերին: Կենդանին մոնչաց, սաստիկ ուժով վեր ցատկեց և հասաւ պատշգամբին: Յովհաննէսը թագաւորի աղջկայ մատից թանկագին մատանին հանեց, ձիու գլուխը յետ դարձրեց և փախաւ: Թագաւորը, թագուհին և բոլոր ժողովուրդն սկսեցին գոռալ. «Բռնեցէք, հա՛, բռնեցէք»... Բայց սրտեղ...

Յովհաննէսը տուն եկաւ՝ ձեռքի մէկը փալասով փաթաթած: «Այդ ի՞նչ է եղել ձեռքդ», հարցրին հարսները:

«Մորի քաղելիս քարից վայր ընկայ, ձեռքս պլոկուեցաւ, ոչինչ բան չկայ», ասաց Յովհաննէսը:

Երեք օրից յետոյ թագաւորից մունետիկներ են գալիս և ասում են, որ բոլոր տղամարդիկ, որոնք բնակւում են նրա թագաւորութեան մէջ, պարտաւոր են գնալ նրա մօտ՝ խնճոյք անելու, և ո՞վ որ թագաւորի այս հրամանը չի կատարիլ, նրա գլուխը կըկտրեն:

Ուրիշ հնար չկար. ծերունին իւր բոլոր ընտանիքով գնաց հրաւէրքի: Եկան, հաւաքուեցան, սփռոցի շուրջ շարուեցան, կերան, խմեցին, շատ ուրախացան: Խնճոյքի վերջում թագաւորի աղջիկը իւր ձեռքով սկսեց ամենքին մեղրաջուր բաժանել: Ամենից յետոյ Յովհաննէսին մօտեցաւ: Յովհաննէսն էլ այն օրումն էր, որ թշնամիդ չլինի.

շորերը պատառոտած, մրտաած, մազերը կեղտոտ, խճճուած, ձեռքի մէկն էլ կեղտաշորով փաթաթած. իստակ զգուելի: «Տղայ, ձեռք ինչի՞ է կապած, հարցրեց թագաւորի աղջիկը. բաց արա, տեսնեմ»:

Յովհաննէսը ձեռի փաթաթանը յետ արեց և մատի վրայ փայլեց թագուհու մատանին: Աղջիկը բռնեց նրա թևից, տարաւ իւր հօր մօտ և ասաց. «Հայրիկ, անհ իմ փեսացուն»:

Սկսեցին Յովհաննէսին բաղանիք տանել, գլուխը սանրել, մածերը օծել, շորերը փոխել... և նա մի այնպիսի գեղեցիկ տղամարդ դարձաւ, որ հայրն ու եղբայրներն էլ չէին կարողանում ճանաչել նրան: Թագաւորը եօթն օր, եօթը զիշեր հարսանիք արեց, մեծ խնձոյք տուեց և Յովհաննէսին փառքով պսակեց:

88. ՈՐՍՈՐԴ ՅԱԿԱՆԸ

Լինում է-չի լինում մի աղքատ որսորդ: Այս որսորդն ունենում է մի որդի, անունը Յական: Մեռնելիս՝ նա կանչում է Յականին և ասում է. «Միրելի որդի, ես մեռնում եմ. աւանդ եմ թողնում քեզ երկու բան՝ իմ նետ-ու-աղեղը և իմ պատուէրը: Պատուէրս էլ սա է. ամեն տեղ, որդի, կարող ես որսի գնալ, բայց Վշտաճորից այն կողմը չանցնես: Ասում է ու մեռնում:

Յականն առնում է իւր հօր զէնքերը և շարունակում է նրա գործը: Նա ամեն օր հանդն է գնում, որս է անում և նրանով մայր ու որդի ապրում են:

Մի օր էլ Յականը գնում է որսի, մինչև կէսօր ման է գալիս, բան չի գտնում: Կէսօրին մօտ՝ մի կաքաւ դուրս է գալիս նրա առաջ: Նա արձակում է նետը: Կաքաւը թրպրտում է ու վայր ընկնում թփերի մէջ: Յականը մօտ

է վազում, որ բռնի: Վիրաւորուած թռչունը հաւաքում է իւր ուժերը և վեր բարձրանում թփերի միջից. նա թռչում է մի տարածութիւն և կրկին վեր է ընկնում մացառուտի մէջ: Յականը վաղ է տալիս այն կողմը: Բայց թռչունը այդտեղ էլ ճանկ չի ընկնում. նա թռչում է կրկին ու կրկին և իւր ետևից քաշում-տանում է ոգևորուած որսորդին: Վերջապէս Յականը նկատում է, որ ինքը դուրս է եկել իրանց սահմանից և անցել է Վշտաճորի այն կողմը: Մի անսովոր սարսուռ անցնում է նրա մարմնով: Ի՞նչ անի, ո՞ւր գնայ. մոլորուել է արդէն: Շատ ծարաւ էր. լեզուն պապակում էր: Հեռուում նկատում է մի ծառաստան. դէպի այն կողմն է գնում: Մօտենում է ծառաստանին. ի՞նչ է տեսնում. մի հրաշալի այգի, այնքան գեղեցիկ, այնքան շքեղ, որ ոչ պատմել կարելի է, ոչ նկարագրել. պէտք է աչքովդ տեսնես, որ հասկանաս: Ման է գալիս Յականը, այս կողմն է գնում, այն կողմն է ընկնում. մարդ չկայ... Այդ ժամին նա լսում է մի ձայն, որ ծառի վրայից ասում էր. «Որսորդ աղբէր, դու ուզում էիր ինձ սպանել, բայց ինքդ ընկար փորձանքի մէջ. եթէ խելք ունիս, կ'ազատուիս այդ փորձանքից. եթէ յիմար ես, վերջդ է»:

Վիրաւորուած կաքաւն էր խօսողը, որ ասաց ու թռաւ: Յականը մտում է ապշած. «Եթէ խելք ունիս, կ'ազատուիս այս փորձանքից»... կրկնում է նա. բայց ի՞նչ խելք բանացնէր, ո՞ւր գնար ծարաւ, անօթի... Այս ու այն կողմը նայեց, որ ջուր գտնի... Պարտիզի խորքում տեսաւ մի շէնք: Տուն չէր սա և ոչ բնակարան անասունների. մի տարօրինակ բուրգ էր, որի միջից մի գառիվայր սանդուխտ իջնում էր դէպի տափի տակը: Յականը կանգնում է սանդուխտի գլխին, ականջ է դնում... Անդունդում խոխոջում էր մի առուակ, թէ գետակ: Յականը ցած է գնում սանդուխտով: Զրի քչքրչոցը սաստկանում է ու

սաստկանում: Յականը մոռանում է ամեն բան. ջրի ձայնը ծարաւ մարդուն, հացի հոտը—քաղցածին խելագարութեան կարող են հասցնել: Յականն էլ մօտ էր խելագարուելուն: Բայց այդ ըոպէին նա մտաբերում է կաքաւի երգը. «Եթէ խելք ունիս, կ'ազատուիս»: Նա հաւաքում է իրան և զգուշութիւնով ցած է իջնում: Գնում-տեսնում է, որ մի ստորերկրեայ գետակ բղխում է հորի մի կողմից և, մի երկու պտոյտ անելով նրա լայնութեամբ, կորչում է միւս կողմով: Յականը չփորձում է ջրի եզերքին և հէնց էն է՝ ուզում է խմել, մինը ձայն է տալիս. «Կաց, պատանի, կաց. դու ոտք ես դրել իմ սահմանը, վիրաւորել ես իմ հպատակին, տրորել ես իմ այգին, այդ դեռ բաւական չէ՝— ուզում ես ջնջուս էլ պղտորել: Ես ուղարկեցի կաքաւին, որ քեզ այստեղ բերի, տեսնեմ՝ դու ի՞նչ մարդ ես, որ բան ու գործ թողած, այսքան տարի անպատիժ կոտորում ես Աստուծոյ արարածներին, որոնք քեզ ոչինչ փլաս չեն տուել»:

Յականը նայում և ի՞նչ է տեսնում... Ստորերկրեայ գետակի եզերքին, քարէ գահոյքի վրայ, բազմած է մի ալեգարդ ծերունի, փառաւոր մօրուքով. նրա աջ կողմը նստած է մի գեղեցիկ կոյս, այնքան գեղեցիկ, այնքան նազելի, որ ոչ ուտես, ոչ խմես, միայն նրան մտիկ անես. նրա ձախ կողմումն էլ պղըզած է մի ահագին գորտ, այնքան տղեղ, այնքան այլանդակ, որ տեսնողը հազիւ կարող է զսպել իւր զգուանքը:

«Կաց, ծերունի, ասում է Յականը. դու վեհ ես և փառաւոր. բայց ես ծարաւ եմ, խօսելու ոյժ չունիմ. կաց, թող մի քիչ խմեմ այս ջրից»: Ասում է ու կռանում ջրին, մի կուշտ խմում, վրայ նստում:

Ծերունին ասում է. «Որսորդ պատանի, տեսնում եմ, որ վախկոտ չես. առանց դատի ու դատաստանի չեմ ուզում գլորել քեզ այս գետակը, որ առնի տանի զէպի

մութ աշխարհի խորքերը. մի բան կըհարցնեմ, եթէ խելացի պատասխան տուիր, կ'ապրես, իսկ եթէ տուած պատասխանդ ինձ դուր չեկաւ, այն ժամանակ վայն եկել է քեզ տարել:

—Ասան, ծերունի, ասան. այժմ ես պատրաստ եմ:

«Լաւ. դու տեսնում ես կողքիս նստած այս երկու արարածները՝ կոյսը և գորտը. սրանցից ո՞րն է սիրուն»:

—Ամեն մէկը իրան տեղը սիրուն է:

«Այսի՞նքն...»:

—Եթէ իսկոյն մի գորտ տղայ
Ջրի ալնից այս դուրս լողայ,
Նրան ասենք՝ ընտրիր մէկին.
Անշուշտ կընտրէ նա գորտուկին:
Իսկ թէ եկողը մի մարդ լինի,
Խելքը գլխին մի պատանի.
Էլ ի՞նչ կասկած, ձեռք կըմեկնի,
Որ այդ կոյսին առնի տանի:

«Խելօք պատասխանեցիր, ասաց ծերունին. այժմ դու ազատ ես: Բայց որովհետև իմ հողը մանողը իրան ոտով չի կարող իմ սահմաններից դուրս գալ, ուստի ես ստիպուած պիտի օգնեմ քեզ»: Ծերունին զգուշութեամբ պոկեց իւր ալեխառն մօրուքից երեք մազ՝ սպիտակ, դեղին և սև: «Ա՛ռ այս մազերը, աւելացրեց նա, և երբ դուրս կըգաս լոյս-աշխարհ, սրանցից մինը կըքսես շրթունքիդ. առաջդ եկած կենդանուն կըհրամայես իմ անունով, որ քեզ տանի, ձեր տուն հասցնի: Եւ որքան ժամանակ այս թախամանը ձեռիդ ունենաս ու խելացի կերպով օգուտ քաղես նրանից, սա կըպահէ իր ոյժը. բայց հէնց որ սկսես գործ դնել սրան վատութեան համար, իրան գորութիւնը կըկորցնէ յաւիտեան»:

Ծերունին լռեց: Յականը նայեց-տեսաւ, որ ինքը մե-

նակ է ստորերկրեայ գետի եզերքին, ոչ ծերունին կար, ոչ կոյսը և ոչ գորտը:

Այն քաղաքը, որտեղ ապրում էր որսորդ Յականը, պատկանում էր մի թագաւորի, որ երեք աղջիկ ունէր. տղայ չունէր: Որսորդը շատ էր ուզում թագաւորի հետ բարեկամութիւն անել, նրա աղջիկներից մինն ուզել, փեսայ դառնալ: Բայց միշտ ինքն իրան մտածում էր. «է՛, քոսոտ որսկան, ոտդ վերմակիդ համեմատ մեկնիր, դու սրտեղ, թագաւորի աղջիկը սրտեղ...»: Այս անգամ, դուրս գալով մութ աշխարհից, նա բերանն առաւ սպիտակ մագըր և իսկոյն նրա առաջ կանգնեց մի երիվար՝ ձիւնի պէս սպիտակ և լոյսի պէս փայլուն: Յականը հեծաւ ձին և նա մի ըոպէում հասցրեց նրան իրանց քաղաքի պարիսպներին: Պալատի մօտից անցնելիս, Յականը նկատեց, որ թագաւորի աղջիկները նստոտած են պատշգամբի վրայ և զուարճանում են պարտիզի գեղեցկութեամբ: Նա ցատկեց բարձր պատնէշի վրայից, մտաւ այգին և օրիորդների առաջ ձի խաղացրեց: Եւ երբ պարտիզպաններն այս ու այն կողմից աղաղակ բարձրացրին, շուռ տուեց ձիու բերանը և դուրս փախաւ քաղաքից: Այնտեղ, հեռուում, նա արձակեց ձին և կամաց-կամաց գնաց իրանց տուն, իբր թէ ոչինչ չի արել:

Անցաւ մի օր, երկու օր, երեք օր, մի շաբաթ, երկու շաբաթ... Յականը որսատեղից վերադառնալիս՝ էլի տեսաւ թագաւորի աղջիկներին իրանց առաջուայ տեղը նստոտած: Նա բերանն առաւ շէկ մագըր: Նրա առաջ կանգնեց մի հրաշէկ երիվար, սարք ու կարգը մէջքին, Յականը հեծաւ ձին, թռաւ-մտաւ թագաւորի այգին, կատարեց իւր ձիարշաւը և նոյն կարգով փախաւ-գնաց:

Ամբողջ քաղաքն սկսեց խօսել այս անցքի մասին:

Թագաւորը սաստիկ բարկացաւ և հրաման արաւ, որ ինչպէս էլ լինի, բռնեն կամ սպանեն այդ համարձակ ձիաւորին. բայց ո՛վ կարող էր քամու ետեից հասնել: Շատ իշխաններ, զօրականներ, սպասաւորներ պատրաստուեցան, որ եթէ մի անգամ էլ յայտնուի խորհրդաւոր ձիաւորը, կամ բռնեն նրան, կամ խփեն, սպանեն:

Յականին էլ յայտնի եղաւ այդ բանը. բայց նա գիտէր, թէ ինչ էր անում: Ժամանակին նա դուրս եկաւ դաշտը, բերանն առաւ սև մագըր և սպասեց: Նոյն ըոպէին սաստիկ քամի բարձրացաւ, փոշին ամպի նման բռնեց շրջակայքը և խրխրնջալով եկաւ-կանգնեց Յականի առաջ մի երիվար՝ սև, որպէս սաթը և փրփրուն, ինչպէս ծովի ալիքները: Երիվարը փոնչում էր և սմբակներով դոփում գետինը. տափը նրա ոտի տակ տատանում էր և դողդոջում: Յականը հեծաւ ձին և մրրկի պէս մտաւ թագաւորի այգին: Պահապանները փախան, պահուեցան. արքայուհի օրիորդներից երկուսը պատշգամբից թագնուեցան պալատի ներքին սրահներում: Փոքր աղջիկը մնաց իւր տեղը և ողջունեց երիտասարդ ձիաւորին սպիտակ թաշկինակով: Յականը մի ակնթարթում խլեց թաշկինակը օրիորդի ձեռքից և անյայտացաւ:

Այս դէպքից մի շաբաթ անցած՝ թագաւորի աղջիկները երեք խնձոր ուղարկեցին իրանց հօրը: Թագաւորը հասկացաւ, որ օրիորդները ցանկանում են ամուսնանալ: Նա հրաման արձակեց, որ իւր տէրութեան մէջ եղած իշխանորդիք և ազնուական երիտասարդներ գան-հաւաքուեն պալատի առաջ ձգուած հրապարակը ձիարշաւի: Հրապարակի մի ծայրում կառուցած էր մի շքեղ բուրգ, որի դասիկոնի վրայ նստոտած էին օրիորդները: Ձիարշաւի ժամանակ

ազապները պիտի անցնէին դատիկոնի առաջով և աղջիկները խնձոր պիտի ձգէին այն երիտասարդին, որին հաւանում էին: Հանդիսի ընթացքում մեծ աղջիկը և միջնեկը ցոյց տուին, թէ որոնք են իրանց ընտրեալները. իսկ փոքրը ախուր նստած էր: Նա սպասում էր խորհրդաւոր ձիաւորին, բայց սա չկար ու չկար. խնձորը մնաց ձեռքի մէջ. ակնապիշ աչքերը արտասուքով լցուեցին:

«Իսկ դու, փոքրիկս, հարցրեց թագաւորը. ինչո՞ւ չես ընտրում քեզ փեսացու. ո՞ւմ համար ես պահում խնձորը»:

Աղջիկը պատասխանեց. «Հայր, հաստատ լինի քո թագաւորութիւնը. դու քո հպատակներին սիրում ես միատեսակ. քեզ համար խտրութիւն չկայ ազնուականի և ռամկի մէջ: Նրանք էլ հաւասարապէս սիրում և պաշտում են քեզ: Քո իշխանների մէջ, հայր թագաւոր, ես չգտայ իմ սրտի սիրածին... Պսակիր, հայր, քոյրերիս. իսկ յետոյ հրաման արան, որ հաւաքուեն հասարակ հպատակներիդ կտրիճները. ես նրանց միջից կընտրեմ ինձ համար ամուսին»:

Հայրը տեսաւ, որ աղջիկը խելօք է մտածում, համաձայնուեց:

Մեծ աղջիկները պսակելուց յետոյ՝ թագաւորը հրամայեց, որ իւր տէրութեան մէջ ինչ-որ ազապ տղայք կան հասարակ դասակարգից, ժողովուեն թագաւորական հրապարակը, որովհետև արքայադուստրը ցանկանում է նրանց միջից ընտրել իրան փեսացու:

Նշանակած օրը եկան-հաւաքուեցան փեսացու երիտասարդները: Աղջիկը նստեց ամբիոնի վրայ: Երիտասարդները մէկ-մէկ անցան նրա առաջով: Ամենքից վերջը եկաւ Յականը՝ իր որսորդական աղեղն ուսին, սպիտակ թաշկիւնակը վրան փաթաթած: Աղջիկը ճանաչեց նրան և ձգեց խնձորը: Որսորդը նետի ծայրով բռնեց խնձորը: Բոլորը

ծափ դարկեցին: Թագաւորը մօտ կանչեց նրան և ներկայացրեց իւր աղջկան: Յետոյ միւսների պէս եօթն օր, եօթը գիշեր հարսանիք արեց և առանձին բնակարան տուեց ապրելու:

Բայց միւս փեսաները սաստիկ վշտացան, որ իրանց քենակալը մի հասարակ որսորդ է, աղքատ ու ծագումով ստոր: Յականը նկատում էր այդ արհամարհանքը և ինքն իրան ասում էր. «Սպասեցէք, ժամանակը կըգայ, ես ձեր ճաշը կ'եփեմ»:

Անցկացաւ մի ամիս, երկու ամիս, երեք ամիս... թագաւորը հիւանդացաւ: Քաղաքի բոլոր բժիշկները, բոլոր գիտնականները եկան, հաւաքուեցան, խելք-խելքի տուին, բայց թագաւորին չկարողացան բժշկել: Նրա դրութիւնը օր-օրի վրայ աւելի ու աւելի ծանրանում էր: Վերջը մի վհուկ եկաւ և ասաց. «Թագաւորն ապրած կենայ, դու մինչև որ առիւծի կաթ չխմես, չես առողջանալ»: Թագաւորը կանչեց իւր փեսաներին. «Որդիք, ասաց, գնացէք, ոնց որ լինի, ինձ համար մի-երկու բաժակ առիւծի կաթ ճարեցէք, բերէք»:

Ուղածը հեշտ բան չէր: Մեծ փեսաները վեր առան շատ մարդիկ և մեծ պատրաստութիւնով գնացին դէպի այն վայրերը, որտեղ կարծում էին, թէ կարող են առիւծ գտնել: Յականին չտարան: «Դու էլ կաղ էշով քարվան ես խառնուում, ասացին. լաւ է, կնկանդ կողքին նստիր և նրա հետ միասին գնւլպայ գործիր. ինչ քու բանն է առիւծի դէմ գնալը»:

Յականը կուլ տուեց այս նախատինքը: Երբ-որ նրանք հեռացան, նետ ու աղեղը ուսը գցեց և կամաց-կամաց գնաց նրանց ետևից: Գնաց, տեսաւ, որ մի ձորի բերանի,

խմբակ կաղմած, նստած են: Իսկ հեռուում առիւծների մոնչոցը սար ու ձոր դրմբդրմբացնում էր:

Յականը մօտեցաւ այն խմբակին, որ իշխաններից անջատ նստած էր մի կողմում:

— Բնրի աջողում, ասաց Յականը. ինչո՞ւ էք տխուր նստոտել:

«Աստծու բարին, պատասխանեցին նրանք. բա՛ ի՞նչ անենք, անպէ՛ք. կարելի՞ բան է՝ բռնել առիւծին, կթել ու բաց թողել. այ, տես, մեր իշխաններն էլ մնացել են մոլորուած:

— Շատ լաւ, եթէ ես ձեզ ազատեմ այդ դժուարութիւնից, ի՞նչ կըտաք:

«Էդ ո՞նց», հարցրին նրանք:

— Էնպէս էլի, գնամ, առիւծի կաթը բերեմ. դուք էլ տաք ձեր իշխաններին, նրանք էլ տանեն, թագաւորին տան:

«Դա լինելու բան չի», ասացին խօսողներից մի քանիսը:

— Ես անեմ, ձեր ինչի՞ն ա, պատասխանեց Յականը:

«Շատ լաւ, անպէք, շատ լաւ. ի՞նչ ուզում ես կըտանք, միայն թէ մեզ էս խաթայ-բալից ազատես»:

— Ի՛նչ մնա՞ք բարով, գնամ-գամ, յետոյ կըխօսենք, ասաց Յականը: Նա ճանապարհ ընկաւ դէպի այն պնդոցը, որտեղից լսուում էր առիւծների մոնչիւնը, գնաց-գնաց, շատն ու քիչն Աստուած գիտէ, հասաւ մի բարձր ժայռի գլուխ և այնտեղից նայեց շրջակայքին: Տեսաւ մի մէրուն-առիւծ, լակոտները կշտին, պալըզած է: Վերևից կանչեց. «Թագուհի՛ առիւծ, բարի լինի ազատութիւնդ, զօրանան ձագերդ, ապրի տէրդ՝ թագաւոր առիւծը. ո՞ւր է, ինչի՞ չի երևում:

— Հայրը գնացել է որս անելու, որովհետև ես անկարող եմ, լակոտներս մանր են. ո՞վ ես, ի՞նչ փորացաւ ունես:

«Մեր թագաւորը հիւանդ է, թագուհի՛ առիւծ. եկել

եմ քեզ կթեմ, մի քանի բաժակ կաթ տանեմ. խմի, լաւանայ»:

— Այդ անկարելի է, ասաց մայր-առիւծը. կաթը ձագերիս համար է. մի բաժակ չէ, մի կաթիլ էլ չեմ տալ:

«Ես կըխլեմ բոլոր ձագերդ, եթէ նրանց պատճառով կաթը չտաս, ասաց Յականը. դատարկ ձեռքով հօ ետ չեմ դառնալու»:

— Արի ու. տար, եթէ քաջ ես, մոնչաց առիւծը:

Յականը տեսաւ, որ խօսելով բան չի դառնալ, հանեց սև մազը և մօտեցրեց շրթունքներին: Նոյն ըոպէին սաստիկ փոթորիկ բարձրացաւ, անտառը տարուբերուեցաւ. սար ու ձոր դրդացին. երևեցաւ սև երիվարը, սանձը բերանին: Յականը ական թօթափել վրայ տուեց առիւծի ձագերին, մին էլ ու մին էլ. երեք ձագն էլ առաւ, խուրջինի աչքը կոխեց:

Մայր-առիւծը մնաց քարացած:

Յականը ժայռի գլխից ձայն տուեց. «Եթէ կաթը չտաս, ձագուկներդ մէկիկ-մէկիկ կըմորթոտեմ աչքիդ առաջ»:

Առիւծը խնդրեց. «Ա՛յ, մարդ, աղաչում եմ, ձեռք մի տալ ձագերիս, արի, կթիր, դատարկիր կուրծս, տար ձեր թագաւորին. միայն թէ փխս մի տալ կորիւններիս: Շնտ, շնտ, քանի հայրը չի եկել»:

Սև ձին թողեց ժայռի գլխին Յականը, ինքը ցած եկաւ. «Ի՛մ խելօք սևուկ, դու այդտեղ կըմնաս, կընայես. եթէ առիւծը միտքը փոխի և ինձ ուզենայ փխս տալ, ատամներովդ կըձևոտես ձագերին, իսկ պողպատէ սմբակներովդ կըջախջախես առիւծի գլուխը: Ասաց ու մօտեցաւ առիւծին: Առիւծը պալըզեց ետին ոտների վրայ: Յականը կթեց, պտուկը լցրեց: Յետոյ նա բարձրացաւ ժայռի գլուխը և բաց թողեց ձագերից երկուսին: «Թագուհի՛ առիւծ, ասաց նա. ձագերիցդ երկուսին բաց եմ թողում. մէկին տանում եմ. մի քանի օրից յետոյ Սևուկս կըբերի քեզ

և այդ ձագը»: Ասաց ու հեռացաւ, գնաց քենակալների մօտ:

Ամենքը զարմացան, երբ նա, առիւծի կորիւնը ձեռին, մօտեցաւ նրանց: «Տղայք, ասաց նա ժողովրդին, առանց իշխաններին նայելու. առիւծի կաթը բերել եմ. այ, այս կորիւնն էլ ձեզ վկայութիւն: Ի՞նչ կրտաք, որ ձեզ տամ»:

— Ի՞նչ որ ուզես, ի՞նչ որ ուզես, ձայն տուին այս ու այն կողմից:

«Առիւծի կաթը ձեզ կրտամ, եթէ համաձայնուէք, որ ձեզանից երկուսի թիկունքին դրոշմեմ իմ կնիքը»:

— Համաձայն ենք, համաձայն ենք, ձայն տուեց ամբողջը:

Յականը հանեց խուրջինից ձիու նալը. գցեց կրակի մէջ և ասաց. «Դէհ, բռնեցէք իմ մեծ քենակալին և կոնակը բաց արէք. եթէ նա շնորհք չունէր, սուր էր ձեզ այս տեղ բերում»:

Մի վայրկենում քենակալի մէջքը բաց արին: Յականը վեր առաւ կարմրացրած երկաթը, սեղմեց քենակալի մէջքին և ասաց. «Դէ, գնահ այսուհետև ծիծաղիր որսորդ Յականի վրայ և սովորիր թէ նա ինչպէս է գուլպայ գործում»:

Յետոյ Յականը մատնացոյց արեց միւս քենակալին և ասաց. «Բերէք այն միւս իշխանին, որ մենակ պիտի կատարէր թագաւորի հրամանը»:

Այդ քենակալին էլ բերին: Յականը դրոշմեց նրա մէջքին իւր տարօրինակ կնիքը և ասաց. «Էնդուր եմ քեզ այսպիսի պատուանշան տալիս, որ էլ վրաս չծիծաղես»:

Այս գործողութիւնները կատարելուց յետոյ՝ նա կաթնով լիքը պտուկը տուեց իւր քենակալներին, իսկ ինքը կամաց-կամաց հեռացաւ, գնաց:

Առիւծի կաթն ուշանում էր: Թագաւորն զգում էր, որ մահը մօտ է: Չգում էին այդ բանը և բոլոր պալատականները: Թագաւորը կանչեց իւր նազիր-վէզիրներին և ասաց. «Իմ հաւատարիմ իշխաններ, մեռնելուց առաջ ես շնորհակալութիւն եմ անում ձեզ այն ծառայութիւնների համար, որ մինչև օրս կատարել էք. յոյս ունիմ, որ վերջին խնդիրս էլ կրկատարէք: Իմ փեսաներին ես ուղարկեցի, որ առիւծի կաթը բերեն. սխալուեցի, առիւծին առանց սպանելու կթել չի կարելի. իսկ սպանելուց յետոյ նա կաթ չի ունենալ: Ուրեմն նրանք կաթ չեն բերիլ, իրանք էլ չեն գալ, որովհետև առիւծները նրանց պատառոտած կրիւնեն: Մնդրում եմ, համաձայն օրէնքի, իմ թագաւորութիւնը բաժանէք իմ երեք աղջիկների մէջ և նրանց էլ այնպէս հնազանդ լինէք, ինչպէս ինձ էիք հնազանդ»:

Դեռ նոր էր վերջացրել թագաւորը իրան խօսքը, որ փեսաները ներս մտան և բերին առիւծի կաթը: Թագաւորը խմեց և իսկոյն առողջացաւ:

«Միրելի որդիք, ասեց նա փեսաներին. դուք փրկեցիք ինձ մահից. ի՞նչ էք ուզում, խնդրեցէք. այս լաւութեան փոխարէնը ամեն բան կրտամ ձեզ»:

— Թագաւորն ապրած կենայ, պատասխանում են փեսաները. մեր արածը վարձատրութեան արժանի չէ. մենք մեր պարտքն ենք կատարել: Բայց որովհետև դու քո մեծ ողորմութիւնից ուզում ես բաժին հանել մեզ, մենք մի բան միայն կը խնդրենք. ազատիր մեզ որսորդ Յականի բարեկամութիւնից՝ մեզ բաշխիր նրա գուլպը»:

«Դժուար բան խնդրեցիք, ասաց թագաւորը. բայց ես տուել եմ ձեզ իմ արքայական խօսքը. թող այդպէս լինի»:

Հէնց այդ ըոպէին դուռը բացւում է և ներս է մտնում Յականը, առիւծի կորիւնը գրկին:

«Տէր թագաւոր, ասում է քաջ պատանին. այդ խա-

բերանները, երևի, հաւատացրել են քեզ, թէ առիւծի կաթը իրանք են ճարել և դրա փոխանակ խնդրում են իմ գլուխը: Սուտ են ասում, տէր իմ, կաթը ես եմ բերել, դրանց տուել. ահա սա էլ էն առիւծի կորիւնն է, որի կաթը կթել եմ: Դրանց խաբեբայութիւնը բանալու համար, տէր արքայ, հրամայիր քո վէզիրներին, որ ստուգեն, թէ ինչ պայմանով եմ տուել կաթը ես դրանց. թո՛ղ իսկոյն բաց անեն դրանց թիկունքները և տեսնեն. դրանց ամեն մինի մէջքին ձիու նախով կնիք եմ դրել, որ ո՛չ կըջնջուի, ո՛չ կըմաշուի: Ստուգիր, տէր, և պատժիր դրանց, որ համարձակուել են խաբել իրանց թագաւորին»:

Փեսաները քար էին կտրուել: Թագաւորը հրամայեց, որ խիստ քննութիւն անեն: Միքանի օրից յետոյ խաբեբայ իշխանները դիակները օրօրում էին կախաղանի վրայ:

Սրա փոխանակ Յականը մեծ պատւի ու փառքի հասաւ: Թագաւորի մահից յետոյ բոլոր ժողովուրդը Յականին նրա տեղ թագաւոր նստացրին:

Նա հասաւ իրան նպատակին, դուք էլ հասնէք ձեր նպատակին:

89. ՄԱԳԱՎԱՃԱՌ ՍՈՒՐԷՆԸ

Որբեայրի կնիկ մի կար. որդի ունէր նա մինուճար՝ մի մեծ տղայ չարաճճի, որ չէր սիրում երթալ գործի: Մայրը տղին աշկերտ տուաւ մի դերձակի լաւահամբաւ բայց Սուրէնը գործը թողած, ինքը տկտր, փորը քաղցած, ուստի մօտից փախաւ-զնաց...

—Քեզ ի՛նչ եղաւ, Սուրէն գաւաղ. ինչի՞ եկար դառ ու դարդակ. ի՛նչ պիտի անենք մերկ, անօթի այսուհետեւ մենք, այ որդի:

«Մայրիկ, ասաց մեր չար Սուրէն, մի շուխտ սագ

կար մեր տանն, ո՛ւր են. տո՛ւր դրանցից մինը ծախենք, այսօր մի կերպ կառավարուենք: Եւ երբ էգուց լոյսը բացուի, անհնգ եղիր, կ'երթամ գործի:

Մայրը բռնեց սագերից մին, ահով տուեց չար Սուրէնին: Սուրէնն առաւ, գնաց շուկան: Այնտեղ մի մարդ դիմացն ելաւ, մի ժանտադէմ, մեծաբերան, և հեգնօրէն նրան ասաւ.

—Ի՞նչ է գինը այդ ճնճղուկի:

«Ի՞նչ ճնճղուկի. սա հօ սագ է»:

—Քո գլուխը լա՛վ դատարկ է. դա ճնճղուկ է, ո՛չ թէ սագ է:

Կողքին կանգնած տղայոց մին խրատ տուեց մեր Սուրէնին. «Թագաւորի վէզիրն է դա, խեղճ ու աղքատ Սուրէն տղայ. ինչ որ ասի, պիտի լսես և ասածը ճիշտ համարես»:

«Ճնճղուկ է, լա՛ւ, Սուրէնն ասաւ. էէ՛, շատ բարի, ի՛նչ ես տալիս»:

—Երկու շահի:

«Առատ լինես. հանիր, տո՛ւր դէս»:

Երկու շահին բռան միջին տուն է գալիս չարաճճին. տուն է դառնում սաստիկ տրտում և զրկանքը պահած սրտում: Միւս առաւօտ, որոշ ժամին, նա հագնում է ցրնցոտիներ և մուրալով այս ու այն դին, հասնում է դուռն մեծ վէզիրին.

«Ողորմութիւն արէք, պարոն, խեղճ ու աղքատ մուրացկանին».

—Մի կոպէկ տո՛ւր, անպիտանին, ասաց վէզիրն իւր կնոջը և փոխելով խօսքի ոճը՝ այս սագն, ասաց, մաքրել կըտաս, կարագ իւղով կըտապակես և արծաթէ սինուն

դրած, քիրման շալը վրան փռած, մեծ արքային դու
կ'ուղարկես, որ ես ու նա անուշ անենք ու Աստծուն
փառաբանենք:

Վէզիրի խօսքը Սուրէնը լսեց, նրա համեմատ իւր
գործը տեսաւ. ուղիղ կէսօրին նա նորից կանգնեց վէզիրի
դռան ու տիկնոջն ասաւ. «Աղէն հրամայեց, որ սագն ուղար-
կես, սինու վրայ դրած ու քիրման շալը երեսին փռած»:
Կինն էլ հաւատաց: Սուրէնը սագն առաւ, իրանց տուն
տարաւ ու անուշ արաւ: Գիշերուայ կէսին տեղից վեր-
կացաւ և դէպի պալատ գնաց, մօտեցաւ, դարբասի դռան
մի թուղթ կպցրեց և թղթի վրայ այս բանը գրեց.

«Սագավաճառ տղան եմ ես,
Եւ հնարներ ունիմ պէս-պէս.
Դուք սագն առաք ճնճղուկի տեղ...
Ես՝ և՛ սագը, և՛ սկուտեղ,
Քիրման շալը վրէն փռած՝
Տարայ մեր տուն...
Այս դեռ փոքրն է իմ գործերուն»:

Գրեց ու փախաւ, իրանց տուն հասաւ ու մօրը ա-
սաւ. «Մայրիկ, յիշում եմ, որ երբ խեղճ հայրս դեռ կեն-
դանի էր, ցնցոտիների առուտուր ունէր»:

—Այն, գնակս, շուկայում մի փակ խանութ կայ
այսօր, հօրդ խանութն է... Գուցէ դու այնտեղ գտնես
հին ու նոր զգեստներ կամ շոր:

Առաւօտը վաղ Սուրէնս զօշաղ խանութը բացաւ ու
դռանը նստաւ: Մի ժամից յետոյ զինուորներ եկան, շու-
կան լցուեցան. սրան ու նրան հարցուփորձ արին՝ «Սագ

ծախող տղին ո՞վ է ճանաչում»: Ոչ-որ չի ասում: Վերջը
մօտեցան իրան՝ Սուրէնին: Սուրէնը ասաց նրանց սրտա-
բաց. «Դուք այդ շորերով հարիւր տարի էլ ման-գալու
լինէք, ո՞ւմ պիտի գտնէք. դուք պէտք է հանէք ձեր
զգեստները, հագնէք հին ու մին մաշտած շորեր, մու-
րացկանի պէս ընկնէք դռները, ման գաք օր-գիշեր, որ
սագ ծախողին գտնել կարենաք. ուրիշ կերպ երբէք, ոչ մի
ժամանակ դուք յոյս չունենաք»...:

Տղայի խօսքը մարդիկ յարգեցին, ներս մտան խա-
նութ, շորերը փոխեցին՝ թողին Սուրէնին իրանց զգեստ-
ներ, հագան քրքրուած ու կեղտոտ լաթեր, ընկան փողոց-
ներ: Սուրէնն էլ, նրանք գնացին թէ չէ, իսկոյն հաւաքեց
թողած բաները՝ թէ հանդերձները և թէ թրերը—խանու-
թը փակեց, իրանց տուն քաշուեց:

Միքանի ժամից զինուորներն եկան, ոչ Սուրէն տեսան,
ոչ շորեր գտան. տխուր, գլխակոր պալատ գնացին և
վէզիր տղին ամենը պատմեցին:

Իսկ մեր Սուրէնը գիշերուայ կիսին գնաց-մօտեցաւ
ծանօթ դարբասին. թուղթը կպցրեց ու վրան գրեց.

«Սագավաճառ տղան եմ ես,
Եւ հնարներ ունիմ պէս-պէս.
Դուք սագն առաք ճնճղուկի տեղ...
Դրա դիմաց ես ձեր ահեղ
Զինուորներին լաւ փետրեցի,
Մերկ ու տկլոր դուրս ճամպեցի,
Նրանց շորերն տարայ մեր տուն...
Այս դեռ փոքրն է իմ գործերուն»:

Շատ բարկացաւ թագաւորը, հրաման արաւ, ուր էլ
լինի մեղաւորը, բռնեն, բերեն. նա չի կարող էլ համբե-

րել, որ իւր երկրում մի սրիկայ իւր մարդկանցը բաց-
աշկարայ խայտառակի և սագի պէս մերկ-պլոկի:

Վէզիր աղան շատ մտածեց և այսպիսի թակարդ
սարքեց. բերեց մի ուղտ բարձր ու հսկայ, վրան ձգեց
մի մեծ խուրձին, մէջը լիքը շատ թանկագին իրեղէններ,
ու բաց թողեց փողոցն իվեր: «Ով որ ուղտի ետքից նայի
և բռնելու փորձեր անի, նա պիտի լինի սագ ծախողը,
զինուորների շորի գողը»: Ասաց վէզիրն ծառաներին, պա-
տուէր տալով, որ լաւ նային:

Բայց Սուրէնիկն էլ չէր քնած. նա դիտում էր աչքը
չռած, թէ երբ ուղտը ծանրաբեռնած, պիտի հասնի իրանց
դռան: Հասնելուն պէս՝ նա բաց թողեց իրանց շունը իւր
զրացու գամիռի վրան: Գազանները իրար առան: Ուղ-
տին նայող ծառաները շուտ մոռացան խիստ պատուէրը.
Հնաքոլոյն էր փառաւոր, մարդիկ եկան հարիւրաւոր... Իսկ
այդ ժամին, Սուրէն ամին ուղտին առաւ իրանց գոմը,
«գրխ-գրխ» արաւ, չոքացրեց, բեռը պահեց ու դուրս
վազեց դէպի շներ. «Մառ ջուր բերէք, հարեաններ, շուտ
ջուր բերէք և շների գլխին ածէք»: Ասաց, վազեց, մեծ
կուժն առաւ, գազանների գլխին ածաւ: Հարեանները նոյնն
արեցին ու շներին անջատեցին... Խեղճ ծառաներն ուշ
հասկացան իրանց սխալը, դէս վազեցին ու դէն ընկան,
կորած ուղտը էլ չգտան:— Երբ Ադամայ մուծը պատեց,
Սուրէնն ելաւ, պահած ուղտը գոմից հանեց, առաջն արաւ,
իրանց թաղից հեռու տարաւ: Ապա ինքը պալատ գնաց և
դարբասի դռան դիմաց թուղթ կպցրեց, վրան գրեց.

«Սագավաճառ տղան եմ ես,
Եւ հնարներ ունիմ պէս-պէս.
Դուք սագն առաք ճնճղուկի տեղ,
Իսկ ես ձեր ուղտն որպէս ասեղ

Ներս քաշեցի յարկիս տակը...»

Այս էլ լինի իմ կատակը:

Վէզիր աղայ դու մեծանուն,

Այս դեռ փոքրն է իմ գործերուն»:

Մեծ վէզիրը շատ բարկացաւ. բայց այս անգամ հան-
գիստ կացաւ. ուրիշ հոգսեր ծանր ու խորին տիրել էին
նրա մտքին. թագաւորի դուստրը սիրուն, որ խօսեցած
էր իւր որդուն, հրաժարուում էր նրան գնալ. լաւ էր սե-
պում տանը մնալ:

«Վէզիր աղի ես չարամիտ որդուն գնամ թեթեամիտ.
այդ չի լինի. թող այդ բանը մտքից հանի, թէկուզ հայրս
ինձ սպանի»:

Ինչպէս եղաւ՝ այս համբաւը մեր Սուրէնի ականջն
ընկաւ. գնաց մօրը՝ «Մամիկ, ասաւ. դու չէ՞ս կարող ինձի
ճարել կնկայ հալաւ թափ ու թագայ, որ ես հագնեմ,
վրէս սագայ»:

— Ո՛րդի, ասաց մայրը ապշած, հարսանիքիս հալաւնե-
րը դեռ մնում են թափ ու թագայ, որ դու հագնես, քեզ
կրսագայ:

«Բեր, մայրիկս, ինչպէս նոր հարս ինձ զարդարի և
ինչ ասեմ, լաւ կատարի»:

Մայրը բերաւ իւր գառ ու զարդ: Սուրէնը հագաւ,
դառաւ կին-մարդ. անչափ նախշուն էր, սիրունիկ, անչափ
չքնաղ և աղաւորիկ, ինչպէս նոր-հարս թագի տակին, յար
և նման լուսնեակին:— Իւր մօրն առաւ, պալատ գնաց:
Մայրը դռան կանգնած մնաց. ինքը թակեց բակի դուռը
և դուրս եկող սպասուհուն խնդրեց յայտնել արքայուհուն,
չքնաղատես դուստր թագուհուն, թէ նրա հետ լուրջ գործ
ունի, եթէ միայն ներս կընդունի: Երբ ներս տարան ապա-
րանքը, հազիւ ծածկեց իւր ապշանքը.

Գահոյքի վրայ նստած էր մի կոյս,

Ոչ թէ աղջիկ էր, այլ արևի լոյս:

— Ինչի՞ եկար, քոյրիկ, ասաւ. ի՞նչ հոգս ունիս կամ թէ ի՞նչ ցաւ:

«Ես չեմ եկել ողորմութեան, թէև կարօտ եմ օգնութեան. ես եկել եմ, որ Ձեզ ասեմ, թէ ամեն ժամ կամ, պատրաստ եմ Ձեզ ծառայել, Ձեր հրամանները կատարել, թէ պէտք լինի, նոյն իսկ կեանքս Ձեզ զոհ բերել... Ես լսել եմ, արքայադուստր իմ թագուհի՝ Ձեզ ուզում են կին տալ որդուն վէզիր աղի և թէ՛ այդ բան հակառակ է Ձեր ցանկութեան... Մտածել եմ այդ փորձանքից Ձեզ ազատել, եթէ հաճիք իմ խորհուրդս Դուք ընդունել»:

— Ուրախ կըլնեմ, ասա՛, տեսնեմ:

«Դուք պիտի հագնէք իմ շորերը և դուրս գնաք յետին դռնից. այնտեղ կանգնած է իմ մէրը. նա կըտանի Ձեզ մեր տուն և կըպահի այնտեղ թաքուն... Ես կըհագնեմ Ձեր շորերը ու կը մնամ, որ, երբ կըգայ թագաւորը, պատասխան տամ Ձեր փոխանակ. թէ ի՞նչ կ'ասեմ, այդ Դուք յետոյ պիտի իմանաք. իսկ այս պահուս շուտ պիտի գնաք, որ չուշանաք»:

— Շատ լաւ, ասաւ արքայադուստրն այն գեղանի, թո՛ղ որ լինի ըստ քո բանի... Հազաւ զգեստն այն աղքատիկ, յետին դռնից իջաւ նա ցած, ուր պառաւն էր պատրաստ կանգնած և նրա հետ կամաց-կամաց իբրև օտար անցաւ, գնաց:

Սուրէնը հազաւ հարուստ շորերը դատերն արքայի, երեսին ձգեց թանձր ու նուրբ քօղը մաքուր մետաքսի, ապարանջանը վզիցը կախեց, բազկանոցները կոները քաշեց, փոքրիկ հանգոյցը, աղուները շատ, փարթամ մա-

զերոււմ քորոցով պնդեց, զառ ու զարդի մէջ նստեց, սպասեց:

Հազիւ պրծել էր, հայրը ներս մտաւ. «Աղջիկս, ասաւ, վերջին անգամն է, որ յայտնում եմ քեզ. իմ նախարարի տղին պիտի ուզես. թագաւորները իրանց խօսքերը երբէք չեն փոխում. բայց ես չեմ ուզում, որ ինձ ընդունես որպէս թագաւոր, մի խիստ, ահաւոր, այլ որպէս հօրըդ հնազանդ լինես և ինքնայօժար իղձս կատարես»:

— Հայր, վճռել եմ, քո սուրբ կամքը պիտի յարգեմ մի պայմանով:

«Ասա՛ շուտով»:

— Երբ հարսանեաց ծէսը պրծնի, մեր քաղաքը թո՛ղ քուն մտնի. ոչ-մի ճրագ թող չվառուի, և ոչ-մի մարդ տնից շարժուի՝ ո՛չ պաշտօնեայ, ո՛չ զօրական, ո՛չ հպատակ, վաճառական և ոչ նոյն իսկ հայրն իմ արքայն. որ ես մենակ ամուսնուս հետ փողոց ելնեմ, խնդամ, ճեմեմ... Երբ մենք մենակ միմեանց նայենք, մէկտեղ խնդանք ու ծիծաղենք, երբ մեր սրտեր միմեանց բանանք և մէկ-մէկու լաւ հասկանանք, սէր կըծնի մեր սրտերում, կըվերանայ սառնութիւնը և կըդառնանք մենք մեր տունը, հայր, անտրտում:

«Ընդունում եմ քո պայմանը և տալիս եմ այդ հրամանը»:

Տէր թագաւորի բարեհաճ կամքով և մեծ վէզիրի հոգս ու խնամքով ամբողջ քաղաքը տօնի տեսք առաւ... Պատ ու պաշտգամբից գորգեր կախեցին, լուսամուտներում ծաղկունք շարեցին, փողոցների մէջ մուսետիկները բարձրագոյն ձայնով հանդէս կանչեցին բոլոր այր-մարդկանց. իսկ հարսի կողմից մատղաշ աղջկունք, պատուաւոր կանայք,

պատանի տղայք եկան, ժողովեցան: Ձօրանոցներում զօրքն էր քէֆ անում, դպրոցներում մանկուկները խաղում. այգի ու պարտէզ, հրապարակ, կրկէս՝ ամեն տեղ մարդիկ խումբ-խումբ նուագում, երգում ու խնդում, ուտում ու խմում. սիրած թագուհուն օրհնում ու գովում...

Այսպէս եօթն օր տօն կատարեցին և եօթը գիշեր ուրախ անցուցին...

Վերջի գիշերը արքայի կամքով ամեն բան լռեց. քաղաքը մեռաւ, քամին դադարեց... Մեր հարսն ու փեսան, խոստման համաձայն, թե-թեի տուած մենակ շրջում են դատարկ քաղաքում, կամաց փսփսում, ամեն բան դիտում, ամեն ինչ քննում: «Սա թանգարանն է քո հօր, արքայի. նա դպրանոցն է աղջիկ ու տղի. այնտեղ, տեսնում ես, շինած է կրկէս, ուր պատանիներ ազատ ժամերին մարզմունք են անում, ուր հայր թագաւորն է զուարճանում,—ասում էր փեսան:

«Իսկ ի՞նչ շէնքեր են միւս կողմը մռայլ՝ մութ ու խաւարում կանգուն շար-ի-շար»,—հարսն է հարցնում, փեսային տհաճ այն կողմը տանում:

—Նա զօրանոցն է հօր արքայի. սա վառօդարանն տէր-թագաւորի...

«Իսկ նա ի՞նչ բան է», այդ թմբի վրան... որ ցից կանգնած է, վերևից չըւան. ինչի՞ համար է: Ոչինչ մի ծածկիր. պատմիր ամեն բան: Մօտ գնանք նրան:

—Այդ չարժէ տեսնել:

«Ուզում եմ դիտել»:

—Հեռանանք, գնանք:

«Չէ պիտի իմանանք»:

—Վախում եմ տխրես:

«Շատ երկշոտ չեմ ես:

—Քո կամքը սուրբ է, ցանկութիւնդ արդար և ես

պատրաստ եմ տալ քեզ բաւարար, լրիւ պատասխան, միայն հեռուից. չարժէ մօտենալ ու սիրտ պղտորել... նա պատժարանն է չարագործ մարդկանց. այնտեղ կախում են՝ ով չի կատարում հօրդ հրամանը, կամ ում չի սիրում մեծ սաղրագամը:

«Օ՛, դա վատ բան է, գնանք, մօտենանք: Եւ Աստուած անէ, երբ-որ ես ու դու թագաւոր դառնանք, այդ չար գործիքը իսպառ պիտի բառնանք: Տես այս սեան վրայ բոլոր գործիքներ պատրաստ են ահա: Ո՞րի համար են»:

—Սագավաճառի, լսել ե՞ս արդեօք. այն չարաճճի լակոտը լկաի, որ թագաւորին ու նախարարին այնքան հասցրեց վիշտ, վիրաւորանք ցաւ ու անարգանք: Սագավաճառի համար է պատրաստած այդ կախաղանը:

—«Օ՛, ես լսել եմ, կնոջ, վիզս անցնեմ, տեսնեմ՝ ամո՞ւր է»:

—Չէ՛-չէ՛. չեմ թողիլ. կ'ուզես ես անցնեմ, փորձելդ գուր է:

Ասաց տաք-դլուխ անխելք պատանին և օղակն անցուց իւր պարանոցը: Սուրէնը ոտքով զարկեց աթոռին. աթոռն ընկաւ ցած և փեսան մնաց օդի մէջ կախուած: Իսկ չարաճճին հեռացաւ, գնաց:

Պալատի դռան, դարբասին կպած, առաւօտ վաղ այսպէս էր գրած.

«Սագավաճառ Սուրէնն եմ ես,

Եւ հնարներ ունիմ պէս-պէս.

Սաղրագամի խելօք տղին

Ես եմ կախել բլրի գլխին:

Ով-որ սաղը ճնճողուկի տեղ

Աղքատ մարդուց լսի անմեղ,

Արժանի է այդ յարգանքին...

Թէկուզ ընդդէմ հէնց իւր կամքին:
 Արքայունին ողջ և առողջ
 Սպասում է,
 Թէ երբ արքայն պիտի հաճի
 Նախարարին իւր տմարդի
 Անշափ, անթիւ գեղծմանց համար
 Արժանաւոր պատիժ մի տալ:

Միւս առաւօտ մոռնեալիկներ ման են գալիս փողոց-
 ներում, թագաւորի պատգամները բարձրաբարբառ յայտա-
 րարում. «Այն պատանին, որ այս գիշեր արել է այս ու
 այս բանը, թող համարձակ դուրս գայ հանդէս և ամեն
 բան պատմէ այնպէս, ինչպէս որ կայ. որպէս արքայ՝ ես
 տալիս եմ նրան ներում. իսկ թէ գտնեմ որ արդար է
 իւր գործերում, իմ փեսացուս թող նա լինի, ինձնից
 յետոյ թագաւորի:

Երկու-երէք օր հազիւ էր անցել, որ սագավաճառ
 Սուրէն պատանին հայր-թագաւորի փեսան էր դարձել:
 Իսկ կաշառակեր մեծ վէզիր աղան իւր գեղծումների, գէ-
 շութեանց համար անպատիւ եղել, գործից հեռացել:

Վ Ե Ր Զ

Յ Ա Ի Ե Լ Ո Ւ Ա Ծ

I. ԱՌԱՅՆԵՐ

Աժան միսը արգանակ չի ունենալ:
 Չուածան հաւը կռկռան կըլինի:
 Ա՛խ, մի տանձ ընկնէր՝ կոթը դէպի վեր:
 Ահա փխսիկը, ո՞ւր է մսիկը:
 Ահը լաւ է, քան մահը:
 Ամառուան անձրեկին, ձմեռուան արեկին մի հաւատար:
 Անձրե օրը հաւերուն ջուր տուող շատ կըլինի:
 Անուշ լեզուն օձը ծակից կըհանէ:
 Էն ջրից վախեցին, որ ոչ թշուամ է, ոչ խշուամ:
 Աշխարհս ով է կերել:— Հեզն ու խոնարհը:
 Առաջ գետի անցքը գտիր, յետոյ ջուրը մտիր:
 Բամբասանք չէ, բանն ասանկ է:
 Բարկ քացախը իր ամանը կըճաքեցնէ:
 Գայլի անուռն է կտորած, աղուէսը աշխարհ քանդեց:
 Գայլն ընկաւ ջոկին, վայն եկաւ մէկին:
 Գողը գողէն գողացաւ, Աստուած տեսաւ, զարմացաւ:
 Դարբինին դանակ չի լինիլ, ջուրհակին պատանք:
 Դարտակ կարասի ձայնը բարձր դուրս կըգայ:
 Դուռդ փակ պահիր, հարեանիդ գող մի բռնիր:
 Դրուստ խօսողի գրակը ծակ կըլինի:
 Եզան լաւը լծի տակ կիմացուի:
 Երեսէն մահանայ, մէրը կըշտանայ:
 Ես աղայ, դու աղայ, բա մեր աղունն ո՞վ աղայ:
 Երեսէն հայելի, ետէն ածելի:
 Եօթը եկեղեցի շինելու փոխանակ, եօթը որբ՝ մարդ արա:
 Զանգակի ձայնը հեռուից լաւ է գալիս:
 Թրի կտրածը կըսողանայ, լեզուի կտրածը չի սողանալ:

Ինձ տես, քեզ լաց, հօրդ տանը անուր կաց:
 Հաւ է ուշ քան երբէք:
 Հաւ հաւը իր ճուտերի վրայ ման կըտայ:
 Ծառը քանի որ պտուղ շատ ունենայ, գլուխը կախ կըգցի:
 Ծովն ընկեր՝ ձեռքը փրփուրին կ'երկընցնէ:
 Ծովն իյնողը՝ անձրևէն չի վախեր:
 Կաթի հետ մտածը հոգու հետ դուրս կըգայ:
 Կտրած հացը չի սաղանալ:
 Հազար լսէ, մէկ խօսէ, տես դիմացինդ ինչ կասէ:
 Համբերութեան ծառը դառն է, բայց պտուղը քաղցր:
 Հասկացող որդին հօր աջու աչքն է:
 Հաւն էլ իր ճուտը ուրուրին չի տալիս:
 Ձեռքի մէկ թուշունը լաւ է, քան ծառի վրայի երկուսը:
 Ձուկը գլխէն կըհոտի:
 Ձուագողը ձիագող կըգառնայ:
 Մալին տէր պէտք է, որդուն՝ հէր:
 Մարդը չէր մարդանման, խօսքն էր մարդասպան:
 Մեր տանը կուտ կուտէ, դրացու տանը ձու կածէ:
 Մէկ ձեռը ծափ չի տալ:
 Մէջք մէջքի տանք, սարեր շուռ կըտանք:
 Մըջիւնը պստիկ ա, համա ասլանի ականջ ա մտնում,
 Մօտիկ հարևանը լաւ է, քանց հեռու բարեկամը:
 Նախանձոտը նախ ինքն իրեն կըխանձէ:
 Շաքարը քաղցր է, ամա հացի տեղը չի բռնի:
 Շներն իրար հետ կուռում են, գայլի դէմ միանում:
 Ոչխարի մորթ է հագել, գայլի գործ է կատարում:
 Ո՛վ ուշ—աչքը փուշ:
 Ո՛վ չուշտ—փորը կուշտ:
 Ուրիշի աչքը քեզ լոյս չի տալ:
 Սոխ ու հաց, պարզերես կաց:
 Տաշած քարը գետնին չի մնայ:

II. ՔԵՐՍԿԱՆԱԿԱՆ ԵՒ ՈՒՂՂԱԳՐԱԿԱՆ ՎՍՐԺՈՒԹԻՒՆՆԵՐ

(Տարուայ ընթացքում անցածի ամփոփումը)

Ա. Ա Ռ Ա Ր Կ Ա Յ

Մարդս հինգ արտաքին զգայարանք ունի՝ տեսանելիք, լսելիք, հոտոտելիք, ճաշակելիք եւ շօշափելիք:

§ 1. Հինգ զգայարանքի միջնորդութեամբ ճանաչած քաները (իրերը) կոչուում են առարկայ:—Աշակերտ, հայր, քոյր, երգ, շաքար, բամբակ, վարդ—առարկաներ են:

§ 2. Մարդս առարկաներին ջոկ-ջոկ անուններ է տալիս. ամեն առարկայ իւր անունն ունի: Առարկայի մասերն էլ ջոկ-ջոկ անուններ ունին:

§ 3. Մարդս այն ժամանակն է առարկայի անունը տալիս, երբ-որ իւր տեսածի և ճանաչածի մասին ուրիշներին մի բան է ուզում ասել:

Առարկան տեսնում և զննում ենք մեր հինգ զգայարանքներով. իսկ անունը չենք կարող տեսնել և զննել. նրան միայն լսում ենք և հասկանում: Առարկաների անունները մեր տեսողութեանը ենթարկելու համար՝ նրանց զրում ենք, այսինքն սօտերով նշանակում ենք:

Բ. ՅՆՁԱՒՈՐ ԵՒ ԱՆՅՈՒՆՁ ԱՌԱՐԿԱՆՆԵՐ

ա. Ոչխար, շուն, կատու, ձի, հաւ, կով, գոմէշ, աշակերտ, քահանայ,

բ. Սեղան, քար, աթոռ, փայտ, կերակուր, այգի, գիրք, եկեղեցի:

§ 4. Առաջին տողի մէջ նշանակած բառերը կենդանի առարկաների անուններ են. այդ առարկաները ազատ կարող են մի տեղից միւս տեղ անցնել, իրանք իրանց տեղը փոխել: Դրանք շնչատու առարկաներ են:

Երկրորդ տողի մէջ նշանակած բառերը անկենդան առարկաների անուններ են: Այդ առարկաներն իրանց կամքով չեն կարող մի տեղից միւս տեղ անցնել, իրանք իրանց տեղը փոխել: Իրանք անշունչ առարկաներ են:

1. Ի՞նչ շնչաւոր առարկաներ էք տեսնում տանը, բակումը, գոմումը, անտառումը: Բերանացի:

2. Ի՞նչ անշունչ առարկաներ էք տեսնում դասատանը, պարտէզումը, այգումը, դաշտումը, ուսումնարանումը, եկեղեցումը: Բերանացի:

3. Հետեալ բառերից ջոկեցէք և գրեցէք առաջ շնչաւոր առարկաների անունները, յետոյ անշունչներինը. — կացին, գիւղացի, սրոց, սղոց, դարբին, հովիւ, մուրճ, աղախին, կողպէք, ծառայ, աղաւնի, խոզ, հաւ, հաւաքուն, մեխ, այգի, այգեպան, հաց, հացթուխ, սրահ, գոմ, ձի, կով, եզը, ոչխար, օրօրոց, մանուկ, անկողին, մահճակալ, զգեստ, դերձակ, ասեղ, կօշկակար, կօշիկ, սիւսեռ, կաղամբ, համեմ, կարմրախայտ, լոր, մեղու, ճանճ, ծառ, մոծակ, բզէզ, խոտ, հնձող, մանգաղ, ձեռներ, ոտներ, աչքեր, այծ, սագ, բադ, եղջիւր, եղջերու, միս, պանիր, արագաղ, նապաստակ...

Գ. ՄՏԱՆՈՐ ԵՒ ՆԻԻԹԱԿԱՆ ԸՌՌԻՎԱԿԱՆԵՐ

ա. Աստուած, հոգի, հրեշտակ, ապրուստ, եռանդ, աշխոյժ, աշխատանք, ծուլութիւն, քաջութիւն, սրբութիւն:

բ. Արօր, սեղան, քաղաղ, մարդ, բաժակ, ալիւր, կաքաւ, կաղամբ, կացին, անտառ, կարագ, զինի:

§ 5. Առաջին սիւնակի մէջ նշանակած առարկաները թէև կան և անուն ունին, բայց մեր հինգ զգայարանքին ենթակայ չեն. դրանց մենք միայն մտքով ենք ճանաչում: Իրանք մտաւոր առարկաներ են:

Երկրորդ սիւնակի մէջ նշանակած առարկաները շընչաւոր և անշունչ առարկաներ են. դրանց ճանաչում ենք մեր հինգ զգայարանքի միջնորդութեամբ: Իրանք կոչոււմ են նաև նիւթական առարկաներ, որովհետև կազմուած են որեւէ նիւթից:

4. Հետեալ խօսքերից ջոկեցէք մտաւոր առարկաները նիւթականներից, նիւթականներն էլ երկու խմբի բաժանեցէք՝ շնչաւոր և անշունչ:

Աստուած ստեղծեց մարդուն և տուեց նրան հոգի, միտք և կամք, որ կարողանայ սեպհական խելքով իրան համար ապրուստ ձարել: Մարդը հնարեց արօրը, երկիրը վարեց, հացահատիկներ ցանեց. կացին հնարեց՝ իւր տան ու վառելիքի համար փայտ կտրատեց. սանձ ու թամբ հնարեց և իրանից ուժեղ կենդանիներին հնազանդեցրեց. միտք բանացրեց և շատ անասուններ, գործիք ու սարք ունեցաւ:

Գ. ԸՌՌԻՎԱԿԱՆ ԹԻՒՆԸ

ա. Հաց, քար, ծառ, սրտ, միս, մոմ, աղ, մաղ, ձեռն, ոտն: կացին, սեղան, քորոց, աշակերտ, կերակուր, եկեղեցի, քահանայ, մատանի:

բ. Հաց-եր, քարեր, ծառեր, պատեր, մսեր, մոմեր, աղեր, մաղեր, ձեռներ, ոտներ:

կացին-ներ, սեղաններ, քորոցներ, աշակերտներ, կերակուրներ, եկեղեցիներ, քահանաներ, մատանիներ կամ՝ քահանայք, մատանիք:

§ 6. Առաջին երկու տողի մէջ եղած բառերից ամեն մինը մի հատիկ առարկայի անուն է՝ մի հաց, մի քար, մի կացին, մի եկեղեցի:

Երկրորդ երկու տողի մէջ եղած բառերից ամեն մինը միքանի միատեսակ առարկայի անուն է՝ շատ հաց, շատ քար, շատ կացին, շատ եկեղեցի:

Միւսնոյն անունը՝ շատ առարկաներ ցոյց տալիս վերջից եր, ներ, երբեմն էլ ք է առնում:

5. Հետեալ խօսքերի մէջ մի առարկայի անունը ջոկեցէք շատից. — Հայրս գնաց փողոց և գնեց միս, հացեր, հաւեր, բադ և հնդկահաւեր: Աշակերտները կաւիճ գնեցին և դրատախտակի վրայ դասը գրեցին: Գիւղացիք արտերը վարեցին: Քահանայք եկեղեցում ժամ ասացին: Դաշտում արածում էին կովեր, եգներ, այծեր,

ոչխարներ և ուրիշ շատ կենդանիք: Դարբինը շինում է կացին, բահ, խոփ, մանգաղ, ուրազ և ուրիշ շատ բաներ: Զուլհակը շալ գործեց: Բրուտը շինեց կփեր, սրուակներ, գաւաթներ: Հաւը ձու է ածում: Կովը կաթն է տալիս: Աշակերտը գնեց մատիտ, քանոն, գրիչ, թանաքաման և գրչաման: Հայկը պայուսակ ունի:

Ե. ԱՌԱՐԿԱՆԵՐԻ ԱՐԳԻՍՏՈՒԹԻՒՆԸ

ա. Կարմիր խնձոր, սպիտակ շաքար, թթու քացախ, սև թանաք, կապոյտ ծաղիկ:

բ. Ոսկէ մատանի, քարէ եկեղեցի, արաբական ձի, հիւսիսային եղջերու, առաւօտեան հով:

§ 7. Առաջին և երկրորդ տողերի մէջ նշանակած բառերը՝ կարմիր, սպիտակ, արաբական, հիւսիսային... ոչ առարկաների անուններ են և ոչ նրանց մասերի. նրանք զրուած են առարկաների համար և ցոյց են տալիս նրանց որպիսութիւնը կամ յատկութիւնը:

§ 8. Մարդս իւր զգայարանքների միջոցով ոչ միայն առարկաներն է ճանաչում, այլ և նրանց որպիսութիւնը (թէ առարկան ինչպիսի է):

Որպիսութիւնն առանց առարկայի չի կարող լինել: Որպիսութիւնն էլ, առարկայի պէս, իւր անունն ունի:

6. Հետեւալ օրինակներից ջոկեցէք որպիսութիւնների անունները.— սեւ կուպր, կարմիր գինի, կանաչ խոտ, պայծառ արև, փայլուն աստղ, կապոյտ երկնակամար, փայտեայ կտոր գաւաթ, անտառային թթու խնձոր, դաշտային խորամանկ աղուէս, փոքրիկ բրդոտ նապաստակ. թունաւոր սև օձ, եղջերաւոր խոշոր անասուն, հարաւային տաք քամի, հիւսիսային սառնաբեր փոթորիկ, պողպատէ սուր մանգաղ, քարէ լայն ուղի:

7. Որպիսութիւն ցոյց տուող անունների տակը գիծ քաշեցէք:— Պայծառ երկնակամարի վրայ գորշագոյն ամպեր երևացին: Ամպերը թաճրացան և սև կեղևով ծածկեցին կապոյտ երկինքը: Երեկոյեան կենսատու արևը ջրեց ծարաւ երկիրը: Դաշտային թառամած բոյսերը զուարթացան:

8. Հետեւալ առարկաների մօտ դէք իրանց պատշաճ որպիսութիւններն անուններ.— ամպ, գունտ, շուն, թիթիւ, խնձոր, ջուր, կապիկ, ապակի, քամի, գրիչ, անիւ, խուրձ, խոտ, արև, ոսկի, արծաթ, ածուխ, քար, բամբակ, հաց:

§ 9. Միքանի առարկաներ կարող են միևնոյն որպիսութիւնն ունենալ. վնասակար գայլ, վնասակար մարդ, վնասակար գործ, քարձր ձայն, քարձր ծառ, քարձր մարդ, քարձր արժանաւորութիւն:

9. Հետեւալ որպիսութիւնները ինչ առարկաների կարելի է յատկացնել.— կարմիր, սպիտակ, սև, կանաչ, կապոյտ, քաղցր, դառը, սուր, պինդ, փափուկ, կտոր, հիւթաւոր, թափանցիկ, ծանր, թեթև, մաքուր:— Իերանացի և գրաւոր:

10. Հետեւալ առարկաներից ամեն միւր ինչ յատկութիւններ պիտի ունենայ անպատճառ՝ սոխը, սխտորը, արծաթը, ոսկին, պղինձը, շուշանը, մանուշակը, դանդակը, գետի ջուրը, ծովի ջուրը, բամբակը, արձիճը, մեղրը, քացախը:

11. Որպիսութիւն ցոյց տուող բառերի տակը գիծ քաշեցէք.— Անձրեային աշուն. աշնանային անձրև: Փոթորկալի ծով: Ծովային փոթորիկ: Դաշտային ծաղիկ: Ծաղկաւէտ դաշտ: Անձրևատ ամառ: Ամարային անձրև: Մարդկային արժանաւորութիւն: Արժանաւոր մարդ:

Զ. ԱՐԳԻՍՏՈՒԹԵՆ ԹԻՒՐ

ա. Կարմիր խնձորներ, երկար քանոններ, սպիտակ թղթեր, կանաչ յուլունքներ, գիւղացի մարդիկ, դաշտերի բնակիչներ:

բ. Կարմիրները, երկարները, սպիտակները, կանաչները, գիւղացի-ք, դաշտեցի-ք:

§ 10. Որպիսութիւն ցոյց տուող բառերը թիւ չունին, երբ առարկայի մօտ են զրուած. բայց եթէ մենակ են, կարող են առարկաների անուան պէս իր, ներք, ք տառերն առնել իրանց վերջում և շատի համար գործ ածուել:

12. Հետեւալ օրինակների մէջ գտէք մենակ գործածուած որպիսութիւն ցոյց տուող բառերը և տակը գիծ քաշեցէք.— Հիւանդները նախանձում են առողջներին: Հարուստները պարտաւոր

են օգնել աղքատներին: Գիտունները տգէտներին սովորեցնում են: Օրէնքը պատժում է չարերին: Քրիստոսը ներում էր մեղաւորներին, բժշկում էր կաղերին, կոյրերին, անդամալոյծներին, բորոտներին և զիւահարներին:

Է. ԱՌԱՐԿԱՅԻ ԳՈՐԾՈՂՈՒԹԻՒՆԸ

Շունը հաջում է, շունը կծում է, շունը փախում է: Թռչունը թռչում է, թռչունը երգում է, բուն է շինում ձագ է հանում, մծեղներ է բռնում, ճուտերին կերակրում:

§ 11. Նշանակած բառերը՝ հաջում է, թռչում է, երգում է... ոչ առարկաների անուններ են և ոչ որպիսութեան. նրանք միայն ցոյց են տալիս, թէ առարկան ինչ է անում, ինչ է գործում: Դրանք գործողութիւն ցոյց տուող բառեր են:

Առարկայի գործողութիւնն էլ մարդս ճանաչում է իւր հինգ զգայարանքների միջնորդութեամբ:

§ 12. Գործողութիւնն էլ, որպիսութեան պէս, առարկայի համար է զբւոյն: Որպիսութիւնը ցոյց է տալիս, թէ առարկան ինչպիսի է, իսկ գործողութիւնը՝ թէ նա ինչ է անում, ինչ է շինում:

§ 13. Ինչպէս որ առարկաներն ու իրանց որպիսութիւնները, այնպէս էլ առարկաների գործողութիւնները ջոկ-ջոկ բառերով ենք նշանակում:

13. Հետեւել խօսքերի մէջ գտէք գործողութիւն ցոյց տուող բառերը և նրանց տակը գլիժ քաշեցէք.— Որսորդն սպանեց մի գայլ: Գայլը պատառոտել էր հովուի ոչխարները: Կարապետը առաւօտները վեր է կենում, շորերը հագնում, երեսը լուսնում, աղօթք է անում և առաւօտուայ հացն ուտում ու գնում դաշտը: Մանր տղաներն ուսումնարան են գնում: Ձին բեռն է կրում: Օձը սողում է: Ձուկը լողում է: Թռչունը թռչում է: Արծիւը սլանում է օդի մէջ: Գետը հոսում է: Քամին փչում է: Ամպը որոտում է:

14. Արտագրեցէք առաջ գործողութիւն ցոյց տուող բառերը,

յետոյ առարկաների անունները:— Գիւղացին մաքրում է վարելահողը, վարում է օրավարը, սերմում է, ցաքանում և Աստուած կանչում, որ ժամանակին տայ արև, անձրև և օրհնէ նրա վաստակը:

15. Ամեն մի առարկայի մօտ գրէք իւր յարմարաւոր գործողութիւնը և աւելացրէք, թէ առարկան ինչ բան է շինում և ինչից:— Հացթուխը թխում է հաց ալիւրից: Քոյրս կարում է շապիկներ քաթանից: Դարբինը շինում է պայտեր... կօշկարը... պղնձգործը... ոսկերիչը... նկարիչը... խոհարարը... ջաղացպանը... դերձակը... հիւանդը... ջուլհակը... որմնագիրը... ճարտարապետը... հնձողը... ձկնորսը...

16. Հետեւել բառերից որոնք են ցոյց տալիս առարկայ, գործողութիւն և որպիսութիւն.— Մշակ, մշակել, մշակող, մշակութիւն: Կոտրեցի, կոտրած, կտոր: Փշրանք, փշրուն, փշրում էր: Կերակուր, կերած, կերել եմ: Կըզրեմ, գիրք, գրութիւն, գրիչ, գրբող: Խմիչք, խմեցի, խմած: Խելք, խելօք, խելօքացաւ: Խաղում է, խաղասէր, խաղալիք: Ծամում է, ծամ, ծամելիք: Կար, կարած, կարող, կարկատան, կարեց: Կըհնձէ, հոճնձ, հնձող, հնձած: Չայն, ձայնաւոր, ձայնել, անձայն: Ծանապարհ, ճանապարհել, ճանապարհորդ, ճանապարհորդութիւն: Մանուկ, մանկական, մանկանալ: Յիշատակ, յիշատակել, յիշատակող, յիշատակարան: Ներել, ներողամիտ, ներողութիւն: Շնորհ, շնորհել, շնորհած, շնորհաւորէք, շնորհաւորեցի, շնորհաւորող: Չար, չարանալ, չարութիւն, չարչարանք, չարչարուել: Սուր, սրոց, սրել: Ոյժ, ուժեղ, ուժեղանալ:

Ը. ԳՈՐԾՈՂՈՒԹԵԱՆ ԹԻՒՆ

ա. Ես կարդում եմ: Դու գրեցիր: Հնձողը հնձեց:

բ. Մենք կարդում ենք: Դուք գրեցիք: Հնձողները հնձեցին:

§ 14. Առաջին տողի մէջ գործ կատարող առարկաները մէկ-մէկ են. նրանց կատարած գործողութիւնն էլ մէկ է— մի անգամ է կատարում: Երկրորդ տողի մէջ գործողները շատ են. նրանց կատարած գործողութիւնն էլ շատ է— միքանի անգամ է կատարում: Գործողութիւնն էլ,

առարկայի ու որպիսութեան պէս, կարող է մէկ և շատ ցոյց տալ: Գործողութիւնը շատացնելիս՝ վերջից աւելացնում ենք ն և ք տառերը մենակ կամ ուրիշ տառերի հետ:

17. Հետևեալ օրինակները փոփոխեցէք այնպէս, որ առարկաներն ու գործողութիւնները մէկից շատ ցոյց տան:—Աշակերտը կարդում է իւր դասը: (Աշակերտները կարդում են իրանց դասերը): Կոյն արածում է դաշտումը: Թռչունը երգում է իւր քաղցրահնչիւն երգը: Որմնադիրը պատում է պատը: Վարժապետը սովորեցրեց աշակերտին: Աշակերտը լսեց վարժապետի ասածը: Քահանան մկըրտեց մանկանը: Մանուկը մեծացաւ, ուժեղացաւ և իւր հօրն օգնող եղաւ: Ամառը ես կըգնամ գիւղը, աշնանը նորից կըվերադառնամ:

18. Հետևեալ օրինակների մէջ գործողութիւնները փոփոխեցէք՝ շատը մէկ շինեցէք.—Հացը թխում են տանտիկիները կամ հացթուխները: (Հացը թխում է տանտիկինը կային:) Հացը թխում են խմորից: Խմորը հունցում են ալիւրից, ջրից և խաշից: Ալիւրն աղում են ջաղացում ցորենից: Հացահատիկները հասնում են արտերում, հասկերի մէջ: Գիւղացիք դաշտը մշակում են. նրանք հերկում են հողը—ցել են անում, յետոյ ցելումը սերմում են ցորեն և ուրիշ հացահատիկներ:

§ 15. Մեր սովորած ըստերից միքանիսը առարկայի անուն են. միւսները որպիսութեան, իսկ ոմանք գործողութեան:

19. Հետևեալ խօսքերը վերլուծեցէք և ասացէք իւրաքանչիւր բառի նշանակութիւնը.—Փայլուն արևը մայր մտաւ (փայլուն՝ ցոյց է տալիս արևի որպիսութիւնը. արևը՝ անշունչ և նիւթական առարկայի անուն է. մայր մտաւ՝ ցոյց է տալիս արևի գործողութիւնը): Լուսինը վաղուց գնաց թագկացաւ: Փոքրիկ աստղերը ամպի տակ մտան: Բարեպաշտ մարդիկ ժամ գնացին: Ծոյլ մանուկները տանը մնացին: Աշխատասէր աշակերտները դասերը սովորում են: Ազօտ լուսինը լուսաւորում է քնած երկիրը: Պայծառ աստղերը փայլում են պարզ երկնքի վրայ: Սև-սև ամպերը ծածկեցին կապոյտ երկնքի երեսը: Գիշերը մթնեց: Վայրենի գազանները զարթեցին: Չար մարդիկ սիրում են խաւար գիշերներ:

Թ. ԲԸԹ, ՎԸՆԿ ԵՒ ՏԸԹ

§ 16. Առարկային, նրա որպիսութեանն ու գործողութեանը մարդս առանձին-առանձին անուններ է տալիս: Առարկայի, գործողութեան և որպիսութեան անունները ըստնր են:

- ա. Հաց, ծառ, քար, ջուր, ցուրտ, սև, լաւ, մոմ, միս, շէկ:
- բ. Բա-ժակ, գարի, ցորեն, բարակ, հասակ, սիրուն:
- գ. Բա-րե-կամ, աշակերտ, աշխատել, աշխատութիւն:

§ 17. Առաջին տողի մէջ նշանակուած բառերը կարդացւում են միանգամից. միւս տողերի մէջ նշանակուածները երկու կամ երեք անգամից:

Բառի այն մասը, որ արտասանուած է միանգամից, վանկ է կոչւում:

§ 18. Վանկերի թւին նայելով բառերը լինում են՝ միավանկ, երկավանկ և բազմավանկ:

§ 19. Ամենայն բառ մի կամ միքանի վանկից է շինուած, իսկ ամենայն վանկ շինուած է մի կամ միքանի հնչիւններից:

§ 20. Գրելու ժամանակ հնչիւնների տեղակ գործ ենք անում առանձին նշաններ, որոնք տառ կամ զիր են կոչւում:

§ 21. Կան տառեր, որոնք հեշտ են արտասանուած և, առանց ուրիշ տառերի օգնութեան, պարզ հնչւում են. բայց կան և այնպիսի տառեր, որոնք միայնակ դժուար են հնչւում և հեշտ հնչուող տառերի օգնութեամբ են միայն արտասանուած:—Հեշտ հնչուող տառերն են՝ ա, ե, է, ը, ի, ո, օ, ու: Սրանք ձայնաւոր են կոչւում: Մնացած տառերը կոչւում են ըստաձայն:

§ 22. Առանց ձայնաւոր տառի վանկ չի լինիլ: Առանց բաղաձայն տառի վանկ կարող է լինել:

§ 23. Գրելու ժամանակ, բառի մի մասը մէկ տողից

միւս տող անցկացնելիս, պէտք է ամբողջ վանկ կամ վանկեր անցկացնել:

Ա-սն, ա-րն, ա-ժան, գի-նի, բա-րի, դա-նակ, ե-ղան:

Ա-րե-գակ, ա-բե-ղայ, ժա-մա-նակ, ժա-մա-ցոյց:

§ 24. Կանոնաւոր կարգալու և անսխալ գրելու համար պէտք է գիտենալ, թէ բառերն ինչպէս են վանկուում: Վանկելու հիմնական կանոնն այն է, որ բաղաձայն տառը, եթէ մենակ է, կպչում է իրանից յետոյ եկող ձայնաւորին:

20. Վերոյիշեալ կանոնին համաձայն վանկեցէք հետևեալ բառերը՝ կերայ, տեսայ, եկայ, բարակ, դաթայ, թաւայ, արեգակ, Արուսեակ, քահանայ, յիսուն, Յիսուս, գարի, ցորեն, ցերեկ, ցուցակ, կարաս, կացին, գաւաթ, գինի, Գարեղին:

Ար-ճիճ, աղ-քատ, աղ-ջիկ, ար-դար, եղ-նիկ: Ըն-դե-ղէն, ընտ-րու-թիւն, երկ-րա-չափ:

§ 25. Երբ ըստի մէջ միքանի բաղաձայներ կան, միայն վերջին բաղաձայնն է կպչում իրանից յետոյ եղած ձայնաւորին, իսկ միւսը կամ միւսները մնում են նախորդ ձայնաւորին:

21. Վանկեցէք հետևեալ բառերը. աղբիւր, եղջիւր, երկինք, երդիկ, երկնաւոր, երկրագործ, իշխանաւոր, ինքնասէր, որկրամու, որդեսէր, սրբակեաց, ընկոյզ, ընտանի, ընդեղէն, թարգմանել, մարդկութիւն, մաքրասէր, կարգաւոր, ընտրութիւն:

Բը-ժիշկ, բնակ, բլիթ, դուում, դժոխք, թթու, թզուկ, բըրդել, խընդիր, զընդան, ճընճ-ղուկ:

§ 26. Եթէ ըստի սկզբում միքանի բաղաձայն տառեր կան, վանկելու ժամանակ առաջին բաղաձայնից յետոյ դրւում է ը ձայնաւորը; իսկ միւս բաղաձայները վարւում են նախընթաց կանոնին համեմատ:

22. Վանկեցէք հետևեալ բառերը. բոնել, բրդել, գրիչ, գընդակ, գլուխ, գդակ, դրդել, տրտմիլ, զննել, գրկել, թթու, թզուկ, թռչուն, թշնամի, ժպիտ, ժլատ, ժժմակ, լուել, լրտես, խխունջ, խնձոր, խնդիր, խրտնել, ծնունդ, ծնկաչոք, ծղրիդ, կըթել, կրկնել, կոթնել, հնդիկ, հնդկահաւ, ճնձադիկ:

§ 27. Բառի վերջում բաղաձայն տառերը միշտ կըցւում են իրանցից առաջ եղած ձայնաւորին՝ մէկ լինին, թէ միքանի. միայն ն և ը տառերը հարևան բաղաձայնի հետ առանձին վանկ են կազմում (ծունը—ծու-նը):

23. Վանկեցէք հետևեալ բառերը և, ուր որ պէտք է, ը աւելացրէք.—Սանդ (գործիք), սանր, ծունկ, ծունր, ծածկ, ծանր, մարդ, մանր. կարծր, բարձր, ոտք, ոտն, ձեռք, ձեռն, բերք, բեռն, կառք, դառն, դառն, սառն, դուռն, նուռն, բուռն, ծուռն, ամառն, ձմեռն, մեղր, կայսր, եզր, ծաղր:

Բըժիշկ, դըդում, զընդան, թըզուկ, ժըժմակ, լըրտես, խընդիր, ճընճուկ:

Սկունդ—ըսկունդ. սպաս—ըսպաս. դբադմունք—ըգբադմունք. շտապ—ըշտապ:

Առաջին տողի մէջ բաղաձայն տառը վանկուելու համար իրանից յետոյ առել է ը ձայնաւորը, իսկ երկրորդ տողի մէջ բաղաձայնը իրանից առաջ է առել ձայնաւորը:

§ 28. u բաղաձայնը թ, կ, պ, տ, փ, ք, տառերի հետ, զ բաղաձայնը ք, գ, մ՝ տառերի հետ և շ բաղաձայնը ա) տառի հետ հանդիպելիս, բառի սկզբում, հնչւում են որպէս ամփոփ ըս, ըգ, ըշ և կազմում են կէս վանկ:

24. Աւելացրէք ը տառը, ուր որ հարկաւոր էք համարում.—Սթափուիլ, սկեսուր, սկայ, սկունդ, սկուտղ, սպաս, սպունգ, սպի, սպիտակ, սպեղանի, սպասել, ստամոքս, ստէպ, ստոր, ստոյգ, ստանալ, ստինք, սփիւռ, սփոփանք, սփածանելի, սքօղել, սքանչելի, սքանչանալ:—Ջբօսանք, զբադմունք, զգալի, զգեստ, զգոյշ, զգօն, զգայարանք, զմայլել, շտապել, շտեմարան:

Սարդ (միջատ)—սարդ (այդ սարը): Ջին երկու ոտի վրայ ծառ

եղաւ (ծառանալ): Ծառս արմատից կտրուեց (այս ծառը): տունն, բունն, (այն տունը, այն բունը):

§ 29. *ւ. դ. ն* տառերը, եթէ բառի անանջատ մասը չեն, այլ, որպէս եկամուտ տառեր, աւելացած են բառի վերջում, որ առարկաների դասաւորութիւնը ցոյց տան, իրանց նախորդ բաղաձայնի հետ միշտ մի վանկ են կազմում:

25. Ուր որ յարմար է ը դրէք և վանկ կազմեցէք.— Կարգ—կարգալ: Կարգ կարիր: Բարդ—բարդել. մարդ—տղամարդ. մէրդ—մարդ—մայրդ. հորթ, հորդ. կիրթ, գիրդ. սերտ, սէրդ. բանտ—բանտարկել. բանդ շինիր, յետոյ խաղն. մարս—մարսել. մերս—մերսել. մէրս—մարս—մայրս. սարս—սարսել—սարսափ. սարս ձիւնապատ, ամպերս մթին, անտառներս խիտ:

§ 30. *կ* տառը իբրև մասնիկ դրուում է բառի սկզբում և, եթէ մօտի տառը բաղաձայն է, առնում է ը տառը և նրա հետ առանձին վանկ է կազմում, իսկ եթէ մօտի տառը ձայնաւոր է, այն ժամանակ նա յաջորդ ձայնաւորի հետ մի վանկ է կազմում: Կըզբեմ (կ'ասեմ):

§ 31. Հայերէն տառերը գրուում և կարգացուում են հետևեալ կարգով. այբ, բեն, գիմ, դա, եչ, զա, է, ըթ, թօ, ժէ, ինի, լիւն, խէ, ծա, կէն, հօ, ձա, դադ, ճէ, մէն, յի, նու, շա, ո, չա, պէ, ջէ, ոա, սէ, վէվ, տիւն, բէ, ցօ, ւիւն, փիւր, քէ, օ, ու, ֆէ (և=ю=իու. յ=й):

§ 32. Բոլոր տառերը միասին վերցրած կազմում են հայերէն այբուբենը, իսկ այստեղ առաջ բերած կարգը կոչւում է այբբենական կարգ: Հայերէն այբուբենի տառերը 39 են:



ՆԻԹԵՐԻ ՅԱՆԿԸ

I. ՈՒՍՈՒՄՆԱՐԱՆՈՒՄ ԵՒ ՏԱՆԸ

1. Իմ ուսումնարան գնալը	5	14. Օրօրոցի երգ. Գ. Ք.	17
2. Հանելուկ	6	15. Կաւիճ	18
3. Կարգալ-գրել	7	16. Թռչնակ	20
4. Ամեն բան իրան տեղ	7	17. Սպունգ	—
5. Տխուր երեխայ	8	18. Գարնան կարապետ. Գ. Ք. 23	
6. Մեր տունը	9	19. Մատիտ	—
7. Խրճիթ	10	20. Ռեախն	25
8. Մեր դասատունը	11	21. Երկու քոյր. Գ. Ք.	27
9. Հրակէր դէպի ուսումն.	12	22. Կրակ	29
10. Մեր ընտանիքը	13	23. Դարբին	30
11. Պապը	14	24. Օդ	31
12. Պապը թոռնիկին	15	25. Քամին և նաւերը	32
13. Առաւօտեան ձառ.	16		

II. ԿՆԵԴԱՆԱԿԱՆ ԵՒ ԲՈՒՍԱԿԱՆ ԱՇԽԱՐԻՑ

26. Ծնիկ	34	41. Զատիկ	—
27. Կատու	—	42. Թիթեռ և մանուկ	46
28. Զի	35	43. Այգի	47
29. Տխուր ձի	36	44. Պարտէզ	—
30. Կով	37	45. Ծաղիկների երգը	48
31. Կենդանիների վէճը	38	46. Բոյսերի կերակուրը	49
32. Կթել և հարել. Արարատ.	39	47. Ծառերի վէճը	50
33. Ոչխար	40	48. Ուտելիք	51
34. Դառը գայլի մորթով	41	49. Հանելուկ. Արարատ.	—
35. Խոզ	—	50. Փորձանք ու պատուհաս.	52
36. Խոզը կաղնի ծառի տակ	42	51. Զրաղաց	—
37. Աղաւնիներ	43	52. Վուշ և քաթան	53
38. Ծիծեռնակ	—	53. Զրի ձանապարհորդ.	55
39. Պանդխտի երգը. Դողոխ.	44	54. Զարմանալի մշակ	57
40. Կաղամբի թիթեռ	45		

10 152 21. Գ.
10 — — 144 —

III. ՏԱՐՈՒԱՅ ԶՈՐՍ ԵՂԱՆԱԿՆԵՐԻՆ

55. Ի՛նչ արեց ձմեռը	59	65. Երկր. և ծաղիկը	66
56. Ալևոր պապի չարիքները. —		66. Ամառը խոտհարբում	—
57. Զիւն	61	67. Հունձ	68
58. Յունվարի մէկին	62	68. Թաժայ հաց	69
59. Նոր տարի	63	69. Շինակ. երգը. Պատկան. —	
60. Ակնկալութիւն գարնան	—	70. Չհնձած արտ	70
61. Գարուն	64	71. Մանկական յիշողութիւնից	71
62. Մայիսուայ առաւօտ	—	72. Աշուն	72
63. Ամառ.	65	73. Զորս եղբայր. Ռ. Պ.	—
64. Երաշտ	—		

IV. ԺՈՂՈՎՐԴԱԿԱՆ ՀԵՔԻԱԹՆԵՐԻՅ

74. Մանկական հեքիաթ. ժող. 74	82. Ազոաւները. Սր-ից	86
75. Շունն ու կատուն	83. Անխելք մարդը. Սր-ից.	87
76. Գորաը և եզը. Կրիլովից . 80	84. Վարդունիին ու Յուակը	90
77. Հանելուկ. ժող.	85. Յոպոպիկը	97
78. Վարդենին ու փուշը. փոխ. 81	86. Ուրիշին հոր փորես. փոխ. 98	
79. Հանելուկ. ժող.	87. Հրեղէն ձի. փոխ.	102
80. Պատիկն ու լխտիկը. Յ. Թ. —	88. Որսորդ Յականը	105
81. Ազուէսն ու կկուն	89. Ազգավաճառ Սուրէնը	

V. ՅԱՆԵԼՈՒԱԾ

I. Առածներ	129
II. Քերականական վարժութիւններ	131

2013

4555

« Ազգային գրադարան



NL0063111

